

# GRALLATOR FURENS,

De novo in Scenam productus  
cum Pantomimo suo, Bomboma-  
chide Vliſſingano :

*Sen*

Responsio ad Epistolas Guilielmi  
Apollonii mystæ Mittelburgensis,  
& Jodoci Larenæ Ecclesiastæ Vliſſin-  
gani, quas in lucem dedere adver-  
sus Grallarum authorem.

MALACH. 2. VERS. 3.

*Ecce ego corrumpam semen vestrum, & spargam  
stercus in facies vestras, stercus sanctita-  
tum vestrarum, & tollet vos ad se.*



FRANKERÆ. Anno 1647.

1917 - 1918 - 1919

1920 - 1921 - 1922

1923 - 1924 - 1925

1926 - 1927 - 1928

1929 - 1930 - 1931

1932 - 1933 - 1934

1935 - 1936 - 1937

1938 - 1939 - 1940

1941 - 1942 - 1943

1944 - 1945 - 1946

1947 - 1948 - 1949

1950 - 1951 - 1952

1953 - 1954 - 1955

1956 - 1957 - 1958

1959 - 1960 - 1961

1962 - 1963 - 1964

1965 - 1966 - 1967

1968 - 1969 - 1970

## LECTORI.

**F***ecit me vatem (benevole lector) usus, & Grallatoris temeritas; ut quod fieri posse, vix credideram, id uti prædixi juxta evenerit, etenim Grallatoris sermones in centonibus, haud cineres quæritabant; nec defore prævideram, qui illecebroso illi capiti sisterent cadum, ac dicerent; age mi Achilles! urbicape, occisor regum! næ bellatores ex te gignuntur! ex te editi pueri annos octingentos vivunt! quis jam possit risu se admoderari? qui videat alterum huic præsto, ornatu nauclearico, cui colos Thalassicus, per epistolam ut regem adeuntem, ac pene ei dicentem, Pol postridie natus es quam Jupiter Apollonî! Si pridie natus fores quam ille, regnum haberes in cælo.*

*Lepidam certe Grallator invenerat Sycophantiam: in id negotium Bombo-*

*machides insistit Sapienter ; aures , linguam , stilum , ei in ditionem dedens . venustè ( haud dubium ) inter se dicunt ; Dî Hercle hanc rem adjuvant ! lepide hoc succedit sub manus negotium ! bene lineatam Hierarchiæ papalis carinam colligavimus ! si nos materialius non moratur ; novimus indolem ingenii nostri : cito erit parata navis ! at tamen dum securi inter se dolum dolant , stimuleum à me supplicium incurrentes ; ostendunt occisam sæpe sapere plus multo suem cum manducatur .*

*Non iniquè id comparavit Deus , uno exemplo ne omnes vitam viverent , sicut merci pretium stat , pro virtute uti quisque valeat . Quis Grallatorem & Bombomachidem severo vultu ferat ? ineptissimas ineptientis ineptias . præcesserat ille , ut Bolinthus ῥοπαλῶν , cui cum dorsus totus pruriret , per frictum pone adstitit Bombomachides : quid præter bombos illinc expectes ?*

Unde



Unde prodeunt auræ ,  
 Quę de Sabęis messibus nihil spirāt.

*Sed quid ago ? ad facetias & convitia  
 iterum ? vetus hoc mihi studium esse ait*

Ep. pa. 5.  
 In. præf.

*Grallator ; idem repetit Bombomachi-  
 des ; ut vix unam aut alteram perio-  
 dum possim scribere , quin instar mu-  
 lierculę rixatricis ( inquit ) in convi-  
 tium erumpam , id volunt uterque ,*

Naturam expellas furcā licet ,  
 usque recurrat.

*Ergo quod nunc instat agamus. Nimi-  
 rum addubitabam , cornicantibus inter  
 se gracculis respondere dignum foret , sci-  
 licet ut arenam sine calce dispergerem !  
 attamen facinus audax cępisse fateor ;  
 quod Walachropapismi alveare , pede  
 percusseram in Grallis , tanto pulsu , ut  
 resupinum , polydædala Apollonianę spi-  
 ritualitatis novę , artificia ostentaret :  
 etsi edentula vulgo sit apum progenies ,  
 aculeo tantum à retro minitans , tamen  
 mirabile dictu ! ex illo apiario prosilie-  
 runt statim duę , non aculeatę modo à*

post, sed ab ante, mārso apro dentatio-  
 res. non exterruit tamen bombus, non  
 insolita mordendi rabies: hoc potius mi-  
 rabar, quod non confusa inter se cohors  
 simul erumperet; nisi id sit quod suspi-  
 cor, necdum suboluisse cæteris novi pa-  
 pismi allium: inspersi velitarium ra-  
 tiuncularum guttas, vel ut ( ipsi ) lo-  
 quuntur, stili & elegantiarum fumum  
 objeci; nil cogitans quidem de statario  
 prælio: alicunde accercendus est ( ut  
 video ) ad hoc papisticum bellum, me-  
 lioris armaturæ miles! nil quam ludere  
 & iocari adlibitum erat, ac sponte sub-  
 sessuris animalculus placide adsidere;  
 nil suspicans etiam mali ab ejusmodi in-  
 sectis, quæ vel Solani nidor, vel ex al-  
 terco virgula torpifera facile in silentium  
 cogeret. hinc facetias, hinc sales in Bom-  
 bomachidem exsalinaram, quibus tin-  
 nulum animal silere docerem; at at!  
 quantum fallor! confertis alis ad præ-  
 lium prorupere simul, Grallator ac Bom-  
 bomachides, recollecta bile ( quid aliud  
 possit

*possit πικρόχολον animal) ut insolito more non bombant modo ac pungant, sed mordeant : in tantum recrudescente animi impatientis vitio, ut festa profestis, sacra profanis misceant ac mutilent, uti solent insani amatores, qui nocti ac diei, qui soli ac lunæ narrant misérias suas. Verbo jam dicam, vicit amicorum suus, traxit ludi amœnitas ne silerem, ne quidem ridendo abstinere potis; ut dicam,*

—— Cur ego amicum  
offendam in nugis? hæ nugæ seria  
ducunt

In mala, —— sic tamen ut ad seria potius inclinassem, nisi ludere identidem cogeret Walachra excors argutatio. curriculo percurram quod nunc dicturus venio : primum erit ut furorem Grallatoris, & paranoiam Bombomachidis simul faciam palam : Alterum ut mendacia : ultimum ut ineptias, & utriusque futilitates edisseram.

## C A P. I.

## De furoribus Grallatoris, &amp; paranoia Bombomachidis.

Gral.  
pag. 15.

**D**ixeram alibi in Grallis *Aiacis furentis in morem sapere*, illic Mittelburgi Apollonium; qui oves suas mactabat quo animi iram expleret. fuit hoc ibi majoris censuræ præmium, sed (quod nunc ostendam) furoris ejus præsagium. Monueram quoque alio loco, ne novum Hierarchia sua opus canabinum, nimis contentiose traheret: ne telam Ecclesiasticam contexere studens qua se exornet, desineret in vestim politicam qua se strangulet. ne quidem in Bombomachia abstinueram à præmonendo; alludens enim ad Bruti Romanam Historiam prædixeram: Si Druidi Vlissingana credere liceret, malum Apolloni genium nos visuros iterum quasi apud Philippos. Non sum vaticinandi artifex; attamen vix arbitror olim apertius futura prædixisse Delphicum Apollinem volentibus, quam ego Apollonio illic nolenti. Ac nisi illi homini esset mala mens, malus animus: Prudentius credo sibi temperasset. Nec se impedivisset in has quas nunc sentit plagas. Hæc fors est impiorum homi-

Gral.  
pag. 229.

Bombo.  
P. 27.

hominum, qui Dei metu projecto, nil intemeratum faciunt iracundiæ, ultricibus diris in avia raptantur, ut nullum ab recto deflectendi modum aut finem inveniant: quod fero à furore resipiscens agnovit Ajax ille, quem introducit Sophocles, agnoscentem hoc ac dicentem, *πῶς ποῦ ποῖον φίλον, labor labori laborem adfert.*

Nunc ut seipsum videat in Ajace Grallator; paucis de illo perstringam veterem Historiam. Erat is unus ex proceribus Græcorum, Telamone patre natus, ex Salamine ortus, parva insula ex opposito Athænarum, qui se adjunxerat Principibus, cum fratre Teucro, ad debellandam Troiam, quem tamen compererant tandem ob ferociam esse *ἰχθυὸν φεύγων*, magis inimicum Græcis, (ut quæritur Menelaus) erat enim *ἀνυπότακτος*, & indomitus; principibus parere nolens, sed omnes inconsideratè ad iram pugnamque lacescens, ac ut loquitur Sophocles *αἰῶν ὑβριστής*, *illis- stris convitiator*. Is tandem cum omnibus proceribus decertavit de armis Achillis, cui summus tunc honos erat: cumque crederet sibi uni ob fortitudinem deberi; suffragiis Græcorum, data tamen sunt Uliissi ob prudentiam. Id tum ægre ferens, ob

contemptum, & quia Ulifsem illum semper oderat, dedecoris impatiens, proposuerat noctu inter tenebras irruere in castra Græcorum, & principes omnes trucidare, maxime Ulifsem & duos Atridas, Agamemnonem & Menelaum, qui virtute & potestate imperii omnes anteibant: fecissetque adeo, intempesta nocte cum armis egressus, sed Pallas Dea sapientiæ,

— δυσφύρους ἐπ' ὀμμοῖσι

Γιῶμαι βαλῆσαι. perversam oculis sententiam objiciens, furorem illi immisit, ut in oves & pecudes incidens, magnam earum lanienam ederet, putans se in Græcorum principes sævire: ad postremum sanguine innocuarum pecudum perspersus, ad tentoria rediens, aliquot arietes captivos abduxit, ob delirium putans se Atridas & Ulifsem captos abducere. Quod furiosum Aiakis factum primo clam, Græcis innotuit, mox Pallas manu præhensum & nebula tectum, Ulifsem ipsum deduxit ad tentoria Ajacis, ubi cum dolore suis ipse oculis vidit furorem Aiakis; duos enim insignes arietes candidos arripiens, cum risu linguam, mox caput abscidit, addens identidem, *τιθαῖον ἀνδρὶς, mortui sunt viri*, intelligens Atridas, alterum ad columnam vestibu-

stibuli , loris adligatum , duplici scutica  
 misere flagellavit ( unde flagelliferum eum  
 vocavit Sophocles ) addens tot convitia  
 ut ipse Sophocles loquitur — α δαίμων  
*quia demon* κ' ἄδεις ἀνδρῶν ἐδίδασκεν , & nullus  
*hominum* eum docuerat : & quanquam Mi-  
 nerva illum mōneret , ne miserum ita fla-  
 gellaret : ridens Ajax tanto magis feriebat,  
 asserens se astutam illam vulpem Uliſsem  
 flagellare. Cujus insanīæ miserta Pallas,  
 adstanti , & hæc omnia intuenti Uliſſi  
 dixit :

ὄρεῖς Ὀδυσσεύ τῶν θεῶν ἔχου δόσην

*Vides Uliſſe quanta ſit potentia Deorum !*

tandemque eum , nebula tectum , ab hoc  
 miserando ſpectaculo abducens, aureis ver-  
 bis monuit ut Aiācis exemplo diſceret, nec  
 in Deos , nec in homines contumelioſus  
 eſſe ,

ὅτις ἡμέρας κλίνει τὲ καὶ ἀνάγει πάλιν

Ἀπαντὰ τ' ἀνθρώπινα , τὸς δὲ σώφρονας

Θεὸν φιλεῖσι , καὶ εὐγυῖσι τὸς κακούς.

*Quia dies ducit & reducit viciffim*

*Omnia humana : modeſtos vero*

*Dī amant , & oderunt malos.*

non manſit in hoc furore Ajax ; ſed rediens  
 ad ſe cum errorem agnoſceret , & inde ſi-  
 bi

bi oriturum dedecus apud Græcos, præ-  
videret; non capax infortunii, ambitionis-  
que immodicus; solitudinem occupans de-  
ceptis sociis, in gladium incubuit; vitam  
ita ingloriè finiens: ac relinquens in se exem-  
plum inconsiderati fastus; quo non Deo  
modò sed hominibus invisus fuerat in vivis,  
& post mortem quoque contemptibilis.

Hæc summa est vel parabolæ vel Histo-  
riæ de Aiæcis furore; quæ inter gentiles  
una ex antiquissimis est, & tam celebris;  
ut non Homero ac Euripidi modò fuerit  
decantata; sed ipsi Sophocli materia Tra-  
gædiæ, cui fecit nomen Aiæcis Flagelliferi.  
Hanc intenderam in Grallis, quasi Gral-  
latorem monens, ne in similem casum se  
præcipitasset: Sed frustra moneas, quem  
fastus ad contumaciam ita induravit, ut sa-  
cra contemnere didicerit: non si Pallas ip-  
sa (ut ludunt Poëtæ) hoc est ex Dei qua-  
si cerebro nata Sapientia, adstiterit, tali  
malo remedium præscripserit. Habebat  
Grallator Palladem, & divinam Sapien-  
tiam, in Scripturis sacris sibi assistentem,  
ac monentem (si vidisset) non esse divi-  
nis & sacris illudendum, typho Antichri-  
stico percitus, tamen ei non attendit; quin  
potius commodi gloriolæque mundanæ ad-  
sueve-



sueverit, religionis suæ sacris ita abuti, ut eorum obtentu, magistratibus & piis molestias, impiis contra & profanis peccandi securitatem procurarit. His monitis olim non paruit, græcus flagellator Ajax, ne quidem hodie insanus ille Walachrus Grallator. Fateor me hic exemplis in parvis, grandibus uti, tamen rerum affinitas coegit non dissimiles hos casus inter se comparare, ut non desperem id favori daturum Lectorem, si rerum & personarum diversarum, pares vel similes eventus hic mecum sine tædio expendere cogam.

Ajax Salamine, parva insula, ortus, nil comparandis maximorum regum Atridarum potentia, altissimos tamen spiritus gestabat, ut se nulli secundum putaret. Grallator Vereanus, litterariæ & Philosophicæ nobilitatis vere expers, non Zeelandiæ modo sed omnium Belgarum dignitati, se audacter æquabat.

Erat is Ajax in tutelam Græciæ à proceribus adlectus, ut Asiæ regnū grave, quod tunc Troiæ erat, communi opera oppugnaret.

Ita Grallator ab Mittelburgensibus erat electus ut Christianorum libertatem illic defendens, Romanam Tyrannidem debellaret. Attamen tempore hoc comperiebant  
pro-

procere Græci, ut quem putabant Græciæ libertati amicum, Ajax contra esset animo inimicior ipsis Troianis. Grallator quoque tandem compertus est, majori odio flagrare in ecclesiam Christi, & pios Mittelburgenses procere, quam si apertus hostis aut papista fuisset. Ajax viribus & incondito robori nimis tribuens, non hostes modo, sed ipsos amicos & procere Græcorum offendit, ἄστυ ὑβριστής, *illustris contumeliosus*, & neminem non in certamen provocavit.

Grallator ingenio nimis fidens; non proceribus modo Mittelburgensibus maledicere: sed quosvis doctissimos scripturienti prurigne provocare ausus est. Ut non modo Reformationum plerosque perstringeret, sed imprimis Clarissimum Vedelium, quasi ad solitare prælium provocaret, ipsis etiam Britannis suæ eruditionis specimina transcribens, ut honoris vano desiderio, nusquam non litigandi spargeret semina.

Ajax tandem in Palladis Sapientiæ Deæ indignationem incidit, quia videbat honoris insano amore nimio illum ita rapi, ut Deorum esset contemptor.

Grallator quoque audaciæ & ambitionis nimius, in vere Sapientum & piorum in-

indignationem devenit ; ut non modo factus ejus displiceret, sed sub sanctitatum novarum velo viderent, Sanctitatis veræ Deique contemptorem esse.

Ajax de armis Achillis ac fortitudinis palma gloriose decertans, communi procerum calculo ac præter spem illo honore privatus est.

Grallator vanam eruditionis præeminentiam ambitiose affectans, à Grallarum authore ab ea detrusus, quem promeruit contemptum patitur.

Ajax sua spe delusus, in furorem ob indignationem devenit ; omnibusque Græciæ proceribus, imprimis Uliissi, mortem intentabat.

Quid non stomachatum credimus, illic Mittelburgi Grallatorem ? post editas Grallas ? quo non irarum æstu flagrasse credimus, dum falsa virtutis ostentatione, & audacia nocendi hætenus terribilis, tam aperte perstringeretur, ut jam virtute victus, scelerum & criminum publice convinceretur : non audivimus coram ejus barritus, sed in scripto vidimus furores, quibus sic æstuat, ut nemini nunc dubium sit, non esse in Walachria, non in Zeelandia, ne quidem apud Belgas autoritate vel ingenio

genio insignem, quem ob editas Grallas, exitio, & gehennæ ignibus non devoveat.

Sed avertit Ajacem Minerva; ut in Principes ferocire credens, in oves irrueret: dumque insignium virorum sanguinem sitiret; pecudum strage se oblectavit. Ita sæpe accidit ferocibus, & sine ratione vindictæ cupidis; ut se nocentibus & dignis damnum inferre credant, cum contrà, in oves, hoc est innocuos incidant.

Grallatorem sic quoque illic insaniisse non dubitamus; ut iram passim effundere desiderans, in immerentium capita expumarit; dumque hostium cervicibus minaretur, in pios innocuos sæviit: quid aliud ab tali expectes? qui veterè instituto, sit ovium Christi flagellator, cujus censurarium jus & specialis sanctitas à politicis non tangenda, in hoc consumitur, ut impiis parcat & contumacibus: piis contra & qui reconciliabiles sunt, damnum, dedecus, & si possit, æternum exitium excommunicando procuret. Illumne credamus alicujus gregarii tergo peperfisse? qui in magnates, & ποιμένας λαών pastores populi, tam seditiosus & injuriosus fuit? uti in Grallis ex dictis factisque ejus ostendi, nil

nil magis quam Ajax ille furens ; magnatum plagis & injuriis adfuetus, ab innocuarum ovium laniena abstinuit : quem non credas ovium Christi, in illa Ecclesiæ suæ vulnera ac vibices adhuc sentire ? ubi insanus flagellator, cum aliquot insipientium satellitio, tam diu libere grassatus est, & ( si dñs Apollonianis Walachropapistis placet ) adhuc pergit grassari : quis illic credet abesse innocentium Christi ovium, cædes, gemitus, & indignationes ? ubi publicanum facere, à Christi grege extrudere, diabolo tradere, sub furentis Grallatoris arbitrio jacet ; ut quotiens pleonectæ non adrideat donum ; quotiens delicato non sapiant cupediæ, quoties supercilio non respondeat adulatio ; fictæ jurisdictionis, ac majestatis reus fiat quivis, omnibusque diris devoveatur : hos ovium Christi gemitus, has querelas, in illa Ecclesia hic mihi audire videor ; dum profligato illic per me flagellifero illo Ajace Vereano, in maleficia ejus, in carnificinas quas passi sunt detestandas, factæ sunt disertæ ; ut non dubitem quin à multis, nunc ei dicatur, quod olim illi sacrilego ab Josua, *tu nos contristasti, Deus te quoque contristabit.*

Aiax in omnes oves non æquè furebat , sed maximè in tres arietes , quorum duos putabat esse Agamemnonem & Menelaum , quos ob potentiam maxime oderat.

Grallator omnibus bonis inimicus , in Dynastas & politicos maxime maledicendo sæviit , omnibus eos convitiis proscindens , apud populum ; & præ cæteris , Senatores Mittelburgenses quos putabat suæ superbiæ , ac papali Hierarchiæ obstare ; ut non obscuris indiciis in novissima Epistola suspectos reddat , quod me ut Chærulum conduxerint qui ipsi maledicerem ; ita scilicet procures istos convitiandi consuetudo , illi furioso Grallatori occalluit : sed sicuti maledicta & malefacta Ajacis furentis non tangebant procures ( incidebant enim in innocuos arietes ) ita sat scio Dynastas nil tangunt Grallatoris convitia , sed ab iis ridentur ut furiosa.

Epist.  
pag. 70.

Ajax inter procures maxime oderat Ulissem ob prudentiam , quia illi eripuerat præmium honoris inter Græcos. Sic ut in illum præ cæteris indignè fureret.

Grallator quoque præ cæteris me unum insequitur , non superos modo , sed Acheron-

cheronta movere studens ; ut mihi malum creet ; quia sentit in Grallis , sibi detractam eruditionis & probitatis larvam.

Ajaci tamen hoc accidit , ut Palladis ductu , furorem maxime proderet in Ulfsem innoxium sæviendo , cum tamen eum non videret nec tangeret.

Ita Grallator , in Grallarum authorem , aperte furit , & omnibus modis eum persequitur , quasi præsentem & notum ; cum tamen furore occupatus , ne nec videat nec noscat.

In furore Ajacis hoc accidit , quod multa ridicula ederet , quasi in Ulfsem : ut ipsa adstans Minerva , eum moneret , ut misereretur miseri Ajacis ; alligabat enim arietem postti pro Ulfse , duobus loris ; & ita adligatum tanquam Ulfsem flagellabat , injuriosissime eum tractans , tam ridicule ac tanto impetu , ut Ulfssi clam adstanti diceret Pallas ,

*Vides Ulfsses quanta sit potentia Deorum !*

Grallator tam impudenter , ac effuse in me debacchatus est contumeliis ac dictariis , ut non dubitem prudentiores indignari , ac sæpe inter se miratos esse Dei potentiam & judicium , quod tam temerario im-

petu ; ac quasi infano æstu in ignotum sibi & insontem , quasi cum Ajace posti alligatum flagellarit arietem.

Magna pars contumeliarum Ajacis consistebat in maledictis ; narrat enim Sophocles , ( loco in Tragedia jam supra memorato ) tot mala verba in Ulissem effudisse & ἀπὸντα infanda , ut ipse *demon non vir* , aut homo aliquis , videretur eum illa docuisse.

Ita Grallator tantam maledictorum procellam in me effudit passim illa Epistola ( uti in sequentibus indicabo ) ut non ab homine , sed Diabolo videatur ea didicisse.

Inter cætera , hoc faciebat Ajax : quod Ulissi convitium faciens eumque flagellans ; Deos invocabat quasi ultores Ulissis , cum tamen Deorum contemptor & risor esset , quem ipsa Pallas oderat , & ob impietatem in hunc furorem immiserat : uti sæpe in Deos videntur reverentes esse impii , cum in angustiis sunt ; vel quotiens malis illorum affectibus videntur dî favere. Haud aliter Grallator Deum invocat testem suæ innocentiae ; & Epistol. pag. 54. ac alibi ,  
vina



vina nemesi me conatur terrere ; quasi Dei aliqua reverentia tangeretur ; cum contrà dictis factisque diu ostenderit (uti in Grallis annotaram) nil illi tam sacrum ac sanctum esse ; quod non apertè rideat ac contemnat : id enim in sequentibus patebit, sacerrima Christi instituta, quæ omnes etiam vel modice religiosi, reverentur, illi tam ludicra esse, ut, non aliter quam in scena fabulam agens, coegerit ea hætenus, suo commodo & affectibus servire : loquitur quidem de pietate, modestia, & divinis rebus, quasi verè illi essent cordi, sed reipsa hoc ostendit, longa consuetudine hoc illi viluisse, ut quidquid de sacrosanctis illis rebus dicat aut præscribat, ad se nihil pertinere autumat ; vel si forte earum aliqua reverentia tangatur, tam alto sanctitatis dominio autoritativo se præditum esse, ob characterem vocationis, ut nil tam divinum sit, quod non sub sua dispensatione jacere putet ; Ajacis illius furiosi & impii in morem, qui Deos contemnens, tamen ad angustias reductus, audebat eos in suarum contumeliarum patrocinium invocare : tam impuden-

ter, ut in illo Græculo verum fuerit, quod  
alibi Homerus,

*Διὸς δ' ἱταλείης βουλῇ, Jovis impletum esse  
consilium, ac iudicium. Has ultrices diras,  
hanc (quam toties contemptim implorat)  
nemesis discat revereri si potest, non ex  
insano Ajace, sed ex sapientissimo Psalte,  
apud quem Dei Sapientia, similes divino-  
rum contemptores ita compellat; quid tua,  
ut enarres decreta mea? & fadus meum in os  
assumas? cum tu oderis disciplinam, & proje-  
ceris verba mea post te? quia lingua concinnas  
dolum: & sedens obsusurras fratri tuo. Hac  
te faciente quia ago surdum, cogitas me simi-  
lem tui? Sed, arguam te in oculis, hoc ani-  
madverte inquit Deus, ne rapiam te, nec  
sit qui eripiat. Sed persequamur furen-  
tes.*

Ajaci hoc accidit, quod Ulflem ferire  
se credens ab illo aberrans, flagra incusse-  
rit arieti insigni, ob furorem nescius quid  
ageret.

Hic mihi veniam det precor ille quis-  
quis Petrus Lansbergius; quod furorem  
Grallatoris pertexens, eum comparare  
cogar arieti quem Ajax feriebat. Non de-  
format similitudinis venustatem, si alicubi  
dissimilis sit; nullum enim simile est idem:  
nec

nec indecorum fuerit, si pene ante quadragessimum annum Ecclesiæ Christi ministro, tribuam; quod non inter vulgares Christi oves sit reputandus, sed quasi aries robore & virtute eminens; in noxios gregi mercenarios & occultos lupos incurfare possit pro ovium custodia. Vtuncque est, haud dissimili errore in illum virum incurfat Grallator ille Vereanus, quo olim Ajax furens in arietem furebat, quasi in Vlissēm: uti huic mentem eripuerat Minerva, ut quid ageret & quem læderet non videret; ita illi Walachro quasi furenti eripuit illic mentem Deus, ut inimicum ferire & flagellare volens, in virum illic innoxium inciderit.

Rationes quibus monetur frivolas, inter ineptias post explodam; primariam tantum attingo, quæ est quod putat *illum censuræ Ecclesiasticæ à se notatum, in tantum ira & vindictæ prorupisse*: exemplum à se ipso sumens; ac veteris scilicet vitii sibi conscius, quod simulac aliquid minus decori pro sua jurisdictione sancta pateretur, aduersus fuerit in spirituales vindictas in quovis statim exardescere, ex quo malo animo & consuetudine sibi propria, si Grallarum authorem investigare tentet, non

unum sed multos credo ibi inventurum esse ; cum certum sit , non magis à bonorum offensione abstinuisse illic , quam furem aut lupum , à lædendis lanian-  
disque ovibus , abstinere posse credibile sit.

Non aliud nunc sumam ex Lansbergii apologia , quam quod in illum Grallator quoque Ajacis more furibundus egit : Ajax certe convitiis , & maledictis vehementer indulgit , isque furiosorum mos est , ut inconsideratè omnia , quasi in ventum effundant , nullo veri falsique discrimine : ita non in me solum , sed specificè in illum Lansbergium , tam manifestè falsa in sua Epistola effutiit , ut nullus sit , qui nunc non credat , falsarium & insigniter maledicum ac mendacem esse illum Apollonium : ostendit enim Lansbergius , publicis actis , & actorum commentariis omnia convinci posse : pleraque enim quæ in illius contumeliam recenset , ante triginta quatuor annos vel circiter acta sunt ; cum Grallator , puer , infantilem salivam , dentitiam ita imperfectè edentiret , ut nunc quidem ejus fæditate pollutus , difficulter purgetur : erant certè *ἀπίστα infanda* , quæ Ajax fu-  
rens

rens arieti objiciebat , ἡ Δίμνη κ' ἔδδ' ἄν-  
δρην ἐδιδάξεν , *qua nullus virorum sed diabolus*  
*illum docuerat* inquit Sophocles. Non  
possunt certe nisi mali dæmonis instinctu  
edita esse tot mendacia in illum virum ,  
quæ ipse usus, sensus & experientia convin-  
cunt.

Quis enim nisi furore raptus , persua-  
deat hominibus ; ob seditionem , ab mi-  
nisterio ecclesiæ motum esse ( ut mentitur  
Grallator ) quem acta, decreta cætus illius,  
& omnia monumenta ostendunt , sine om-  
ni crimine, non nisi fidelissimi officii apud  
ecclesiam compertum , perversa & por-  
tentosa judiciaria Ecclesiastica , extrusum  
esse ? quis nisi mente captus illi Lansber-  
gio in contumeliam imponat illum casum ?  
in quem non modo ille innocens per ne-  
fas devenerit , sed cujus etiam consors  
fuerit Philippus Lansbergius pater , quem  
ipse Grallator , ut fidelem & pium mi-  
nistrum Ecclesiæ extollit ? an non insania  
mera est ? deserti ministerii & apostasiæ  
accusare talem virum , qui toto octen-  
nio , post acceptam ab Ecclesiasticis inju-  
riam , apud omnes ecclesiasticos judices ex-  
postulavit ? & causæ suæ examen flagitans,  
nil

nil amplius tandem obtinuit, quam ut pudore convictis, concilii Goesani patribus, verba defuerint, quibus obtestanti ac pro merito perstringenti eos, Lansbergio obfisterent? quis stationem deseruisse cum Dema suspicetur illum? qui non voluntarium modo Ecclesiæ ministerium, sine mercede aliquotiens obtulit; sed tam pertinax innocentiae suæ fuit propugnator, ut tandem obturatis Classici conventus Walachri foribus, difficulter etiam ab sua defensione depelleretur? & tamen fanatico illius insani Walachri Judicio tanquam apostata & religionis abnegator, audit ille Lansbergius, dignusque quem ut Hymenæum & Alexandrum tradat diabolo Walachra Spiritualitas, ob blasphemias: quot credimus infantium & innocuarum Christi ovium illic diabolo traditas esse? ubi personatus talis gregis Christi latro (ut verbis poetæ dicam)

*Impastus ceu plena Leo per ovilia turbans  
(Suadet enim vesana fames) manditque  
trahitque*

*Accolle pecus, mutumque metu, fremit  
ore cruento.*

qui insignem virum Lansbergium nusquam vita ac moribus culpandum (ut ex edita

edita illius apologia constat ) quasi

Ἰφθίμου ψυχὴν αἰεὶ παροιάψεν.

*Illustrem animam in infernum misit.*

Quis nostrum hic dubitat ? ferreum os, plumbeam linguam, & caninam frontem deesse illi furibundo ? qui tot injuriarum ac scelerum illic compertus, toties tamen de sua pietate gloriatur, ut candorem animi jactans, apud Bombomachidem balbutiat, *Nosti vir Clarissime me vera loqui*: quem Epist.  
pag. 73. non intus modo, ( si adhuc superest ) cor, omnium divinorum humanorumque contemptus mordet : sed publice etiam dicta, scripta, facta convincunt ; ut non Mittelburgum modo, sed patria nostra, ac Britannia, mendaciorum ejus & errorum, perquam gnara nunc sit, ipsaque adeo Orientalis India, cujus Batavia, in Bataviam nostram Belgicam, apostolicas illius fuci literas, transmisit ; in quibus scurrilem spiritualitatem, ab speciali sanctitate Walachra, in chartam exhalatam, tam aperte viderunt multi, ut earum videndarum desiderium hactenus contemserim ; quippe cui ex multorum relatu, jam constabat ; nil esse in religione nostra tam sanctum ; nil in politia tam arduum ; quod non illius insani furias aliquando senserit.

Accu-

Accusat inter cætera *inauditarum fraudum convictam & compertum esse Lansbergium, quas in conjugali negotio commiserit* : sed qui nobis rem hic narrarunt , facile persuasere , ut crederemus ab eadem mentienti architectura id cum cæteris prodiisse : ipseque adeo Lansbergius in Apologia asserit , Grallatorem coram ab se , fædæ ataxias & falsitatis convictum esse ; ut ne quidem desinat illic publice provocare illum insanum flaminem' , cum suis subdialibus , ut in os iniquitatem falsitatemque exprobet : quam curam Lansbergio committimus : id solum ultimo ex ejus Apologia in rem meam nunc assumo , pessimum esse illic Apolloniarum Spiritualium morem ( ut in Grallis innueram ) ut non inique defendere tantum , sed etiam offendere possit illorum gladius Spiritus. Nam ut in casu Lansbergii liquet , Si quis illic , à malevolis , injuria & calumniis opprimatur , ac Spirituales illos Hierarchontas in patrociniis imploret , ipsosque adeo obrectatores coram falsitatis convincat , ab Spiritualitate illa tamen nil obtineat ; quam ut Judiciarius Archimystes tribunalem sedem relinquens ; tanquam procurator malæ



malæ causæ , causidicus assistat calumniatorum parti , & quantum possit calumniando juvet ; donec ineptiæ & ataxiæ convictus , ac palam increpitus ,

*Dimittens auriculas ut iniquæ mentis  
asellus ,*

Judiciariam sedem iterum occupet : tandemque contra omne jus & fas , tumultuarius judex , cum sesquialtero suffraganeo declaret ; ob causas non indicandas , placere authoritativis Apollonianis asinis , ut insons , nec criminis convictus , & qui reconciliabilem se præbeat ; à sacris arceatur ; calumniæ autem , falsitatis , & odii irreconciliabilis comperti ; invitentur , ut sacris unà secum , apertissimo dedecore & profanatione abutantur : hanc judiciariam ibi in se exercitam esse ab illis Walachris apertè in sua Apologia narrat Lansbergins , nec quidquam adhuc audivimus illi contradicendum esse ; haud dubium quia rem ibi notam & quæ omnibus in confesso sit , narrarit : tam manifestum est hoc papisticæ tyrannidis exemplum ! ut si id ( quod nunc est ) publicum fuisset cum Grallas scriberemus , sexti exempli locum in præfatione facile

facile occupasset. Quid enim credimus spiritualis & potestativæ iniquitatis illic exercitum esse in humiles & modestos Christianos ab ejusmodi Aretalogis ? qui tam infanda experti sunt in Lansbergium, qui longo usu & experientia talium spiritualium nequitiarum haud ignarus, animum quoque, ingenium & os habet, ad ventriloquos tales ( quod fecit ) perstringendos ; ut certè Ajacis furibundi, impudentiam expresseit aperte in Lansbergium ille Grallator Vereanus ; quasi Arietem brutum flagellans, & talibus convitiis impetens ; à quibus non immunis modo non sit, ipsemet ; sed tantæ infamiæ notus, ut Sacramentariam, judiciariam, censurariam, & vocatorias Spiritualitates, non aliter quam venales habeat : etiam sponsalicias, & connubiales fraudes, tanquam productor, & stupri arbiter, diu exercuerit, tanta impudentia, ut ne utique eum puduerit, consensu, arrha, apertisque sponsalium testimoniis, contracta connubia ( ut ajunt ) pretio distrahere, interjecto mendaciorum, ac perjuriorum fumo : tam temere id negotium tractans, ut quasi venereus collybistes, glutinandis, dissolvendisque connubiis, usurariam exercuerit:

cuerit : non raro quoque compertus , ut  
 tanquam personatus leno & *γυναικώλης* com-  
 mendatam & jam confectam ab se conju-  
 galem rem , rursus distraxerit , mutata sub-  
 inde venerea præda ; ut vel artem suam  
 tanquam formarum jugens spectator osten-  
 taret , vel novarum illecebrarum obtentu ,  
 argentum sæpe emungeret . Non aliud  
 optassim hujus rei argumentum , quam ut  
 illi pleonectæ eveniret , quod aliquando  
 furi accidisse memini : qui sub honesto vul-  
 tu rapacem animum tegens , & viro insigni  
 assidens ; subripuerat clam perulam ; cre-  
 dens auro refertam , quæ tamen automaton  
 horarium continebat ; tantæ subtilitatis ,  
 ut perpetuo mobilis rotulæ , ictus ordina-  
 rios , difficulter audires , venusto tamen  
 tintinnabulo , horas altius indicans : quam  
 prædam sibi sentiens ereptam possessor ,  
 indignatus , & in omnes suspicax , à nemi-  
 ne tamen indignius repellebatur , quam ab  
 ipso fure : ac certe suarum rerum jacturam  
 fecisset dominus , si quod amiserat aurum  
 mutum fuisset : sed loquax tinnulumque  
 organon , post horam alte tinniens ( ut so-  
 lebat ) quasi incantamento , se ab impuden-  
 tis furis rapina vendicavit , seque in pris-  
 ci domini possessionem restituit , prodito  
 & male

& male multato nebulone. Si similem tinniendi habitum servasset, quidquid sub spiritualitatis prætextu, emunxit ille Vereanus; nullus dubito, quin omnia tinnitu apud illum perstreperent; ut alibi abacus, alibi patera, alibi Baronius auro delibutus, alibi aurum Britannicum, & innumera circumquaque sonassent: ut non opus fuerit Helisei Spiritu absentia videntis, ut avaro illi & nummorum rapaci Grallatori dicatur, *hoccine tempus erat Geasi, sumendi aurum & argentum? ecce lepra Nahamani tibi adhærebit*: sed hæc pro Lansbergio nimis multa. Ad Ajacem redeo.

Ajaci hoc accidit Minervæ vindicta, ut non modo arietem pro Ulysse insanè feriret, sed quod Ulysses nebula tectus sine noxa adstiterit beneficio Palladis, & omnes Ajacis furores spectarit. Scilicet! sæpe ita

*Ludit in humanis divina potentia rebus.*  
etenim ea cælestis judicii & vindictæ prudens severitas est in multis; ut oppleto malefactorum catalogo, malefici tandem iis angustiis implicantur, in quas temere infontes implicarant, & occulta nemesis, quasi mente capti incidant in manus vindicces illorum, quorum injuriis antea se oblectarant.

Quis

Quis hanc fortunam in Grallatore nunc non miretur ? qui longa malefaciendi consuetudine ; divinæ nemesis justorumque Dei risor , ac contemptor , non cessavit hactenus sacrorum suorum ludicro obtentu , quosvis simplices terrere , omniumque conscientis , tanquam iudiciorum Dei usurarius dispensator , cum risu insultare ; hic scilicet Cl. Vedelio , & illic Lansbergio palam ; mihi vero clam omnem contumeliam inferens : ut jam quoque variis malis implicitus , apertè opertè , clam palam , sciens nesciens , ab diversis vapulet : tanta ignorantia caligine septus , ut præsens absens , notus ignotus , procul an prope sit qui feriat , juxta ignoret : verè *σκιόμαχος* ! dignusque qui umbratiliū sanctitatum hactenus venator & venditor , nunc cum umbris quoque certet ; ut quem putet se præhendere , hostis elabatur : non aliter se fatigans , quam olim Æneās , in Creusæ uxoris umbra ac imagine tangenda , de quo venuste Maro.

*Ter conatus ibi collo dare brachia circum ,  
Ter frustra compressa manus effugit ima-  
go.*

*Par levibus ventis volucrique simillima  
somno.*

Non est indignus Grallator, quem spectra & quasi infernales umbræ deludant, qui hætenus, nec Deo nec hominibus parcens umbras spectraque sanctitatis, obtulit simplicibus, ut jam merito inter tot falsa simulachra suspensus, quod credat nesciat; ac ut ille insanus flagellifer Ajax, non videat, quod putat se videre.

Sed videamus ultimo Ajacem. Is ad mentem rediens, facti pænitens, & infamix non capax, gladio incumbens, vitam inglorie finivit.

Non est exors talium judiciorum Dei Ecclesia, ut quos tempore compertum sit, honorum opumque desiderio, grandia cæptasse, & ab Dei sacris, fuisse suarum nequitiarum patrocinia, inevitabili malorum nexu aliquando in tantum strictos fuisse, ut cum se putarent pro Christo militare novitatum prurigine, etiam nescii in hostium Ecclesiæ castris se compererint; unde dedecoris impatientia tandem fracti, illuc transfugerint publicè, quod ante se tendere ignorabant. Cujus exemplum memorabile extitit patrum nostrorum memoria in concionatore ambitioso Harennio, qui spiritualitatis infulis effuse superbiens, venalem se obtulerat, factiosis Chimaii, &  
Imbie-

Imbiesii negotiis, verè reformatis principibus rebellis, ad postremum profligata Imbiesi, & tumultuantium factione, non ferens indignationem, mox abjurata reformatà religione, papistarum iterum subscripsit erroribus.

Ita rarissime, pervicacibus ad simulationem animis subnascitur sincerus Dei timor: adeo ut eos quasi vetusta carie adesum lignum, citius fregeris, quam flexeris: Pardicute æmulatur superbiorum malignitas, quam quoties perstrinxeris, terferis, elueris, ab indelebili radice semper repullulat: nec ubique suorum tam levis vindex est Deus, ut potestatem ad mentem redeundi relinquat omnibus, qui ab sanctorum abusu suas utilitates callide venarentur, ut quatenus abcederent, quando regrederentur, sub illorum semper jaceret arbitrio. Stultarum virginum exitiabilis fuit illa persuasio, cum se crederent non nimis longe ab nuptiali ostio decessisse, ut redeuntes tamen non admittæ, in æternum excluderentur.

Ab qualium forte (quod precor) absit Grallator! difficile tamen illi fuerit, ut civilem infamiæ mortem effugiat, in quam se Ajaci similis à Minerva destitutus, ita te-

mere præcipitavit , ut quasi telam ecclesiasticam texere cupiens & vestem ad se ornandum , inciderit in restem politicam qua se strangulet. Quotquot enim hic mecum D. Lansbergii Apologiam videre , haud dubii sunt , quin jam sit in arbitrio & manu illius viri , ut jam hætenus bonam famam injuste possessam , cum dedecore amittat , atque adeo civiliter moriatur : præsertim qui Christiane ab Lansbergio monitus ( ut perhibet in Apologia ) quasi infernalibus furiis agitatus , effuderit in illum tot infamia & falsa ; ut omnes humani divinique juris terminos transilierit. Si nostro multorumque insignium calculo rem gerat ille Lansbergius , non abstinebit ab illius insani tergo , quin injuriarum actione vexet illum : hoc jure , illis legibus , quas aliquoties in convitiis folle allegavit contra se. Non erit impatientis animi vindicta , si honorem tueatur cum moderamine inculpatæ tutelæ : talibus enim coactoribus , si quod libet licet , & quod licet audent , & quod audent possunt , & quod possunt faciunt , & quod faciunt nemini molestum est , quis Deus invocandus ? & qui mæror tandem excitandus sit ? non erit divinæ talionis arcanis inconveniens

si is

Epist.  
pag. 5.



si is qui toties malo fuco bonorum famæ illu-  
 luserit, infamiæ crimen subeat, juste, ex-  
 actis & probatis, fiantque omnia Deo mo-  
 derante. Sicut Minerva dicebat apud So-  
 phoclem, concludens furores Ajacis. γάνοιτο  
 μὲν πᾶν πᾶν θεῶ τεχνομένη!

Videlicet ut calumniarum convictus,  
 publicaue ignominia notatus, desinat dein  
 Ecclesiasticæ sanctitatis fama turgere, &  
 quam dictis factisque docuit hætenus con-  
 temnere, supereminentem potestatem,  
 posthac discat revereri: Sin Walachræ  
 Classis temerario patrocinio (quod nunc Epist.  
pag. 3.  
 supplex adorat) tegatur: omnibus dein  
 reformatis Dynastis & Ecclesiarum mi-  
 nistris, innotescat; eam esse Walachræ  
 Spiritualitatis prærogativam: ut frau-  
 dum, errorum, calumniæ, accersitus,  
 infamiæque damnatus, tamen ita gladio  
 illic spirituali defendatur, ut infamis ac  
 civiliter mortuus, pergat Authoritativus  
 præco Ecclesiæ negotia obire; & ve-  
 re illic sacra, probata improbitate, con-  
 temerare.

Priusquam finiam hoc caput, aliquid  
 addendum est de *ἡδονῶν*, & stultitia Bom-  
 bomachidis, qui tanquam mimus Grallato-  
 ris furores imitatur. Haud aliter ac Sopho-  
 cles

cles narrat Teucrum Ajacis fratrem , Ajaci  
 jacenti , in litem procerum accessisse , non  
 quidem ut ille furens , sed imprudenter pro  
 Ajace fratre litigans: quamobrem non qua-  
 si cum furente Grallatore altercabor , sed  
 ineptias tantum Bombomachidis stultas  
 notabo , ut tanquam Druidi fatidicæ , aut  
 imperiosæ Hecubæ , anilem calanticam, sub  
 qua latet, jocosè decutiam. Principio hoc  
 habet cum suo fratre commune , quod se  
 imprudenter in hanc litem cum politicis  
 immiserit , ac ad flagellandum quem fate-  
 tur se ignorare : quasi nescius quid sit lu-  
 pum auribus tenere : ut neminem esse au-  
 tumem , qui non miretur , vel misereatur  
 potius boni senis , qui hætenus silentio tu-  
 tus , vel infantiam vel anilem dicacitatem  
 scribendo nunc aperiat. Quid illi cum  
 Grallatoris deliriis, quæ vel non intellexit ,  
 vel si per transfennam viderit , nunquam  
 spero huc intenderit ( quod in Grallatore  
 apertum est ) ut inde in Magistratus, om-  
 nesque pios , καὶ καλῶς ἔχουσιν , & imperium ve-  
 naretur : quo tendisse Grallatoris com-  
 mentum nemo magis quam ille scit , cujus  
 spiritualitatis subtemen ante mirifice pin-  
 gue , nunc tam depexum est , ut pertexen-  
 dæ telæ minime sufficiat. Si is ab anti-  
 quo

quo malus mos fuit Grallatoris, cum com-  
manipularibus aliquot. ita ferocire, &  
(quod nunc omnibus notum feci) insanire,  
quid opus erat Lareno? cum illis in hoc  
maximum malum infilire; ut certe non  
Æthna æquè alta sit quam huic stultitia;  
qui non dixerit potius, *in tali solus, ego  
istam insulturam, ac desulturam nil moror.*

Secundo id ab Grallatore imitatur,  
quod admodum maledicus sit, ut pene hoc  
convitiandi vitio fratrem Ajacem superet:  
sed (quod ante dixi) cum muliebri aut pue-  
rili inconstantia.

Pag. 10. Epist. 2. Dicit me *Christum  
ipsum scurriliter irridere, & scurrilitate ubi-  
que luxuriare.* pag. 14. Vocat me *ineptum  
Magistratum parasuastrum.* pag. 15.  
*Mercenarium, assentatorem, & scurram.*  
pag. 13. *Scelestum os ab gehenna inflamma-  
tum.* Alibi quoque exclamat *ô gehenna!*  
*ô os blasphemum!* & sexcenta talia: ut prius  
linguam abscideris tali vetulæ, quam ma-  
ledicentiam ademeris. Attamen facile ob-  
servari potest, ætatis, aut sexus hoc esse  
illi vitium; qui alibi tam moderatus; ut ne  
quidem illum *Arillatoris*, ex Gellii nocti-  
bus quæsitum titulum usquam (quod scio)  
mibi aptet. Imo Epist. 2. pag: 10. aperte

excusat se *quod Atheum me nominarit*; sed quid? ita dicentem, scribentem, & agentem *ut qui Atheum in sinu fovent*: acutam hebitudinem! quasi furem non dicam, cui ea facere attribuam quæ fures solent; vel adulterum non vocem qui adulterorum more se gerat; Apolloniana & Ventosa est ista subtilitas Bombomachidis, quæ vel inter flatum & bombum discreverit.

Præfat. pag. 2. & 29. bene de me sperat: imo omnia mihi condonat, ac condonari optat. mox iterum damnat, præscribit, convitiatur, puerilem in morem.

———— *ut iram*

*Colligat, ac ponat temere, & mutetur in horas.*

Tertio Ajax erat honoris cupidus, infans, sic quoque Teucer ejus frater. Ita in hoc Grallatori quoque similis Bombomachides Ep. 2. p. 6. indignatur, quod *successuriatorem* illum fecerim Grallatori; quod Grallarum authorem, *ad crepaturam eum mettuere dixerim*: ad quod respondet p. 17. se ab tali hoste nil metuere: hoc solum metuit, *ne nanum & pumilionem dicam*, quem tamen Bombomachidem ubique vocaram. Sed vide inconstantiam! ad rem cum veniat pag. 2. Goliato magno gigante me comparat; pag. 7. *plarum* & *populum*

lum sibi in auxilium venire vult, ut solent  
 vetulæ; imo *lapides obtestatur*, ut suis nugis  
 adsentiantur. Tandemque; metum pro-  
 dens pag. 5. exclamat, eheu me miserum,  
 quod cum hoc adversario copulatus sum.  
 Ferendum est quod corrigi non potest!  
 quis non videt metum hic insipide certare  
 cum arrogantia?

Quarto, principalis furor Ajacis erat,  
 quod absentem feriret, & pro Ulisse, arie-  
 tem; quod ab illo & Grallatore mutua-  
 tur, pantomimus Bombomachides: non  
 quidem tam aperte (ut fecit Grallator) il-  
 lum flagellans, sed timide & stolide, ut mi-  
 mi solent. p. 58. *fatetur aperte sibi authorem*  
*Grallarum necdum satis notum esse.* p. 63.  
*optat ac monet ut nomen dignetur apponere,* no-  
 lens ita temere effutire cum furioso Gralla-  
 tore illud *εὐγενεῶς* *inveni.* attamen cum Wala-  
 chro-papistis quoque doctus, ex falsis &  
 incertis certa concludere; conjecturas mul-  
 tas interjicit, ostenditque anili circuitio-  
 ne, se in Lansbergium intendisse, quæ pas-  
 sim debacchatus est convitia. Suspiciatur  
 enim p. 4. *annis sibi comparem esse.* & p. 18.  
 dicit se scripsisse in prima Epistola, quod  
 putaret Grallarum authorem, censura Eccle-  
 siæ Mittelburgensis notatum esse, & quia  
 illud

illud somnium ( ut multa ) silentio præterieram ; hoc meum silentium , vertit in assensum , ut nunc stolide exclamet , se rem acu tetigisse , quis obsecro tali aculario nunc non credat ? qui togam papisticam cum Grallatore consuens , vestemque tangere putans , in se incidat , digitumque sibi ad osque fodiat ? nil est , quod de Grallarum autore inde certus sit Bombomachides ! is Mittelburgensis Ecclesiæ ludicra censura non angitur nec tangi potis est.

Quanquam & hoc *ix*, valde inverisimile sit , & nimis generale ; cuius si hæc ratio firma est , eum scripsisse Grallas Apollonii qui censura ab Apollonianis vel injuste læsus fuit , non plures certe circulos reperturus sit , in digitali suo ille acularius Jodocus , quam Grallarum Authores ; quia tam promiscuum id illic est & pene necessarium ; quam in ovili , ut oves laniatæ ac discerptæ jaceant , ubi lupus pro pastore grassatur. Quis ergo betam magis insipidam gustarit quam hic est Bombomachides ? qui ut suam concludendi infantiam videat ex se ipso , eodem vicissem laqueo hic stringam ut se arctari sentiat.

Scripseram in Bombomachia , errare  
Wala-

Walachros, quod omnem cultum & religionem me tollere dicerent, quasi pallium Theologicum Bombomachidi auferri crederent, quum tamen ut cultus sordes, ita pallii infecta manu amovere tantum conarer, ad hæc ne gry Bombomachides: si hoc consentire est, tum metuo ne solus Sanctus Franciscus tam pediculosus monachus fuerit, ut infectis ejuscemodi scatens, illa pro bellariis devorarit, ut narrant ejus Legendæ.

Rursus dixeram Apollonio Jesuitas imprudenter legenti accidisse quod scortatori; quod leproso palliolo ex lupanari papistico Mittelburgum rediisset. Ad hoc ne gry Jodocus: si id consentire est, quia filet Bombomachides; metuo ne suum archimysten papisticæ lepræ faciat reum.

Scripseram *Viream esse sanctitatem Walachro-papistarum, quacum splenderet maxime, frangeretur*: quia tam aperte luderent in suis ministerii negotiis profanandis & contemnendis, ut histrionicam illos agere crederes. Ad hæc tacet Bombomachides; si hoc consentire illi est, non potest ulla acutior acus excogitari, ad Spiritualitatis Walachrę Apollonianæ oculum eruendum. Sed nimis multa de hac *Waldyria*. ad aliam transeo.

Pag.

Pag. 41. innuit per ambages authorem Grallarum esse Lansbergium , Grallorum scilicet ab Apollonio detectum. Quia pium Canfidicum Cipesteyn perstrinxerit , quali is *iniquis Grallarum authoris molitionibus obstiterit*. Tandemque pag. 63. finiens Epistolam , minatur *se canum instar , sagaciter in vitam meam odoratu- ros , prolaturosque mihi flebile cordo- lium*.

O Iupiter Iupiter ! quis tales molossos non metuat ? quem non territet illa ino- dora Walachorum canum vis ? qui dum lupos venentur in ovium lanienam fere de- cidunt.

*Ain vero ?*

*Lepus tute es & pulpamentum quaris ?*  
quid credas anilis Salivæ exspumasse jam diu , illam Hecubam ? quæ tam falsa , & ab ratione prorsus diversa , pro veris effu- tiat. Scilicet pro pio & reverendo viro ha- beri vult caufidicum illum , cui Mittelbur- gensis senatus ob motam pene seditio- nem , fronti impressit tam manifestum stigma ; ut nemo id videre nequeat , ni- si qui cum Grallatore insanus , aut cum Bombomachide insipidus , oculos clau- dat.

Ut-



Utcunque cum Grallatore non æque insaniant Bombomachides, id tamen suspicatur se lupum hic vidisse, ni mente caput ei acciderit, quod obliviosis tribuit Maro :

— *Lupi Marin videre priores.*

Si tam acute fues quam catuli odorantur; Lansbergius est Grallarum author, *illud sceleratum caput ! illud os à Gehenna inflammatum*, in quod non Magistratus modo, sed tota multitudo ac *plenus debeat* incurere; & si forte Walachros illos non fallit computus; brevi hic audiemus illam tragediam quam Bombomachides concitat in Lansbergii caput immerentis.

Attamen (quod fatemur) illi viro non multum metuimus, qui conscientiae certus, & falsitatum Walachrarum conscius; edita illic Apologia, Grallatorem pro meritis perstrinxit, quem si porro (quod hic dicitur) injuriarum accersat, non modo in ludibrium excidet illa canina Walachra venatio: sed metuo ne pietatem illam politicam caufidici, non minus Helluosam sentiat Grallator, quam ipse scit suam Ecclesiasticam esse: ut non plus credo parsiturus sit, succo & æri concionali superlative sancto Apolloniano, quam apud Tholenses dicitur

dicitur aliquando honori prædicatorio perpessisse. Sed finem statuere necesse est stultitiæ Bombomachidis, cujus ineptias pòst ultimo capite singulatim recensebo.

pag. 7. Tandem ad ingenium rediens, querendi festus, optat ex me audire illam vocem Jonæ: *Hebraus sum, dominum cali timeo.*

Jon. 1.9. Nisi cum Sacrorum Antistitibus mihi res esset, a facerrimorum eloquiorum usu libenter abstinerem, quæ aperte contemnere judico, dum ad tales ineptias, à Walachro-papistis trahuntur.

Nolim certe ut suo desiderio hic fruatur Bombomachides, ut ex me totam Jonæ vocem audiat *Hebraus sum, Deum cali timeo, & quod additur, ab conspectu Jehova fugio:* ad quam vocem exterriti rudes populi, Dei iram metuerunt, donec in mare eum projicerent; non esset illis Walachris credo inamænus lusus, quippe extra ecclesiam (ut delirant) ejicere adsuētis: ipsis etiam his Barbaris, profanius sæpe sua jura exercentibus; hi enim non nisi criminis convictum, & confitentem, graviter obtestantes, ex navi ejecere Ionam, cum contra Apolloniânis illis Walachris volupe & moris sit, suas oves extra Ecclesiam & (ut nugantur, cælum

lum projicere : sed sciant Walachro-papistæ , multum inter illos , ac me , Jonamque interesse ; ut non facile hoc gaudio se perfusuri sint , ut me cum Iona in mare præcipitem dent , quia in hoc Ionæ quoque dispar sum : quod is metu & fastu ab Iehovæ jussu & facie aufugerit ; tantus suæ autoritatis , & potestativæ prædicationis æstimator , ut etiam ab mari rediens , indignatus sit quod totam Niniven cum rege Deus non deleverat , ut ei autoritas facta maneret , talis Hebræus cum Iona esse nolo , Walachro-papistis id privilegium concesserim merito ; ut quod sunt , Hebræi sint ob superbiam & humanos affectus , qui illos movent à facie Iehovæ ad papatum. Cæterum verum Hebræismum ex me audire , si rite optassit Bombomachides , eum non minus ex me quam ex Grallatore papismum audivisset : cum nemo sat scio sit , qui ex Grallis non videat , me Deum cæli , ut verum Hebræum , verè timere : hoc imprimis indignantem , quod Walachros Hebræos Antichristico fastu cretiscantes , videam ab Deo cæli fugere ; & suis figmentis Christianos nescios fugare : ut non indignus sit Bombomachides quem cum Grallatore umbræ & spectra quoque deludant ; qui  
nolens

nolens ex me audire illum verum Hebræis-  
mum quem aperte præfero , non possit  
quoque audire quis sim, quod tantòpere ri-  
matur , & necdum præfero. Ut certe  
Grallatori par , pergat ( si velit ) in poste-  
rum cum umbris pugnare , ut quem se feri-  
re credat non feriat , quem se audire ac vi-  
dere putet , nec audiat nec videat. Sed  
jam ad mendaciorum catalogum progre-  
dior.

## C A P. II.

### *De Mendaciis.*

U T corporum virtutumque inter se  
cognatio quædam est , ita vitiorum  
propago , quadam consanguinitate  
veluti cohæret : ut ab eadem radice pullu-  
lantes , ortum quæque suum ac genealo-  
giam fere sequantur : prægrandes certe  
tronci sunt , *Ignorantia* , & *Superbia* : qua-  
rum illa mentem oppugnat , hæc volunta-  
ti & affectibus incommodat : tantaque in-  
ter se necessitudine sæpe coeunt , ut diffi-  
cile videas , uter alteri initium fecerit : si-  
cut enim mentis Hallucinatio , multis fa-  
stum ingenerat ; ita quoque superbiâ in er-  
rorem sæpe trahit , quem moderatio , &  
hami-

humilitas vitassit. In exemplum hujus nunc mihi veniunt, Apollonius & Lārenus; quorum ille ab fastus consuetudine, in errorem novi papismi prolapsus: hic ab ignorantia & credendi temeritate, devenit in fastus suspicionem: ut ille ob superbiam, Mittelburgi, papalem Hierarchiam meditatus ac molitus sit: hic ob ignorantiam eam defendat, & nescius fovere videatur. Ab diabolo, ut vitiorum Architecto prodit certe omnis vitiorum luxuries; is *latro, & mendax* (ut loquitur noster Salvator) vitiosos homines quoque docuit semper, ab noxa & mendacio, sibi sumere patrocinium: tam familiari hominibus more, ut nullo sexus, ætatis, dignitatisve discrimine exclamet Psaltes, *omnis homo mendax*! ac nisi divini spiritus miraculoso afflatu homo fiat *infallibilis*, nullum reperias in mundo, quem non mentiendi casus aliquando occupet: quanto minus mirandum est, si proterviæ fastusque ventis agitati homines, mentiendi studio incumbant; dignitatisque robur inde petant, quod audacter mentiantur. tam comperta hæc res est, ut ne sacrorū Antistites, veritatisque adeo præcones, id malū ita vitare queant, quin excussa omni verecundia, audeant quoque; insiguitur mentiri, in

D

quo-

quorum censu sunt Grallator Mittelburgensis Mystes, & Bombomachides Vlissinganus: in hoc vitium uterque adeo proclives; ut Epistolarum inter se quasi familiarium, paucis foliis, tot falsitates in me expumarint, ut videantur pari contentione certasse, uti, totam mali Dæmonis, mentiendi libitinam, quasi inanirent: unde mihi necesse fuit, catalogum mendaciorum edere, quo falsitates quas passim spargunt, quisque ordine videre ac enumerare queat.

- Menda. 1. Principalis falsitas ac radicale mendacium est, quod me *Atheum & Libertinum* esse, clamant uterque, & quidem Grallator ob furorem apertius: garrit, *ab docto scilicet Anglo se intellexisse Grallarum Authorem, non Christianum sed Atheismi, ac Libertinismi initiis imbutum, omni pietate, & cultus reverentia destitutum.* unde alibi *Atheorum & Libertinorum genium mihi tribuit.* atque etiam *politicis mundanis, Atheis, & Libertinis* apponit.

Bombomachides in priori epistola par effutierat, sed increpitus à me in Bombomachia, contractius incedit. *absit* (inquit) *non nominavi enim Atheum* sed ita tantum *scurriliter loquentem & agentem, ac si in sinu* *Atheus*

Laren.  
Ep. 2.  
pag. 10.

*Atheus esset: quasi jam non verum amplius sit; quod Christus verissime pronuntiavit; ex fructibus dignosci an arbor mala sit? cum me Atheorum quidem fructus pessimos edere clamat, & tamen ex Atheorum arbusto arborem esse negat; ut lippos ibi regnare credam, ubi lufci tam acute vident: sed tandem relicto acumine aperte ait, merito pro Atheo me esse censendum.*

Jam hoc primum videant mentiendi tyrocinium, cordati pii in Walachris illis Archimystis. Ut quem cernant passim in Grallis, de vera religione, ex scripturis sacris, contra omnem superstitionem, severissime differentem; clament tamen Atheum, & Libertinum esse: quia nimirum Apolloniani papismi ridiculis inventis ac figmentis illudat.

Non est facilius victoriæ compendium imbellibus maledictis, quam talis nævi accusare adversarium, ad cujus sonum quisque bonus statim horrescat. Nullus unquam ad virtutem pietatemque adeo compositus fuit, qui maledicendi hanc procellam semper vitavit.

Ita olim prophetarum legatis ipsisque adeo sanctis prophetis dicebant Iudæi; quod furiosi essent: Jeremiæ sacerdotes

objiciebant quod seditiosus esset; ita Scribæ  
 Christo ipsi, quod Dæmonium haberet: ita  
 Paulus Athænis garrulus audivit: ita delira-  
 re eum jocus est Festus: ita *pestem populi*,  
 eum esse declamavit, Tertullus Caufidi-  
 cus infamis. Ac ne veteribus quidem exem-  
 plis omnibus abolitis, tam sterilis talium  
 calumniarum, est novissima hæc mundi  
 ætas, quin facile compertum sit, eruditio-  
 ne, pietate, ac nobilitate etiam præstanti-  
 bus, similia crimina obtrusa esse ab Eccle-  
 siasticis illis & spiritualibus falsariis; ut ne  
 Illustrissimæ memoriæ Principi Auræico  
 Guilielmo; quondam defuisse scribat hoc  
 cognomen, alibi noster Reydanus; dum  
 Gaudensibus factionibus, prudenter pro  
 tempore moderandis incumbens, non ita  
 responderet Imbyssi, Harennii, Datheni,  
 aliorumque in composito fervori, quin pa-  
 lam *Athei* nomine, acclamaretur? quam ra-  
 biem, nemo est primorum reformatorum,  
 qui non à papistis olim sit expertus? ut non  
 Swinglius modo pugil, Calvinus stigma-  
 ticus & Libertinus vulgo: sed etiam Lu-  
 therus diabolicus audiat apud Jesuitas;  
 quem cum Diabolo, vel modium falis fa-  
 bulentur comeditse: nec inveterascit cum  
 mundo hæc malities, ut pridem etiam  
 Justus



Justus Pacius, infusus Jesuitaster, Severino Simplicio dicat, quod ut *Scurra* & *Atheus*, loqueretur de divinis mysteriis; scilicet quia *transsubstantiationem monstrificam* exploderet. Ita nihil novi moluntur, *modesti illi & pii* scilicet, *Walachri Filadelpi*, (ut inter se glociunt) quod hoc *Atheismi*, & *Libertinismi* crimen mutuantur ab malorum architecto in me, ex cujus scriptis poterat vidisse quam longe abessem, cum in Grallis aperte dicam, *Libertinorum & Atheorum* esset illa *vesania à quibus* Gral. p. 420. *longissime absum.* ac ne semel monuisse videar, addideram in *Bombomachia*. *Hoc* Bombò. pag. 5. *Libertinum, hoc impium est.*

Sciebant nimirum *Walachri*, familiare sibi esse hoc vincendi compendium; ut primum clerum cæcè & temere obedientem; dein *plerum* insanientem, in bonos concitent declamando: ut jam hac armatura exuti; nec voci nec iræ peperferint,

*Dum fracta virtus, & minaces,*

*Turpe solum tetigere mento.*

Sed audiamus alterum mendacium. *Ali-* Menda. 2 *bi modestius insaniens Grallator, dicit me non esse reformatum; sed in omnes Ecclesias re-* Apol. Ep. p. 70. 71. *formatas incurrere. in religione scepticum esse, oblatrare verbo salutari, qui veram religio-*  
*nem*

Laren:  
Ep. 2  
p. 6  
p. 16

*nem reformatam, pro falsa exhibilem* inquit. Bombomachides tam similis in convitiando, ac mentiendo, ut, quantumvis ventosa fide affirmet hic, *nile a de re inter se scivisse*, legenti tamen mihi Epistolas, statim nata sit suspicio; uti latinitatem Grallatori Bombomachidem, ita mentiendi impudentiam Bombomachidi Grallatorem accommodasse; tam venusto coccismo, inter se consonant; ut quoties ille *Phadriam*, hic *Pamphilam statim nominet*. Mira certe est utriusque vesania, ut verbo Dei salutare me oblatrare clamitent; quem vident ubique verbo Dei primas tribuere; & verbi divini corruptelas Walachras, ex verbo divino vindicare: hoc non est verbo divino oblatrare, sed omnem honorem Dei verbo tribuere.

Quis reformatum sine mendacio negarit? quem videat omnibus Papatus superstitionibus acerrime resistere? omnes prisci reformatores, ab debellando Antichristo reformandi nomen dignitatemque accipere: novum reformationis portentum obtrudunt Walachri deformatores; qui ab restabiliendo papatu, reformationis gloriam quærunt. Hoc non patitur Grallarum auctor, sed severè perstringit: hinc reformatam religionem ab eo exhibilari mentiuntur:

tiuntur : haud aliter ac seditiosi sacerdotes, olim, Paulum templi violatorem esse clamabant, qui tamen cultus erat instaurator, Act. 22. & corrector. Ab veteri Apolloniana licentia hoc fluit, quod cui male velint, per fas per nefas maledicant.

Si bene suspicatur Bombomachides; si non insanit Grallator, dum affirmat se certo scire, quod nescit: Ego Grallarum author (quam rideo!) illic Mittelburgi obambulo nomine Lansbergii: quid attinet dubitare? & falsa effutire? quis talem dictis factisque illic Lansbergium experitur? cur non recta aditur? cur non vincitur tot criminum? sed contra in Apologia vidimus quod litem indixerit ipse Lansbergius Grallatori, minitans illi Bolinthe, si ob furorem talia boleta pergat effundere, calentia ei in tergum retorsurum, ut iis fætèat & uratur. Tantum abest ut ego reformatis adversari credar, ut potius reformatore reformatorem audiam apud multos: ut qui veterum reformatorum cultum probem, & ad scripturæ lancem, appensum, pàpalibus sordibus Walachris, purgare nitor.

Sed prodeat tertium mendacium. Dicit alibi Grallator, me esse in sententia, *Arminianorum, Anabaptistarum, & similium* Mendac. 3

Apol. Ep. pa. 75. & 84. *lium sanaticorum, item Brounistarum, & fanatici Morellii, quem sequitur pantomimus Bombomachides, asserens totum ministerium à me conculcari &c.*

Authoritativum mendacium ! vetus fuit hoc, omnibus novitatum ac errorum architectis, ut odiosis nominibus tanquam Larvis, terrent veritatis patronos : ita Belarminus, & Jesuitæ, Lutherum, Calvinum, & primos Reformatores, vocant, Enthusiastas, Manichæos, Suenckfeldianos, & quid non ? ita Pelagianismum, Arminianismum &c. conatus est affricare ille Bolinthus fætidus, nostro Clarissi. Vedelio, quod in Grallis discussi. Male-dicorum rabularum morem in hoc sectatur, & imprimis Papæ : quem, si saperent, ex Martyrologiis nostræ reformationis poterant vidisse ; non modo enim tum Christianis acclamabant Antichristicæ belluæ, quod marani, catamitæ, monstra, ac diaboli essent ; sed quotiens igni adjudicatos cremare vellent, veste picea & ustuli eos induebant, quæ Erynnidum, furiarum, diabolorum, omneque genus portentorum, imagines pictas repræsentabant ; nimirum ut inde concluderet plebs seu *Plerus* (cui mirifice blanditur Bom-

Laren. Ep. 2. p. 29.

Bombomachides , monstra infernalìa esse quæ intus latebant , ut ita Christianorum reformatorum morti applaudent.

Didicerunt hoc a Papa Walachri ; Romanus ille exlex , omnium scelerum totius Orbis compilator , hoc didicit , à Nerone, Diocletiano , Juliano & similibus portentis, qui non vitiis modo onerabant Christianos infontes , sed quotiens ad ludibrium necarent ; nocentissimarum ferarum pellibus indutos , immittebant in monstrorum talium caveas , ut illic quasi personatæ feræ , à vivis feris , cum ludibrio lacerarentur. Has artes in me æmulatur , Walachrorum papistarum novorum illud par : dum Atheismi, Libertinismi, Socinianismi, Cornhertismi , & nescio quorum monstrorum, pellibus me involvant, ut nimirum incessito primum clero , dein Plero , ultimo Magistratu , tanquam vilis victima cadam , ad Walachrorum Censorum crepitum . Sed frustra agunt , si non delirant uterque divinando , discidit illam pellem nunc Petrus Lansbergius Grallopæus detectus , & inter illas feras reputari non vult. Sed digni sunt fabulatores illi Walachri quos spectra umbræque deludant , qui hætenus

nus Sanctitatum umbris papalibus, populum deludentes, nunc demum fraudum à me increpiti; non desinunt tamen maledictorum spectra obtrudere, Demetrio illi Ephesino similes, quem fallaciæ conscium, lucri dignitatisque infamis nidor ita dementarat, ut in Paulum, pium & tum reformatum, plerum ac multitudinem concitarit: & quanquam, non metueret in publicum prodire Paulus, tamen dissuadentibus discipulis, & imprimis Asiarchis (ut refert Lucas) clam ei faventibus; non prodiit in publicum, sed latebris suis se continens, causam Christi non ingloriè defendit. Cujus nobili exemplo, non ignobile unquam nobis visum est, si ex occulto Walachris istis Demetriis Romanæ Dianæ commodum & honorem excuterem, quem venantur: ne lupinam quam à Papa mutuati sunt pellem Hierarchicam, pergant diutius, apud clerum & plerum, pastortia larva occultare. Proinde aliud prodeat figmentum.

Menda. 4  
Laren.  
Ep. 2  
p. 6, 8

Clamant ambo, *me religionem in Belgio receptam, exhibilare, & cultum divinum publicum commentis obruere.* Authoritativum iterum mendacium!

Puerorum *ωδὸφροσύνη*, Walachrorum men-

mentem occupavit , & sicut infantilis inscitia cogit illos , ut turres urbisque recedere autument dum navigant , licet ipsi nescii recedant: ita puritatem cultus belgici mecum recedere clamitant ; cum contra illi ipsi , male sentiendo , maledicendo , & malefaciendo , a cultus puritate recesserint, ut in sequentibus ostendam. Non tamen utrisque parem hic inscitiam tribuam: Galatorem certe vetus cacoëthes , nil non audendi illuc pertraxit dementiæ , ut meditatus quasi , reformati cultus veram faciem immutare conaretur ; quo fictæ spiritualitatis obtentu ( Ephesini Demetrii in morem ) commodi honorisque possessionem sibi perpetuaret. Bombomachides forte talium nequitiarum ignarus , nec prædæ unquam illius ( ut credo ) particeps ; non ignobilis tamen ad venandum canis , in venationem Apollonianam improvide se immisit ; ab illo molosso ( nil suspicans mali ) delusus ; ut dum hic pecuniam Zeelandicam , aurum Britannicum , sponsalitos Baronios , vocatorias abacos , & Cathedralis tiaræ spes , occupet ; ille miser tanquam canis pecuarius , nil nisi ventos venetur , & irarum fulmina spiret. Sed audiamus porro mentientes Walachros.

Mul-

Mend. 5. Multus est uterque ille Walachrus, in  
 Apol. p. 1 hoc asserendo, quod bonam famam omnium  
 Walachrorum, & ministrorum Zeelandia  
 conspurco, & coram toto mundo, eos accuso :  
 quod novum papatum Hierarchicum meditati  
 sint : negat hoc audacter Bombomachides ;  
 Iaren. Ep. 2. p. 28. 29. dicit Zeelandia omnes ministros, quoad sub-  
 &c. stantiam ceteris reformatis Ecclesiis, esse *ὁμοψύ-  
 φους*. Splendidum iterum mendacium !

Si fuisset Bombomachides (uti pagina  
 ultima Epistolæ suæ minatur), canis odorise-  
 quus, vel saltem hybris : facile odoratus  
 fuisset ex Grallis, imprimis Bombomachiae  
 p. 11. & 12. nec Ecclesiis omnibus refor-  
 matis, nec Belgicis, non Zeelandis, ac ne  
 Walachris ministris speciatim hunc nævum  
 objecisse me, sed imprimis *Davo isti Verēa-  
 no* Grallatori, cum subsignans, utcunque  
 non ignotum sit, omnibus merito tribui,  
 quod vel decem vel unius singulorum no-  
 mine, quasi plenipotentiaro jure determi-  
 nat : licet tamen hoc quoque fatendum sit,  
 sæpe unius vel paucorum fraude, aut impu-  
 dentia effici, ut aliquid statuatur, quod  
 præter mentem singulorum, vel plurimo-  
 rum sit : hoc accidisse illic in Walachria  
 tam certum est ; ut mirum sit quod ipse  
 Bombomachides primipilaris succenturia-  
 tor,



tor, toties monitus, ne hætenus quidem hanc artem intelligat, aut catelli melitæi instar non odoretur: haud aliter enim quam Æolus ventorumve pater, perpetuo in ventum jaculatur: ut cum clamat se cum Reformatis omnibus & Zeelandis *ὁμολῶντες* esse, cum contrarium in Grallis à me ostensum sit, & res ipsa aliter loquatur, quia nec Belgarum, nec Zeelandorum, nec singulorum Walachrorum calculum hætenus quis viderit, immo id constet, fuisse inter Walachros, qui dictis factisque Apollonianis figmentis contradixerint: si tam facile esset salem animo inspergere quam carnibus, efficerem ut insulsiatatem suam videret Bombomachides; ostensurus enim, se cum omnibus Zeelandis & reformatis quasi conculcarem esse; lepide scribit se cum iis convenire *quoad substantiam*: videlicet quod sentiant *Ecclesiasticas censuras exercendas, & facinorosos ab sacris prohibendos esse*. In quo asserto tam insipide betissat, ut non Zeelandis tantum; & reformatis, sed ipsi Papæ Romano pulchre *ὁμολῶντες* fiat, si substantiæ censuralis convenientiam obtrudere hic sufficiat. Papa hoc substantiali consensu non est contentus, nec Grallator Vereanus Papæ mimus; sed usurariam disciplinæ

Grall. pa.  
170. 171.  
172. 273.  
&c.

Gral. p.  
142. 143  
&c.

Gral. p.  
57.

Apol. Ep.  
pag. 3.

sciplinæ accidentalitatem uterque pluris  
faciens, quam substantiam; nugantur am-  
bo censurandi negotium, adeo sancti &  
specialis juris esse, ut sine Sacrilegio à po-  
luicis haud tangi possit: non alio fine (ut  
in Grallis ostendi) quam ut sibi imperium  
& commodum inde veniat: quæ turpis Pa-  
pæ & Grallatoris censuraria accidentalitas  
cum in Grallis à me detecta fuerit; mirum  
est tam inodorum fuisse Bombomachidem,  
ut contentus solo substantiali consensu, ac-  
cidentalem hunc Papæ & Grallatoris non  
senferit consensum, & à reformatis dissen-  
sum: ut si solum Grallatorem attente le-  
gisset (uti in Grallis annotavi) facile didi-  
cerit de illo consensu modestius gloecitare;  
cum ipse Apollonius in lib. de jur. majest.  
part. 1. pag. 12. asleveret non ab Helve-  
tiis, Germanis, & Anglis modo, sed à Bel-  
gis, & quibusvis præstantissimis reformati-  
s dissentire se in suis formaliter sanctis  
defendendis. Ut ne quidem dubitare mul-  
tum possim, quin ab suo Archiflamine ri-  
deatur ille subdialis flamen; quod tam pue-  
riliter efflet se reformatis ἀνὸς ψηφον esse;  
cum hic sui dissensus conscius, miserendum  
in morem, *ac duplices tendens ad sidera pal-  
mas*: ab Walachris patrocinium submis-  
se petat;

petat ; ita ut are illo ac debito teneri Walachros , garriat , idque jam publice omnibus manifesto ( inquit ) ut spectet mundus quomodo fidem solvant. Nunquam certe adsuetus tam submisile agere , aut Classicis suis adulari ; nisi certus esset , suæ superbix & insanix deberi , totum hoc Hierarchix commentum , & quod inde ortum est , apud reformatos , infamix dedecus , Classi Walachrx. Sed prodeat aliud mendacium.

Multum indignantur quod Walachris Menda.6  
Theologis , imprimisque Apollonianis ,  
*imponam novum Papismum Hierarchicum* ;  
quod crimen non modo falsum esse dicunt ,  
sed tam inique sibi imponi clamitant , ut  
*rabidum rabulam , furibundum , scurram , &*  
quid non ? me vocitet Grallator. imprimis  
vero Bombomachides inscixia turgidus ,  
*falsum est*, inquit, *Apollonium vel quemquam* Laren.  
*nostrum introducere papatum Hierarchicum :* Ep. 2. p.  
11.  
quod certe principale est mendacium.

Bombomachidi anilis incogitantia addidit animum audacter hoc effutiendi ; is loco indicato , rem ab ovo orditur , majorem & minorem negans ; Dicit *non introducere papatum , nec tollere religionem statim , qui aliqua in parte idem sentit , imo errat cum papistis.*  
Quanti Hercle est sapere ! nunquam accedas,

das tribunal illud Apollonianum, quin de-  
 cesseris doctior ! Author Grallarum inquit,  
*defendit organi cantum, in publico cultu*; qui  
 ante papatum in templis non fuit; si non  
 rejecissem ineptias in postremum caput,  
 riderem acumen & falsitatem Bomboma-  
 chidis; qui non modo, in tribus templis,  
 nimirum, Solomonis, Cyri vel Artaxerxis,  
 denique Herodis, fuit organi cantus, ante  
 papatum: sed tam acuta est hæc observa-  
 tio; ut non aliter agat, quam si moneat,  
 ne hominem esse credam, qui duos pedes  
 habeat; quasi humano generi gallum galli-  
 naceum vel capum implumem velim ac-  
 censer: non censetur monachus statim,  
 qui monachalis togæ aliquam laciniolam  
 præferat, sed qui cum corona, totam mo-  
 nachalem stolam, aut capam induat: non  
 est organi cantiuncula, nec papalis purpu-  
 ræ fimbriola, quam sumsit à Papa Gralla-  
 tor; est totum Hierarchiæ Papalis com-  
 plexum; unde tandem necessario prodire  
 debeat papalis Tyrannis; & dein omnium  
 errorum & spiritualium illuvies: ut quod  
 in Papa videatur in quadrato quasi corpo-  
 re. Walachri ostentarint in embrione: hoc  
 in Grallis apertè ostendi, & hic paucis re-  
 petam in Synopsi.

Totis

Totis centonibus, quos edidit Grallator de jure majestatis, hoc tuetur, externa negotia choragii Ecclesiæ, quæ ministri exequuntur in cultu hodierno; non modo sancta esse communi modo, authore & fine. *sed habere sanctitatem specialis juris*: sic ut non possint tractari, nisi à certis personis, per vocationem ad hoc sanctificatis; quod jus dicit tam præcisum esse, ut passim clamat, sacrilegium fore, si quis ea negotia tangat vel obire audeat qui hodierna vocatione ecclesiæ careat: comparat enim ea negotiis templariis Levitarum; qualia erant sacrificandi, Sanctum Sanctorum introeundi, Arcam & cætera tangendi, quæ speciali mandato Deus Levitis ita commendaverat, ut nemini liceret, clam vel palam, ea obire & tangere: sicut in Usa, Usia Rege, Philistæis, & aliis horribilia pænarum exempla statuerit, qui hanc legem ausi erant transgredi.

De jure  
Maj. part.  
1. pag. 3.  
&c.

Tali modo asserit Grallator, negotia cultus hodierna, quæ vocat *formaliter ecclesiastica, speciali modo & jure sancta esse, & non posse tractari nisi ab Ecclesiasticis, hoc est ecclesiastica vocatione hodierna ad hoc sanctificatis.*

Et quia magistratus politicus ratione officii, non potest gaudere hac vocatione ec-

E

clesia-

clesiastica ( ut dicit ) quippe qui hujus mundi rebus prorsus affixus sit, hinc statuit ne-  
tquam ad magistratum pertinere ; hæc ne-  
gotia Ecclesiæ & Choragii tangere , aut  
per se facere , *elicitivè* ( ut loquitur ) nec  
*formaliter* , nec *eminenter* , nec *totaliter* , nec  
*partialiter*. lib. de jur. Majest. part. 1. pag.  
93. 94. 95. potest quidem circa Ecclesia-  
stica versari , sed res formaliter Ecclesiasti-  
cas nullas obire potest aut peragere , sed  
tantum procurat , ut agantur ab iis qui jus  
& potestatem spiritualem habent ; nec ipse  
instituit aut mittit , sed millos à Deo &  
Ecclesia agnoscit. Ibid. pag. 98. inter quos  
terminos vult magistratum præcise mane-  
re , ut ligata hic debeat esse ejus potestas ,  
quasi intra cancellos , extra quos si exeat  
erubescendum ei sit. part. 1. pag. 28. imo  
violaturus sit jura Ecclesiæ , pro quibus san-  
guinem Christus fuderit ; vide præfat. non  
uno sed multis locis asserens pag. 99. Chu-  
sæ , Usæ , Saulis , & aliorum exemplis  
ostendisse Deum , hodie à Choragii Eccle-  
siæ negotiis sub talibus pænis abstinendum  
quoque prorsus esse principibus piis , uti  
olim in Levitico cultu fiebat : Dicit enim  
hæc exempla moralia & perpetui usus es-  
se ; unde colligendum sit , à Principibus  
Chri-

Christianis relinquenda esse ea negotia solis Ecclesiæ ministris sub pœna sacrilegii.

Statuit autem inter formaliter Ecclesiastica negotia, *prædicationem publicam* : *Sacramentorum administrationem* ; *Disciplinam Ecclesiasticam* , seu *cenfuram majorem & minorem* , *jus faciendi leges Ecclesiasticas* , & *definiendi res religionis*, in *Consistoriis* , *Classibus* , & *Synodis* ; *jus vocandi Ministros Ecclesiæ*, & denique *Jus Diaconatus*, hoc est colligendi & distribuendi, Eleemosynas ecclesiasticas in usum pauperum. Hæc negotia dicit esse *spiritualia* , *poli & cali* , non *terra* , quæ ubique inculcat , ita distare ab negotiis hujus mundi & seculi , ut nullo modo possint à politica persona perfici , imo si ea audeat tangere , pius politicus & per se facere , futurum *Sacrilegum*, ut erat rex *Ufias*, *tyrannum*, *violatorem Sponsæ Christi* , & infinita talia quæ passim in illius scriptis occurrunt. Ostendi autem in *Grallis* : fuisse quidem sub *Levitis* quædam negotia specialiter à Deo sanctificata, quæ à certis personis tantum poterant perfici , specialiter ad ea obeunda à Deo sanctificatis : Sed dixi ea nunc desisse , & nominatim quæ hodie formaliter Ecclesiastica vocantur , non fuisse sub *Levitis* *Leviticæ* & tam specialis juris , ne quidem sub

Apostolis talia fuisse, ostendi posse. quę singulatim in Grallis ita ex Dei verbo enucleavi, ut infantiam prodant uterque, Grallator & Bombomachides; qui ad ea responsuri, vel convitiantur, vel mentiuntur, & statum quęstionis pervertunt, vel ridiculę ineptiunt: uti in progressu indicabo.

Hęc summa est portentı, quod in Walachria excogitavit Apollonius, approbaverunt temere ministri Walachri (ut perhibent) ac nunc inconsideratę quoque tuetur Larenus: id non injuria vocavi novum papatum Walachrum; quia hęc sententia ut ab illis proponitur, non est Reformatorum, sed Papistarum potius, in quorum libris apertę extat. Ex qua doctrina sub Papistis hoc quoque paulatim extitit, quod tyrannicum ecclesię regimen ibi obtineret; in hoc consistens, quod clerici vel Ecclesiastici, prętextu specialis sanctitatis suę (quę in negotiis religionis & personis ea tractantibus existat) prorsus sint separati à Politicis, & sanctitate hac longę illis pręcellentes; unde non modo sibi sumserint separatum tribunal, ac regnum in rebus ecclesiasticis; sed quoque per consequentiam in ipsos politicos, uti id in papatu aperte videmus: ex quibus principiis impossibile est ut papalis hierarchia non oriatur; ut in Walachria  
imp ri-



imprimisque Mittelburgi visum est in Apollonianis ministris : qui sola scripti illius persuasione multis experimentis comprobarent , sibi hoc in animo fuisse ; quod in ecclesiasticis modo negotiis,libere & absolute vellent regnare, sed etiam politicis, in ecclesiastico-politicis primo, ac tandem in puris politicis rebus quoque præscribere, quæ Papalis Hierarchia est. Hæc ut cuique magis innotescant , paulò fusius declarabo.

Primum hoc statuo novum esse commentum, vere reformatis incognitum, quod de *præcisa* & tam *specialis juris sanctitate formaliter ecclesiastica*, tuetur Grallator ille Vereanus. Hoc quidem statuunt Reformati negotia ecclesiastica esse sancta , multumque à politicis negotiis differre , ut temere confundi non debeant ; id quoque non diffiteor, inter Doctores reformatos alios aliis, hanc sanctitatem & hoc discrimen plus minusve exaggerare : id tamen constanter assero , vix esse aliquem in hoc , Walachris Theologis *ὁμολογοῦν* ; qui dicat hoc discrimen tam præcise se habere , ut sub *Levitis Levitica negotia* : quod Grallator clamat : illa enim tam præcisi juris erant , & tam specialis Sanctitatis , ut nemo ea vel occulte , vel palam , vel totaliter vel

Gral. pa.  
402.

partialiter, potuisset obire vel tangere: imo si ipsi Levitæ voluissent quadam *αὐτοχθονία*, id est tolerantia, concedere politicis; fuissent omnes sacrilegi, & Deus eos punisset. Iam hoc videmus plæraque hæc formaliter Ecclesiastica, talia esse, ut multa ex iis concedantur politicis, qualia sunt, *censura major, vocatio predicatorum & seniorum, electio Diaconorum, jus nomotheticum in Synodis*, imo ipse Calvinus fatetur, *præfecto loci necessitate urgente licitum esse docendi munus obire*. Ut nil dicam, de pauperum cura Eleemosynari, quæ inter *formaliter Ecclesiastica, & specialis juris sacra*, conatus est de novo referre Grallator; cum tamen à politicis quoque procuretur. Tam aperta sunt quæ dico, ut ipse Grallator in centonibus fateatur se in his formaliter ecclesiasticis, & speciali jure sacris dissentire, à Musculo, Paræo, germanisantibus: ab Helvetiis: Anglis magnatum assentationi emancipatis: nostrisque Theologis omnibus præter paucos; denique à Dordrechtanæ Synodi decretis: quippe humanis, & Ecclesiasticis nolentibus exortis. vide Gral. pag. 57.

Ex quibus apparet, non modo quantus Phænix nostri ævi sit iste Grallator Walchrus

lachrus, sed quot sint hodie, & fuerint ante hac sacrilegi calcatores jurum ac sanguinis Christi inter reformatos doctores & pastores : si enim tam præcisi & non violandi juris sunt hæc Ecclesiastica negotia ; tum non modo impii & sacrilegi sunt hodie politici, qui se his negotiis tam audacter immiscent : sed præstantissimi illi omnes Theologi, digni sunt & fuerunt ut divinam aliquam plagam paterentur, quod scilicet tam horrendam sacrorum Dei profanationem politicis concefferint ; unde sicut nunc constat, præcisam illam sanctitatem negotiorum Ecclesiæ à reformationum genio non prodiisse, ita secundo nunc ostendam, eam desumptam esse ex Papistarum scriptis, ex quibus tam apertè balbutire didicit ille Grallator, ut non res modo sed ipsam phrasiologiam aperte inde sumserit, ut tota illa intima Theologia Apollonii, de miro illo discrimine inter Politicam & Ecclesiasticam potestatem, ex Bellarmino desumta sit : in quem finem non erit spero molestum lectori, si legat hæc quæ me fateor cum tædio ex Bellarmino & Grallatore descripsisse.

Bellarminus de Verbi Dei interpretatione Cap. 9. quod princeps secularis non sit

Iudex Ecclesiæ aut controversiarum, probatur inquit.

Nil potest supra virtutem à Causis acceptam, Causæ autem principatus secularis, huius anæ & naturales sunt &c. finis pax & tranquillitas temporalis.

Igitur non habet virtutem princeps nisi naturalem, qualis requiritur, ad conservandam pacem temporalem &c.

At principatus Ecclesiasticus, causas habet divinas & supernaturales. Efficiens immediatè est Deus : & auctoritatem habet à Christo. finis, æterna beatitudo.

Igitur cum res fidei, scripturas divinas interpretari, sit actus spiritualis, & ecclesiasticus, certe non ad principem temporalem, sed ad spiritualement & ecclesiasticum pertinet.

## Apollon. De jur. Majest.

part. I. pag. 52.

*Nos vero existimamus, politicam potestatem nunquam posse extrahi ex suo genere, & elevari ad alium finem per ipsum producendum, qui non sit totus naturalis, & quem puræ naturales vires non possint consequi.*

Et pag. 26. potestas Magistratus iudicialis

ciâ sua exercet modo carnali, Ecclesiastica spiritali modo. Ibid. Magistratus in exercenda potestate sua huc respicit, ut civium bona & corpora &c. humanam societatem quietam & tranquillam præstet.

Et pag. 59. Officium Magistratus non est medium aut ministerium sanctificationis à Deo ad bonum supernaturale.

Et pag. 118. Omnis potestas formaliter ecclesiastica, data & injuncta est ecclesiæ. At Magistratus non est ecclesiæ.

Pag. 252. Nos vero judicamus rerum spiritualium adjudicationem publicam, ad Episcopale munus propriè pertinere, & iis esse propriam, quibus publica ecclesiæ vocatione est demandata.

Et pag. 354. Causa ecclesiastica quæ verè sacra, clericales seu pastorales sunt, non nisi spiritali & ecclesiastica authoritate dijudicari possunt. Et post. Omnis vero principis potestas est civilis & politica, non vero ecclesiastica.

## Bellarmin. lib. 1. De Romano Pontifice. Cap. VII.

Si primi Apostoli Eph. 4. ponantur, certe primi non sunt principes seculares.

Et

Et ibid. Apostolus Reges non posui<sup>t</sup> modò non primo loco, sed nec ullo alio.

Ibid. principatus secularis institutus est ab hominibus, estque de jure gentium; ecclesiasticus à solo Deo & de jure divino: ille regit homines, ut homines & ratione corporum magis quam animarum; iste regit homines ut Christiani sunt, magis ratione animarum quam corporum. Ille habet pro fine temporalem quietem, iste felicitatem sempiternam.

Ibid. Regimen Ecclesiæ supernaturale est, nemini convenit nisi quibus Deus commisit: legimus commissum Apostolis & Episcopis eorum successoribus, non Regibus.

Et inquit. Reges non solum viri sed fœminæ esse possunt. At fœminas publice docere Apostolus prohibet.

## Apollon. part. i.

pag. 118.

*Apostolus Eph. 4. 1 Cor. 12. cum hominum ordines enumerat, quibus spiritalis potestas Ecclesiæ est demandata, nusquam Magistratus mentionem facit.*

Et pag. 36. institutio & ordinatio potestatum

rum supereminentium non exorta est ex officio Christi mediatorio &c. sed ex creationis, generationis, & hominum Multiplicationis lege: etiam lege naturali & gentium constat.

Et ibid. *Munus Magistratus* non datur Ecclesie sub novo Testamento ex missione Christi mediatoris exaltati &c. sed institutum est à Deo hujus mundi gubernatore.

Pag. 41. 42. *Gubernatio Ecclesie* est formaliter Ecclesiastica spiritalis, & ministerium Regni Christi est. &c. & intendit spirituales adificationem corporis Christi per ministerium pastorum & doctorum: hæc gubernatio Magistratui non est concredita &c. Sed ministris & pastoribus qui legatione funguntur Christi nomine.

Pag. 46. *Tanta inter potestatem politicam & Ecclesiasticam* est distantia, ut nulla prorsus vel minima sit inter ipsas essentialiter seu formaliter consideratas, aut subiectio, aut dependentia, aut colligatio intrinseca: sed ipsa inter se sunt totaliter diversa, ac ut loquuntur schola disparata, & à se invicem separata perfecte consistunt.

Et pag. 117. *potestas formaliter Ecclesiastica faminae sive infanti competere non potest*, potestas politica, ad faminas & infames devolvitur.

Bellar-

Bellarminus loco  
Citato.

Quod in veteri Testamento non potuit  
Rex (*scilicet res ecclesie tractare*) minus in  
novo, ubi munera sacerdotalia longe augu-  
stiora sunt.

Apollonius. part. i.  
pag. 78.

Potestas *Magistratus* sub servitute le-  
gis magis urgebat æconomiam cultus Divi-  
ni sub V. Test. quam quidem jam sub novo  
Testamento potest urgere ; ubi servitus illa  
legis qua à *Magistratu* vindice legis ur-  
gebatur , gratia novi Testamenti est sub-  
lata.

Bellarminus loco  
Citato.

Objicit Brentius in V. T. Reges se sæ-  
pius negotiis ecclesiæ immiscuisse , & iis à  
Deo commissam custodiam legis divinæ ,  
& ideo ad eos curam ecclesiæ pertinere.

Respondeo Moſen non solum ducem  
sed sacerdotem fuisse , cæteros quædam  
egisse



egisse extraordinaria autoritate , non tam  
ut Reges quam ut Prophetas.

## Apollonius , part. 1 .

pag. 68.

*Afferit Moſen cultum Dei inſtituiſſe  
&c. ut ſummum Sacerdotem & Prophetam.  
Reges idem feciſſe extraordinaria poteſtate non  
tam ut Reges quam Prophetas. Et nos di-  
ſtinctionem hanc ut genuinam , legitimam  
& verbo Dei fundatam , admittimus & pro-  
bamus.*

## Bellarminus loco

Citato.

Non delenda eſt lex Deut. 17: qua  
ordinarie remittuntur homines in dubiis  
de religione non ad Regem , ſed ſacerdo-  
tem.

## Apollonius part. 1 .

pag. 66.

*Res eccleſiaſtica , earum jurisdictio , &  
adminiſtratio , à rebus ſecularibus regni diſ-  
creta fuerunt , & ſacerdotibus non politicis*  
ex

*ex officio ordinario injuncta, à Deo. 1 parab.  
19. 11.*

## Bellarminus loco

Citato.

Ufias Lepra punitus est cum munus sacerdotis assumpfisset.

## Apollonius part. 1.

pag. 71.

*Exemplum Ufie perpetua aequitatis est, innititur enim discrimini divinitus stabilito, quo officia Regum & Sacerdotum discernuntur, cujus limites refigere sacrilegium & rapina est.*

*Et pag. 99. omnes sive reges sive Magistratus, sive privati, panis à Deo mulctati sunt, qui in ea, quæ Ecclesiastica & sacerdotalia erant, sese injicere ausi sunt; exempla modo sunt allata, Chuse, Ufie Sauli. &c.*

Quæ omnia si inter se comparentur & quæ passim scribunt, videbitur facile Grallator cum suo pantomimo Bombomachide, non in fonte Caballino sed Canino, labra proluisse: nec in bicipiti Pernasso, sed in septicipiti Babylon aliquando somniasse, cum Walachram suam *specialis juris sanctitatem*

*tatem*, formarent. Ut nullus cuculus accipitri similior sit volatu & plumis, quam Walachrorum sententia Bellarmino & Iesuítis.

Hoc errore ut fundamento posito, necessario exitit, ut in Ecclesia prodierit Antichristus Papa: primò enim ob miram hanc sanctitatem, totalis separatio facta est inter Clericos & Laicos, vel Ecclesiasticos & Politicos; ita ut sub horum imperio non essent illi propter sanctitatem & dignitatem muneris, sed liberi & sui juris: & quia tandem re bene expensa, comperirent Clerici; sua negotia dignitate spiritualitatis anteire omnia sæcularia principum negotia, hinc quoque ob eandem prærogativam sanctitatis, cæperunt se efferre, supra principes: unde tandem hoc resultavit quod post multas pugnas, & temere effusum principum sanguinem, fatali successu, Romana illa meretrix subjecerit sibi Cæsarem & omnes mundi Monarchas, sicut dein Papa Romanus in Ecclesia & Politia mutaverit quadrata rotundis.

Non modo possibile est ut hoc fiat, sed hoc assero; impossibile esse ut non fiat: haud aliter ac fieri non potest, quin ex embryo-  
ne

ne tandem suppetente nutrimento, nascatur, & excreſcat, quadratum corpus. non modo hoc viſum eſt in Monaſterienſi illꝝ. ſanctitatis ſignifero Joanne Becholtio, ſed in Walachria id accidit, ubi primum per Grallatorem poſito hoc ſanctitatis ſpecialis, ovo, ſtatim buſonum aliquot inſeſſu, cæperit prodire *Papalis Archieꝝ Baſiliſcus*: qui licet adhuc tenellus, miro tamen ſibilo aerem ibi inquinavit: ut niſi in Grallis objeciſſem ei quaſi in ſpeculo, ſpeciem ſuæ deformitatis, metuendum fuiſſet, quin omnia late ſuo veneno occupaeſſet; cujus teneritas tamen non obſtitit, quin ſatis magnos ſtrepitus ibi ediderit, quos in Grallarum præſatione adjeci, nec piget hic ſummatim reponere.

1. Mandaverant Illuſtres Ordines Zeelandiæ, ob graves cauſas, ne Walachra Clafſis, ad Anglos ſcriberent, niſi litteris à ſe primum lectis: non probavit hoc Grallator cum Walachris, ſed contempto Illuſtriſſimor. Ordinum mandato, miſerunt in Angliam Epistolam ab Ordinibus non viſam.

2. Juſſerant Illuſtres Ordines Eleemoſinam cito colligere & Irlandis, celeriter transmittere, more cuius uſitato & convenienti, in menſam Mittelburgenſem collato

lato ære. Grallator cum suis urgebat hoc *specialis juris*, & *formaliter ecclesiasticum esse negotium*, nec Politicis licitum; itaque Mittelburgenſi Magiſtratuſi ſe opponens, interdixit *diaconis ne collectam ita facerent*, & altercando beneficentiam in Irlandos diſtraxit cum multorum egentium exitio & ſtrage.

Inſtituerat Magiſtratus Mittelburgenſis, tribunal parvarum litium, aliarum urbium exemplo: quosdam etiam ex Senatorum numero removerat, invito Apollonio: non placebat hoc Walachris flaminibus: cottidie, magnam convitiſſimum vim, ab ſuggeſtu efflabant; tandemque ſandi copia poſtulata; papatus, iniquitatis, perjurii, & odii in eccleſiam, illos in os increpuerunt.

Organi Synphoniam recepto tunc more inter cultum continuabat Magiſtratus; hoc quia non placebat Grallatori: cottidianis clamoribus ob illam & alias cauſas, ita pro concione tumultuatum eſt in rectores urbis, ut diſtictis aperte perſtringi, modeſti, dolerent; malevoli conjectis in curiales oculis, aperte riderent.

Infamem Lumirium cauſidicus Cipeſteyn occulto in curiales odio, ita impudenter deſenderat, ut ab ſeditione, in Magiſtratū pro tribunali ſedentem, perparum abſtineretur.

justa indignatione , notavit ob id crimen illum Leonhartum infamia hac , quod ab causis ante tribunal suum dicendis scribendisque eum removeret Magistratus Mittelburgensis ; non placebat hoc Apollonio cum suis ; ad presbyterii dignitatem illum attraxit , ut ex ecclesiastico tribunali , politicis , Ecclesiastica censuraria illuderet. Multa talis farinæ tunc exhalasse dicitur illa papalis sanctitatis lacuna , talium spiritualitatum fæta : unde hoc nunc sit Cardinale mendacium , quod se negent Walachri papatum Hierarchicum novum introduxisse ; cum jam dictis factisque ostenderim ; ab reformatis profugum , ita in Jesuitarum Papæque castra transfugisse , ut pro illo apertè militet , ac tam similis illius jam sit Grallator , ut si Papam intueatur , merito nunc dicat cum Plautiano Sofia ,

*Certe cum illum contemplor , nimis similis est mei.*

*Sura , pes , statura , tonsus , oculi , nasum ,  
labra ,*

*Mala , mentum , barba , collum ,*

*Si tergum cicatricosum , nil hoc simili est similis.*

Mend. 7. Epistolæ pag. 73. & alibi Grallator se excusat ab illis factis apud Bombomachidem,

dem, *noſti vir Clariffime vera loqui; & illas res, alio modo, animo, forma geſtas eſſe.*

Effrons mendacium ! provocat ad Illuſtres Ordines Zeelandiæ, & venerandos Rectores urbis Mittelburgenſis. Si tam conſcius innocentiaë eſt, cur non rectà Potentium Ordinum acta, & Mittelburgenſis curiæ archiva adiit ? cur non ad rem venit ? & apertis documentis crimen demolitur ? ſentit nimirum, ex publicis monumentis, non minus vera eſſe crimina quæ à me illi objecta ſunt : quam falſa, quæ ita temere in Lansbergium mentitum eſſe, jam mundus agnovit : obteſtatur Claſſes Zeelandiæ ! ſed injurium eſt, in tot errorum ſclerumque patrociniū venire velle, illas Claſſes ; quas antehac prudentiaë dignitatiſve typho contemſerit. Præcipuum nequitiarum ſuarum latibulum expectat ab ſuiſ Walachris, non tam conſcientiaë fidens, quam conſuetudini ; quippe apud quos jam longo uſu adſueverit, tanquam Delphicus Apollo, nugæ pro oraculis effundere : ut in centonum ejus mille paradoxa ; mille maledicta, imprudenter ſubſcribendo aſſenſerint ; non ſine temeritatis ( ut ſuſpicor ) pænitentia.

Pag. Epift. 72. Deum obteſtatur Gral- Menda.3

F 2

lator

lator, quod Leonhartum Causidicum unico suo voto, iuravit; nulla ope, arte, aut favore. Mendacium est. qui morem gestaque ejus illic observarunt, contrarium se scire & evincere posse affirmant. Sed quis pejerandi metu, contineri posse eum autemet? quem ne facerrimorum quidem cottidiana violatio, unquam exterruit; cui sanctum est sub sanctitatis specie ludere, & sancta Christi profanare, & cultus nostri sacerdotum illudere: Sinonius illa fides est!

*Ille dolis instructus & arte pelasga*

*Sustulit exuias vinclis ad sidera palmas:*

*Vos aeterni ignes, & non violabile vestrum*

*Testor numen, ait — Mentiebatur tamen.*

Ut si per Jovem juret iste Sosia, ego per Mercurium jurassem, Jovem illi non credere, ac injurato plus credere mihi, quam jurato illi. Carthaginensum erat illa fides, ut violatis omnibus sacris cum jurare adhuc vellet, exclamarent Romani, per quos tandem Deos juraturi essent; cum omnes violassent. Frustra Deum testatur Grallator, cujus sacra toties prostituerit, ut nec prædicationis, nec disciplinæ, nec nomotheticæ, nec vocationis, nec Sacramentorum sanctitas; unquam tam seria illi fuerit, quin ludicrum in morem, commodo, honori, & affectibus



fectibus suis, usuraria fuisse, factis ostēderit.

Ibid. excusat factum Causidici Cipesteyn, & commendat eum, ab virtute, *orthodoxæ fidei professione*, & *pietatis amore*. quicum glocitat Bombomachides Epist. 2. pag. 41. *Audio virum esse humanum, pium, eruditum, & percelebrem advocatum*: Mendacium est! Scilicet percelebrem esse causidicæ & Senatoriæ pietatis credebant Mittelburgenses Archymistæ! quem norant pessimarum causarum venalem patronum se sæpe adjungere, & cognomento *Leonharti inanimis* jam diu in Flandria celebrem fuisse, ut cui *Chapini Vutellii*, Itala pietate quondam insignis, Epitaphium quoque conveniret:

*Corpus in Italia est, tenet intestina Brabantus*

*Est animam nemo; cur? quia non habuit.* de quo etiam constat quorundam clarissimorum virorum causis tractandis, senatoria sua opera tam orthodoxe & pie aliquando functum fuisse, ut publice ordinum Generalium decreto prohibitus sit; ne unquam illorum rebus judicandis possit assidere Senator; hæc nos verissima esse hic scimus, & multi in Batavia. Quam falsum igitur est illis Walachris Lincibus id fuisse ignotum!

Certe nisi oculos clausissent, quid magis illis potuit esse visum & compertū quā quod Reverendo Magistratui suo Mittelburgi

tam male voluerit ; ut obtento , nebulonis , & proditoris patrocinio ; in Senatores illius urbis , non privatim obambulantes , sed pro tribunali sedentes , ita impudenter in-  
 vectus est , ut publicis plebis dictariis , fannis , ac pene paricidio exponeret : Absolomica profecto est ista pietas ! quam exitiabili crinipendio Deus punivit : non expectavit cœlitus , aut a casu vindictam Magistratus ; ipse potestatem scibat sibi esse ulciscendi tale scelus ! publico decreto , garrulum illud plectrum , silere jussit ; dum ab causis dicundis scribundisque publicè removit , difficulter etiam à relegatione abstinens. Et tamen si dñs Walachro-papistis placet , hic celebris , pius & orthodoxus Senator dignissimus erat , ut ( quod nunquam ante ) tunc juxta in comparativam seniorum sanctitatem adscriberetur : quis nunc dubitet , nil esse sacri talibus Sacrificulis ? qui sic mentiuntur , ut ab suorum sacrorum contemptu , sumant mentiendi ac malefaciendi privilegium. An nesciebant Pauli lege 1 Tim. 3. 7. Episcopum debere esse inculpatum , & bono testimonio etiam deforis armatum ? detur nunc illis quod nugantur , *Magistratum esse , non in , sed extra ecclesiam* ; hujus tamen testi-

testimonio infamis erat ille Eipesteyn : an turpis lucri cupidum , nesciebant esse Episcopatum aut Presbyterio ineptum ? quis clientium Helluonem , turpisque lucri cupidissimum , illum esse illic ignorabat ? quem norant sola lucri cupidine & malo affectu , tot maledicta & convitia Magistratui in os objecisse . Non miror certe Vlissinganum illam , ex *ἡδονή* illud nescivisse , quæ illius prædæ nunquam particeps credo fuit : hoc miror ; tam audacter mentiri Grallatorem ! illi venationi ab longe adfuetum ! ut sciat se sæpe , *superlativam suam sanctitatem* concionalem , junxisse illius *causidicæ pietati* ad hanc lucri venationem : ut non raro accidisse autument , ut unum leporem ambo venarentur , vel ( quod dicitur ) unum capum deplumarent . Sed nimis multa de hoc mendacio ! Sequatur aliud .

Grallator scribit , *pio Zelo & Christiana* Mend. 10  
*modestia se egisse cum Illust. Zeelandiæ Ordin.*  
 Bombomachides insulsior , ut vetula Ep. 2.  
 pag. 4. Respondens ad primum inobedientiae exemplum in Grallar. præfat. positum ; dicit *Illustres Ordines benigne indulgisse* , *Classis deputatis* , *ut cum classe communicarent de epistola tradenda* , & *postea Ordinibus comper- tum fuisse* , *nil rerum politicarum* , illa epistola

*contineri, ac mandato supersedisse. Splendidum & multiplex mendacium.*

Primum enim Illust. Ord. non indulserunt deputatis, ut Classici inter se deliberando certarent, utrum Epistolam traderent nec ne? sed voluere, ut mandato Ordinum Classicis communicato, Ordinibus obtemperarent quod cum Walachri non fecerint, immodesta fuit hæc inobedientia, *non pia modestia*, quod Vlissingana illa vetula mentitur & ineptit.

Secundo malebombens & foetidum quoque mendacium est, *Compertum fuisse Ordinibus Zeelandia Epistolam nil politici continere.* quia tunc Ordin. notissimum erat, non politicum sed periculosum esse, litteras qualescunque Anglis scribere; ecclesiis, Rege, & Parlamenti proceribus ita divisis bello & diffidiis; ut utri parti se applicassent consolando, alteram facile offenderint: unde omnes aliarum provinciarum Classes prudenter tacebant. quibus jam accedit quod Epistola illa Walachra, nunquam Ordin. tradita, vel in Illustrissimo illorum Confessu lecta fuerit, ut quid contineret certi esse potuerint, quod Bombomachides fingit.

Ultimo quod addit *Illustres Ordines suo mandato supersedisse*, tertium mendacium est, quia constat & res notissima est, non solum  
tunc

tunc indignatos fuisse, sed etiamnum hodie indignari, qui illo tempore comitiis interfuere, quod contempto Illust. Ordin. mandato, Epistolam in Angliam miserint Walachri Classiarii. Unde miror insulsiatatem Bombomachidis, qui postquam uno nisu tria hæc mendacia efflavit, pollicetur tamen vel sperat, Grallatorem aliquando hæc plenius diluturum esse.

Pari simplicitate mentitur quoque Bombomachides, pro Collega suo Brandio, quem Grallator præterit. Ep. 2. p. 32. dicit Brandium *non servisse Grallatori cæca obedientia. Quia Amplissimus Senatus Vlissinganus, collectam Hibernensibus mittendam commiserat curæ Ecclesiasticorum, quod ut Mittelburgi fieret, Classis nomine ejus urbis Senatum oraverat Brandius.* Tam impudens mendacium, ut certe metuiam ne cæteras veteratorias spiritualitates, ab Grallatore quoque discat, qui mentiendi hanc artē tam cito didicerit.

Primo hoc falsum est, Magistratum Vlissinganum, commisisse collectam Hibernensibus mittendam, Ecclesiasticorū curæ; quia Illust. Ord. unanimi decreto statutum erat, ut totius Zeelandiæ collectum æs in mensam Mittelburgensem deponeretur & delegatorum Ord. nutu ac ductu distribueretur:

Secundo in hoc fictor est, quod incantis sub-

Mend. 12

subdole persuadere nititur ; Mittelburgi actum esse de colligenda & distribuenda Eleemosyna , quasi de re *libera* , sive ab ecclesiasticis , sive à politicis , sive ostiatim , sive in templo fieret collecta : qualiter Vlissingæ , aliisque locis , atque etiam Mittelburgi hætenus indifferenter factum fuerat. Sed Grallator qui in vaticano somniaverat , in hoc colligendi distribuendique jure esse *authoritativam potestatem specialis sanctitatis* , voluit Magistratui & politicis hoc jus eripere ; longoque scripto ostendit , non licere iis id sacrum eleemosynare negotium tractare , ob sanctitatem specialis juris quam ibi somniabat latere ; sic ut diaconis quoque omnibus interdiceret , ne Magistratui in hoc illicito & quasi profano negotio obedirent : hæc illa aurea & pulchra eleemosynaris Helena Grallatoria , quam in Grallis fatis conculcatam reliquissim cum silentio , nisi Bombomachides hic mentiendo Grallatorem superans , Cl. D. Brandio volens succurrere , majus opprobrium attulisset : nolim certe candori , & piæ libertati D. Brandii quicquam detractum ; at quia de novo in scenam protractus est ab Bombomachide ; dabit veniam si nunc quæram an intellexerit hoc eleemosynare

synare propositum Grallatoris? an non intellexerit? Si illud: tum male fecit, quod ut speciali jure sacram rem interdixerit Magistratui Mittelburgensi, Eleemosynare negotium; quam Vlissingæ domi reliquerat, & tractaverat ut adiaphoram: Si hoc: tum certe cæcam obedientiam præstitit Apollonio; dum approbavit, ac defendit, quod ipse non intellexit. Non tribuam hoc viri imperitiæ, sed nimio illius candori, & Grallatoris impudentiæ: qui tunc adsuetus quasi Apollo oracula sua fundere, non modo Classi sua deliria obtrusit; sed hac veteratoria ipsis Ordin. Illustrib. delegatis ita imposuit, ut pro centonum officio præstito argenteam offam abstulerit: tam aperte illorum dignitati illudens, ut nemo nunc sit qui Grallis admonitus dubitet; quin virgis ecclesiasticis indignè cæsi, persoluto flagrorum pretio, mercedem contulerint mastigæ. Sequatur aliud mendacium.

Grallator Epist. pag. 1. 4. & c. Dicit se *Mend. 12*  
*esse virum, innocua fama, pium pastorem, erga politicos omnesque reverentem.* Quem coccismum illi passim accinit Bombomachides. Mendacium est!

Quomodo pastorem pium dicas? qui  
 tam

tam putidorum errorum & totius Hierarchici papatus, jam aperte convictus est, hoc certe non est pascere, sed perdere oves Christi, ad Papatus venena clanculum deducere: Jam qui fidei perverfor est, quomodo erit pietatis patronus? non potest dici innocuus ac inculpatus, qui falsitatis, fastus, Simonia, calumnia, blasphemia, injuria, pleonexie & omnium fere vitiorum compertus nunc est ex antedictis, ut ne scurrilitatis quidem Indicae Epistolae, mentionem facere hic necesse sit, & scommatum in pios politicos effusorum, quæ in Grallis annotavi. pag. 272. ut libere dicam Semeica modestia, exceptos esse pios illos principes, ab Grallatore & sociis ejus; qui non diutius modo sed luto regem David infestans, omnes modestia terminos transibat: ut jam merito sibi dicat Vereanus ille Sofia.

Plaut. *Argumentis vicit, aliud nomen quarendum est mihi:*

Credo equidem tacite secum mirari Grallatorem, quod tam impudenter multa scripserit, ac fecerit; & sibi clam dicere.

Plaut. *Quid malum? non ego sum Sofia?*

Amph. *Non ego nunc sto ante adis nostras? non mi est laterna in manu?*

*Non loquor? non vigilo? egomet mihi non credo.*

Tam



Tam effusus est in consarcinandis commentis per totos centones, ut nunc in Epistola dubitet, immo aperte neget quæ scripsit. Quæ mendacia persequar ut ante dicta magis illustrentur.

Apol. Epist. pag. 12. *Ubi Magistratum* Mend 13  
*ex vilioribus immo vilissimis Ecclesiæ membris esse assero?* hoc negare apertum mendacium est.

In lib. de Jur. Majest. part. 1. pag. 13. carpit Cl. Vedelium quod *Magistratus* pios diceret *præcipuum ecclesiæ membrum ratione Magistraturæ*. Dicit hoc alienissimum esse à statu Ecclesiæ. Et probat his rationibus.

*Quia mundana hujus vitæ dona* (inter quæ Magistraturam quoque censet) *nihili æstimantur in Regno Christi*. Ergo magistratus ratione Magistraturæ per se, res nihili est in Regno Christi, an non hoc dicere est vilissimum membrum, ratione Magistraturæ?

Ibid. p. 14. ex loco. 1 Cor. 6. infert minimos & qui infimi loci membra Christi sunt in ecclesia, in dignitatis æquilibrio poni posse in Ecclesia, cum dignitate illorum qui judicia mundana h. e. magistraturam exercent. *Apostolus inquit, minimos, & infimi loci mem-*  
*bra*

*bra, agnoscit apte ad dignitatem judiciorum, de rebus hujus vitæ promoveri posse in Ecclesia. I Cor. 6. 1. 2. 3. 4. & proinde tanti non esse illam potestatem, ut in præcipui membri ecclesiæ statum, hominem extollat aut evehat.*

Quid interest obsecro? sive quis dicat minimum & vilissimum ecclesiæ membrum dignitate sua dignum esse Magistraturæ dignitate; vel Magistraturæ dignitatem vilissimi membri ecclesiæ dignitate haud digniorem esse.

Mend. 14 Quærit iterum: *ubi in minimam legum ecclesiasticarum transgressionem, excommunicationem majori & minori animadvertendum contendit?* inquit. fateor tot a sustata illi effluxisse; ut nunc diffformes fætus suos non noscat: attamen hunc negare, apertum mendacium est!

Nam part. 2. de Jur. Maj. pag. 230. at (inquit) *in rebus indifferentibus ecclesiastico tantum mandato terminatis (quæ certe sunt minime & adiaphoræ res) fraterno consilio excitant tantum ecclesiæ filios (inquit) extra casum scandali, & contemptus, tamen anathematum fulmine non compellunt.* Unde apparet, eum asserere transgressiones legum ecclesiasticarum minimarum, majori quoque censura puniri posse, *intra casum scandali & contemptus.*

*temptus.* Quod assertum papale est & Tyrannicum: tum enim Ecclesiastici quasvis nugas & quævis somnia sua lege sancient; & si quis iis non statim parebit, dicent contemptum & scandala admitti, & sic excommunicabunt hoc prætextu Christianos quosvis, non laicos modo, sed Magistratus & principes suos: qualiter fecisse Papam nimis compertum est.

Et pag. 238. *Si contumaci contemptu, entaxia leges, proculcantur, severiori Ecclesiæ censura notantur.* At illa severior censura ecclesiæ est excommunicatio, major.

Pag. 240. citat & probat testimonium Gersonis Parisiensis, qui dicit. *Sola itaque contumacia vera vel prasumpta, renuens stare iudicio ecclesiæ, reddit hominem pro Christiano se gerentem, dignum excommunicatione.*

Quærit iterum: ubi Magistratus, carnalitatē bioticam & in ecclesiasticis negotiis, nullitatē & servitutē exprobro? hoc negare mendacium est. Mend. 15

Part. 1. de jur. Majest. pag. 5. Dicit Magistratum tantum ordinare peristatica rerum vere ecclesiasticarum, civilia, mundana, & biotica.

Pag. 7. *Nullos actus formaliter ecclesiasticos Magistratus &c. obire potest, quā magistratus.*

Et

Et pag. 42. *Magistratus gubernatio, non est gubernatio Ecclesie sed politie circa Ecclesiam, sic vocari vult, ne ambiguis Colurnis temporum iniquitati seruiatur.*

Et pag. 4. *Magistratus non dirigit externum Ecclesie ordinem, in externis formaliter Ecclesiasticis; sed tantum in rebus quæ Ecclesiasticis implicite sunt, & externum hominem concernunt.*

Pag. 46. *Potestas Magistratus circa sacra, est jurisdictio civilis, de rebus quæ civiles & politicae, rebus ecclesiasticis adjacent.*

Pag. 31. *Magistratus pius, spiritualement ecclesie potestatem agnoscit, ei se suaque subijcit: quid magis servile est? quam se suaque subijcere debere potestati Ecclesiasticorum? Si hoc debet Magistratus. Tum quotidie nova dogmata comminiscuntur, novos ritus & statuta, uti sub Papa videtur, & à Walachris in Walachria tentatum fuit, pro sua Hierarchia stabilienda. Quibus sese subijcere tenetur Magistratus sub pœna excommunicationis: impossibile est, quin totum imperium sint arrepturi Ecclesiastici: quia fastus eorum & avaritia nunquam satiari potest: an non hoc est, in ecclesiasticis, Magistratibus exprobrare nullitatem, Servitutem, & bioticam carnalitatem?*  
ut

ut qui exequitur modo carnali pag. 26. tantum biotica, adjacentia, nil verè ecclesiastici: sed in illis debet se suaque subicere ecclesiasticis.

Pergit. ubi assero periculosum esse, magistratui assignare titulos *Nutritius Ecclesia*, & utriusque tabula *Custodis*? mendacium est de hoc dubitare. Mend. 16

Part. 1. pag. 27. dicit Cl. *Vedelium* illis titulis fucum facere, ad deviam sententiam statuminandam, & saepe ab aliis rapi in abusum, ut iis fundent nescio quam eminentem Magistratus potestatem, quæ si inde extruatur, dicit hoc fieri consequentia inepta & fallaci: additque non esse nutritios proprie dictos, qui nutrimenta per se Ecclesia administrent. &c. pergit.

Ubi externa Ecclesia negotia (inquit) quæ ministri peragunt omni humano capiti, & fastigio altius credi volo? hoc non negat iterum sine aperto mendacio. Mend. 17.

Part. 1. pag. 86. Dicit externum regimen ecclesie, ut prædicatio &c. licet sint nō, iē, tamen censenda esse in tē pro internis ecclesiæ, quod regimen dicit esse Spirituale.

Part. 2. pag. 143. Ecclesiasticas leges ferre, est altioris virtutis & potestatis, quam civilis; nimirum ecclesiastica.

Passim docet: formaliter Ecclesiastica negotia, etiam externa, posita esse sub potestate ecclesiastica spiritali, in ordine ad supernaturalia. part. 1. pag. 51. ut ad hac opera nulla potestas naturalis se possit extendere. Ne quidem politica potestas qua summa est inter naturales potestates.

Et part. 1. pag. 52. asserit, si Magistratui vel politicæ potestati detur potestas Ecclesiastica faciendi, & ad finem beatitudinis contendendi per se, tum pelagianismum induci, quo nos Papistæ conantur deducere inquit: ut certe non modo inter supernaturalia negotia, omni humana facultate altiora ponat externi Choragii ministeria; sed ab iis impudentius & præcisius excludat potestatem politicam, quam ipsi Papistæ, quos dicit Pelagianos esse, quod politicæ potestati hic nimis tribuant. Iterum quærit:

Mend. 18 *Ubi regimen Ecclesiæ in se absolutum, & quodammodo ἀντὶ τοῦ Θεοῦ statuo?* Mendacium est hoc negare.

Part. 1. pag. 16. & pag. 94. 95. ac passim demonstrat, totam potestatem Ecclesiæ datam esse Ecclesiæ, & Ecclesiasticis ut *ἐκκλησιαστικῶν*, præpositis, neutiquam Magistratui, quia non est Ecclesia. Sed tantum  
 acci-

accidens Ecclesiæ, quod potest adesse & abesse citra subjecti corruptionem. Totum ergo regimen ecclesiæ, quod perfectum esse clamat, concludit intra Ecclesiam, extra quam ponit Magistratum qua Magistratum: ut in se absolutum statuatur. part. 2. pag. 323. dicit reges & imperatores subesse ecclesiasticis, si fideles sint, quia in ministerio eorum &c. fideles, inquit, considerant, ἐπιταγήν, *Servorum διοικομικὴν* & Regis Christi in illis dicentis ἀντὶ κερατοεικὴν; quæ verba miror illum tam imprudenter effutiisse; ac nunc tam impudenter dissimulare.

*Ubi pastores cum imperio punire dico?* hoc iterum quærit cum mendacio. Mend. 19

Si cum imperio agunt omnia formaliter Ecclesiastica Pastores, certe quoque puniunt cum imperio. Nam censuram ponit inter formaliter Ecclesiastica. Sed jam ostendi ex ejus verbis, in ministerio pastorum considerari debere, ἐπιταγήν ἀντὶ κερατοεικὴν Christi, in illis mandantis, quæ certe magnum est imperium. Et ipse quoque ad se trahit locum Pauli Tit. 2. 15. *Hæc urge cum imperio.* Tandemque concludit præceptum Prælati, id est Pastoris, hoc imperium habet.

Alibi probat potestatem Pastorum esse

*Regiam* : ergo cum imperio sua agunt ,  
& puniunt. Pergit

Mend. 20

Ubi potestatem politicam nil quanti circumstantias Ecclesiæ , tractare contendo ? id rogando iterum mentitur.

Videantur loca quæ citavi in discutendo mendacio 15. apparebit, eum aperte dicere Magistratum tantum tractare ~~seculi~~ *seculi*, & ~~seculi~~ *seculi* rerum mundanarum , quæ ecclesiæ extrinsece adjacent ; ad res autem formaliter ecclesiasticas , nec totaliter , nec partialiter , posse ascendere ; nisi Pelagianismum inducamus ; hæc toties in illo occurrunt , ut nemo ea ignorare queat. Pergit mentiendo.

Mend. 21

*Ubi Gibeonitarum loco existimo Magistratus pios ?* ( inquit ) *qui necessariorum suppeditandorum servili officio, fraudem, & profanitatem semper debebant fateri.* Dubitat. & simulat iterum cum mendacio.

Nimis apertum est Gibeonitis similes , ab illo statui , Magistratus pios.

Gibeonitæ non erant verè sancti, sed profanatione Levitarum :

Sic Magistratus non sunt vere ac specialiter sancti ratione Ecclesiasticorum , sed in quantum Magistratus & pii , separati & exclusi ab omnibus negotiis formaliter



er Ecclesiasticis; quæ obire non possunt nec totaliter nec partialiter, nec soli, nec cum Ecclesiasticis.

Gibeonitæ non versabantur in vere sacris, sed extra & circa templaria: 2.

Sic Magistratus non est in Ecclesia in quantum Magistratus part. 1. pag. 24. illa phrasis est periculi plena (inquit) sed extra & circa Ecclesiam.

Gibeonitæ aquam & ligna conferebant ut accidentia ad cultum requisita: 3.

Sic Magistratus, peristatica & accidentia tantum procurare, nil formaliter Ecclesiastici debent attingere.

Gibeonitæ suum munus debebant obire & Levitis subjici: 4.

Sic Magistratus pii cumulare debent ecclesiasticos templis & stipendiis, & se suaque Ecclesiasticis subicere.

Gibeonitæ fraudulentum erant, & magis fraudulentum fuissent, si in templaria Levitarum negotia manum injecissent: 5.

Sic Magistratus pios vult haberi Grallator cum suo Calderwood, *pro servis dolosis*, à quibus se cavere debent omnes generosi equi Ecclesiastici, qualis Grallator est. Immo quia per condescenden-

De jure  
Maj. part.  
1. pag.  
100.

tiam se immiscent , magno cum dolore Apollonianorum Zelotarum , quibusdam formaliter Ecclesiasticis ; annon tacite eos fraudulentos innuit , & ipsis Gibeonitis fraudulentiores ? pergat mentiendo.

Mend. 22

*Ubi me infallibiliter Christo sabordino ? ut quasi cum illo autoritate identificer : id quoque negat cum mendacio.*

Illic nimirum , ubi se *legatum Christi* dicit , jure clavium ita instructum , ut qui illum *audiat, Christum audiat* : ubi doctrinæ, & statutis ecclesiasticorum parendum esse asserit , sub pœna excommunicationis ; ut si contingat illos male statuisse , tamen parendum sit cum modestia , & Deus orandus , ut ab ecclesiasticis Præpositis melius statuatur. Quæ bruta est & papalis subje-  
ctio. Jur. majest. part. I. pag. 349.

Imprimis hoc quoque patet ex loco quem nuper citavi , ubi dicit in Ministris , esse *ἐπιταγήν ἀποκριτικὴν* quasi Christi in illis dicentis ; unde illis nascatur , ut potestate ministeriali imperent , hortentur , cum *im-  
perio*. Hoc se Christo æquare est , quod Papa jam dudum fecit , nec Reformatos decet.

Mend. 23

Ultimo clamat , *ubi dominatum quero in ecclesiam , magistratum , & mundum ?*

Certe

Certe ubi dictis, scriptis, & factis quæ-  
 sivit Papatum. Papa enim ficto sanctita-  
 tis prætextu, sibi sumsit primùm potesta-  
 tem docendi, & statuendi quod vellet in  
 Ecclesia; cumque illius statutis non pare-  
 rent homines, sumsit quoque jus eos Eccle-  
 siasticè puniendi, & censurandi: hac via  
 comparavit sibi imperium in Ecclesiam, ut  
 oves; & quia inter has oves erant Princi-  
 pes, eos quoque ecclesiasticis pænis exter-  
 ruit; ita ut paulatim ecclesiasticas pænas  
 mutarit in politicas & mundanas; populum  
 absolvendo à juramento, & tum clancu-  
 lum tum apertè eos irritando in principes,  
 ut rebelles ecclesiæ filios & digne ab se ex-  
 communicatos; & sic tandem occupavit  
 imperium in mundum: non fuit semper  
 voti sui compos, uti in Bonifacio VIII.  
 & aliis visum est: sed quoties, animum  
 populi superstitioso persuasum potuit im-  
 buere, ut quod ille statuisset crederent,  
 Christi statutum esse, apud illos quo-  
 que ut plurimum obtinuit, ut ad nutum  
 suum subditi à principibus defecerint; un-  
 de illis proceribus necesse erat, vel fugere,  
 vel mori, vel Papæ pedibus advolvi. Quod  
 certe fuit summum imperium in mun-  
 dum.

Hanc imperialem potestatem , vel saltem illam ex qua hæc necessario fluat ; Grallator Mittelburgi quoque cæpit defendere scripto ; & factis ostendere. fateor ejus imperium illic infantile adhuc fuisse ; sed id tamen ostendi ante ; non aliter quam in embrione apparent tenella omnia liniamenta corporis quadrati , ita quoque in illius doctrina , statutis , censura , & totius regiminis jure , apparere omnia liniamenta Papatus ; unde nil aliud tandem existere necesse sit , quam ut illic Walachri , sibi comparassint imperium absolutum in Ecclesiam , Magistratum , & Mundum : ut id factis ostenderant. Fateor ipsum Grallatorem nunc mirari sua figmenta ; & vix sibi jam credere ; sed ex dictis apparet , omnia ab illo scripta esse , vel apertis verbis , vel necessario consequenti ; de quibus ipse quasi dubitando indignatur. Ut non mirandum sit , quod ab Classicis ejus subsignatis , tam facile approbata sint ejus commenta , cum non illi modo , sed ne Grallator quidem , author & inventor tot figmentorum , non satis intellexerit aut perpenderit , quid veneni continerent. Quod in Bombomachia monueram pag. 11. hanc seriem mendaciorum negantium , inveniet

Lector

Le&tor in una pagina Epist. Apoll. pag. 12.  
proferam alia mendacia affirmantia, in quibus falsum asserit.

Gral. Epist. pag. 33. *primo pro formaliter ecclesiasticis & non tangendis statuit, verbi divini praeconium publicum cum annexa Sacramentorum celebratione. Quae munera dicit jure divino ministris solis tradita esse; nec à Magistratu Christiano obiri posse ob defectum juris ex limitatione divina. Atque omnes reformatos ad Remonstrantes usque esse concordēs in hoc assero adstruendo. Erastum medicum hactenus tantum repertum fuisse, qui id ausus fuerit musitare: ex cujus fonte me haurisse ait quidquid propino veneni. Digna Grallatore impostura, & mendacium.* Mend. 24

In hoc enim inscite vel perverse impostorem agit; quod ab vero controversiae statu lectorem abducit, & interrogatus quasi de alliis, respondet de cepis. Non enim hoc propriè quaeritur, An Ecclesiae utile & necessarium sit, ut semper in ea sint, quibus docendi, & administrandorum Sacramentorum onus incumbat? nec etiam an Magistratus politicus ab istis negotiis debeat abstinere? id Grallatori contra me asserere non erat necesse: quia utrumque in Grallis; scriptura, & rationibus astrui: imprimis tra-

statu

ſtatu de vocatione , & in præfatione ; ubi expreſſe ſcripſi, ordinem & decorum violaturum eſſe , ſi quis citra neceſſitatem, miniſterio hodierno, manum immittat. Ut ergo duos illos mendaces hic convincam, qui paſſim contra conſcientiam clamitant, me quibusvis prædicandi & Sacramenta adminiſtrandi licentiam tribuere: verum genuinum controverſiæ ſtatum proponam ; qui eſt :

*An publicè prædicandi , & Sacramenta adminiſtrandi negotia , hodie ſint ſpeciali jure ſancta & formaliter eccleſiaſtica , ſicut olim ſacra templi munera qua ſolis Levitis & ſacerdotibus à Deo conſeſſa erant , aliis vero prohibita ſub pena ſacrilegii ?* Aſſertum eſt in Grallis , eſſe quidem communi modo ſancta, ratione *Auſtoris Dei* , & *finis* , qui eſt *animarum ſalus* : nec tamen in iis reperi-ri, ſpecialem illum Sanctitatis modum , qui olim ob expreſſam Dei Ordinationem erat in propriis & templariis Sacerdotum negotiis, in quorum cenſu erant *arcam geſtare , thus adolere , Sacrificare , Sanctuarium ingredi & alia*. Utcunque enim id oneris quoque Sacerdotibus impoſitum fuerit à Deo , ut *legem cuſtodirent*, eam publice prælegerent , ac docerent ; ab iis tamen non ita remoti fuere reges & proceres politici,

ci, alique qui ex Sacerdotum aut Levitarum numero non erant : quin ea potuerint tangere & obire sine sacrilegio, ut in Grallis ostendi : & in hodierna prædicatione adeo manifestum est, ut ipse Grallator sui quasi oblitus, in considerationibus ad Anglos pag. 52. aperte fateatur, privatos fideles, hoc officium publicum docendi quoque obire posse, re sic postulante; quod certe nulla necessitate urgente in propriis & templariis Levitarum negotiis sine sacrilegio fieri potuisset.

Unde jam colligo imposturæ cum veteribus Papistis convictos hic esse novos Walachros Papistas, qui incommunicabilem Leviticorum negotiorum sanctitatem, suis prædicandi, & Sacramenta administrandi negotiis perverse aptare nituntur, tractis etiam ad hoc Usæ, Usiæ, & reliquorum sacrilegorum funestis exemplis. Imprimis vero notabili Apostoli ad Hebræos Heb. 5.4. loco: cujus corruptelas in Grallis late ostendi, pag. 287. 288. &c. ut insignis quoque falsitas sit & impostura, quam committunt Walachri mendaces; quod ex hoc asserto meo calumniose concludant & clament, me Ordinem omnem ex ecclesia sublatum velle; sic ut cuique concedam tumul-

multuarie in ecclesiæ hodierna negotia involare : quod in Grallis scriptum non reperient ; & sine dubio confusionem pareret ; quam ubique ab ecclesia longe amandatam volui. Ut hic certe magnum videamus Grallatoris , & Bombomachidis mendacium.

Mend. 25

Apoll. Epist. p. 38. 39. &c. *inter formaliter ecclesiastica quoque numerat , exercitium clavium regnicæstis , & disciplinam Ecclesiæ , quæ sit censura minor & major. Quam clamat me cum Erasto non solum rejicere , sed eum sceleratis , scandalo inquinatis , & perditis hominibus. Quod multiplex mendacium est !*

Primo enim mentiendi veterem Mechanicam in hoc exercet ; quod Lectori persuadet , me omnem clavium usum ab Ecclesia exterminatum velle : cum contrarium in Grallis possint videre quotquot oculis utantur. Audiat ergo iterum , verum *ἐπιστήμων* & quæsitum : *Virum adhuc hodie in Ecclesia Christi sint vera & genuina claves Apostolica , quas Christus Petro & Apostolis dedit ?* Hoc cum Papistis audacter jactat Grallator in centonibus ; ego dico *papisticum mendacium* esse. Consistebat enim hoc jus in vera & proprie dicta jurisdictione ,



ne, quâ divinitus illis concessa; perpetuo raturum erat in Cælo, & ab hominibus quoque raturum haberi volebat Deus, quidquid illi in Ecclesia dicerent, docerent, vel statuerent. Quæ jurisdictio quoque non dependebat à nuda ordinatione Dei, sed præcipue ab extraordinariis donis quibus illos ornaverat: his cessantibus, cessavit quoque illa jurisdictio. Fateor apud Reformatos ac in ipsa Catechesi nostra, disciplinam Ecclesiæ & prædicationem Evangelii, nomine clavium cæli indigetari; sed improprie, nec unquam credo alicui in mentem venisse, ut jus & jurisditionem illam clavium Apostolicarum, adhuc hodie remansisse crederet: ne id quidem diffiteor, alium alio, in hoc ecclesiæ jure extollendo fuisse largiorem; sed nemo id impudentius jactavit quam Papa Romanus post Apostolorum tempora: ut se clavium Petri prætextu jactet *infallibilem* esse in Cathedra, & jus habere cælum aperiendi, & claudendi, pro arbitrio. Hunc fastum quia valde miratur & ambit Grallator ille Walachrus, dixi merito, veterem illam Gonorrhæam & profluvia meretricis Babylonicæ, ut canem impurum turpiter resorbere, à quibus hætenus omnes Reformati nausearunt.

Fin-

Grallar.  
pag. 140

Fingit Secundò, me scribere *omnem censuram ab Ecclesia removendam esse*. Quod mendacium est ! Scripsi enim contra, *nil certius esse, quam peccandi licentiam in Dei populo compescendam, & scandala tollenda esse*. Et pag. 150. ostendi quoque, Deum censurandi officium in suo populo instituisse. Et multa alia quæ ibi extant & evincunt Calumniam esse & mendacium, Grallatoris hoc figmentum.

Tertidò quoque mentitur, cum ait, *me omnem censuram ab ecclesia remotam velle, qua per abstentionem à cana exercetur in Ecclesiis nostris*. Quod Grallarum paginas rimando non inveniet, ne quidem ex consequenti. Dixi *humanum inventum esse*; an igitur ab ecclesiis penitus removendam volui? Certe multa humani ingenii inventa in ecclesiis recte permittuntur, modo ædificationi ecclesiæ possint inservire. Scripsi quoque *Romana matris foetidas secundinas & sordes esse, censuram minorem & majorem Ecclesiis nostris ab nativitate adherentes*: sed Grallatoriam, Walachro-papisticam, Absolutam & speciali jure sanctam, quam si politici audeant attingere vel tractare, ut Usa & Usia, Sacrilegos fore. Hanc censurariam scripsi in Romana ecclesia Anti-chri-

christum peperisse, & monui porro Illust. Ordin. daturam esse cito in unitis provinciis multos Papas & Antichristos, politicæ Majestatis contemptores, ni tempestivè & serio providerint.

Quartò mendacium quoque est & calumnia; *quod soli Erasmo, ac sceleratis, impiis, & perditis hominibus* (ut loquitur) *me velit adnumerari.* Certe si oculos non clausisset ille vespertilio, non opus erat ut ad Erastum hic confugeret, multo minus ad homines perditos & sceleratos, ut tales inveniret qui idem nobiscum senserint. Solæ enim Grallarum pag. 178. 179. 180. 181. &c. illum hic poterant convincere, reperiri Ecclesias reformatas, (nostris Belgicis, reformationis antiquitate, fidei puritate, & sinceritate morum haud cedentes.) quæ id ipsum quod in Grallis scripsi tenuere. Ut certe Grallator ille Walachrus perpulchre stolidus sit, qui contrarium ex Gualtero & Helvetica confessione lectori conatus sit obtrudere. Epi. pag. 38. 39. ne igitur mentiendo fucum faciat cordatis politicis, pauca iterum ex scriptis Doctorum Virorum adscribere non pigebit.

Bullingerus in Epistola ad Petrum Dathenum

thenum Tigur. 1. Januar. 1570. hunc in modum scribit. *Quæ nostra sit semperque fuerit sententia de disciplina ecclesiastica, ignorare non potes, cum quasi nuper edita confessione Helveticarum ecclesiarum, eam attigerimus breviter. Nunquam docuimus nos, nullam in ecclesia esse debere disciplinam: quam sane necessariam esse fatemur. De modo & ratione hujus disciplina, non unum vel idem omnium est & semper fuit judicium. Nostra ecclesia (arrigat aures Grallator) nunquam disciplina ecclesiastica immiscuit cenam Domini mysticam. &c. quæ latius in Grallis descripta Lector inveniet pag. 178. quibus consonantia quoque sunt Rodolphi Gualteri verba, in Epistol. ad Carolum Jonvillæum script. prid. Kal. Maii anno 1570. quæ sonant, Si de excommunicatione dicendum sit, nunquam ea nobis prorsus aut in genere damnata est: quia & legibus illa nostris præcipitur, qua à tribuum Societate & publicorum pascuorum Vsufructu excluduntur, qui contemptis admonitionibus tam publicis quam privatis, aliter vivunt quam homines Christianos deceat; ut vero aliqui à cena Domini arceantur, id in nostris Ecclesiis nunquam receptum fuit: ut nec in multis aliis. quas tamen ob neglectam fidei & doctrinæ puritatem, aut ob introductam morum licentiam,*  
*nemo*

nemo huc usque merito potuit accusare. Nec enim à quoquam hactenus idoneis, & firmis argumentis demonstratum fuisse vidimus, exclusionis aut separationis Symbolum ex ea fieri debere, qua ecclesia colligi, & ejus unitas conservari atque foveri debet, quo nomine illam veteres συνάξιν dixerunt. Et post: cur novum & inauditum dicatur quod in nostra ecclesia jam inde ab initio per annos 50. receptum fuit? Zwinglius certe B. M. primus religionis apud Helvetios instaurator, eadem diserte scripsit, in amica ad Lutherum exegeſi, quæ nos hodie docemus & sentimus. Hæc sunt doctorum virorum testimonia, ex quibus constat, externum illud censurandi cultus negotium in ecclesiis nostris usitatum, nunquam unanimi Reformatorum calculo receptum fuisse pro re sacra, sancta, & divini juris, sed solum adiaphora; ut qui ea uti vellent; non rigide, vel ut præcisi juris instituto uterentur; sed quemadmodum Helvetica confessio loquitur, (quam Grallator adduxit) pro tempore, status publici ratione, & prout necessitas requirit.

Quæ certe ratio quoque fuit, quod Illustres & Præpotentes Ordines, hodiernum censurandi modum ecclesiasticis quidem concesserint; sic tamen ut à præcipuo ejus

H

ful-

fulmine ita noluerint abstinere, quin illi quoque leges præfigerent: quod sine Sacrilegio Uſæ, & Vſiæ haud feciſſent, ſi verum eſſet ſomnium Specialis juris & Sanctitatis cenſuræ majoris & minoris, quod Grallator Walachrus Papa pimulus, in ſuo Vaticano dormiens ſomniavit. Vt nunc evidens ſit, verum controverſiæ ſtatum non eſſe; *an cenſura aliqua in eccleſia ſit exercenda? vel utrum modus ille cenſurandi, qui in Eccleſiis noſtris receptus eſt, exterminandus ſit?* quod Grallator mentitur me aſſerere. Sed *an Eccleſiaſtici hodie eam exerceant tam ſpeciali & ſancto jure, ut ſi Politici eam introſpicere, vel examinare, vel non bene ab Eccleſiaſticiſ adminiſtrandam inhibere, vel male adminiſtratam corrigere audeant;* commiſſuros eſſe Sacrilegium Vſæ & Vſiæ. Id Grallator paſſim in Centonibus tuetur. Ego mendacium eſſe dico, & papifticum figmentum; nec reformatos id dogma recipere, ſed ad unum omnes rejicere quotquot tenorem & conſenſum eccleſiarum ſequuntur in his provinciis conſtitutum. Verum de hoc mendacio ſatis, tranſeo ad aliud.

Mend. 26 Grallator Epift. pag. 47. 48. & c. inter formaliter Eccleſiaſtica, & ſpeciali jure ſancta numerat *vocationem & electionem miniſtro-*

*ministorum. Additque, Arillator noster hæc  
ridet; & ut Summatim dicam, statuit me  
Christianitatis privilegium tam amplum fa-  
cere, ut neminem à sacrorum ecclesiasticorum  
administratione excludam, modo donis sit in-  
structus: atque adeo Sociniano, Arminiano,  
ac Anabaptistico furore, ministerii honorem,  
& Dei institutum auferre, atque sic Libertino-  
rum vestigiis insistere.*

Ubi primo erronis vagi in morem; quæ-  
rit viam sibi satis notam, quam simulat se  
nescire.

Non enim hic quæritur, utrum hodie  
atque semper in Ecclesia debeat esse præ-  
dicandi ministerium? utrum sacrum & fan-  
ctum sit? utrum in domo Dei ordine om-  
nia (quoad fieri potest) sint administranda?  
utrum eligendi & ordinandi sint in ecclesia,  
qui ecclesiæ functiones obeant? ne qui-  
dem, utrum hæc legitime & compositæ  
debeant fieri? id negare tam portentosum  
est, ut ne omnibus quidem (quos recenset)  
hæreticis, nec Papæ ipsi ignotum fuerit,  
tantum abest ut ego id negem; sicut men-  
tiendo mihi studet imponere. Nam tan-  
tum abest ut ego id negem; ut potius to-  
tum de vocatione tractatum Grallis inter-  
jecerim à pag. 241. nec quicquam magis

indigner; quam quod Grallator cum sibi similibus, Simonia, aliisque profanis circumventionibus, & apertis fraudibus, hoc utile & venerandum vocationis ecclesiasticæ negotium ita turpiter corrumpant: uti annotavi in Grallis pag. 25.1.

Primum quæsitum in hoc est; utrum soli ecclesiæ & ecclesiasticis (ut loquitur) sit potestas eligendi & ordinandi Ministros; tam præciso SS. & ecclesiastico jure; ut si magistratus politicus pius & reformatus, id negotium obeat formaliter commissurus sit Sacrilegium Usæ vel Usiæ? quod papistarum more stolidus Grallator veteratorie minatur politicis, sed veteris novique testamenti, exemplis & praxi refellitur. Salomon certe Abiatharum relegavit, ut à Sacerdotio depelleret; idemque Sadocum in pontificem surrogavit: Iosaphat doctores urbatim misit cum libro legis ad prædicandum; non ecclesiasticos modo sed & politicos illi negotio præficiens, nulla certè alia potestate fretus, quam Regia & Architectonica; qua se divinitus armatum sciebat ad faciendum omnia (qualiacunque) modò speciali lege non essent interdicta: sicut fuere propria Levitarum officia; non autem mittendi vocandique negotia: quæ ille propterea



pterea ( ut Scriptura loquitur ) non minus  
generose quam pie sibi vendicavit, quorum  
vestigia dein pie & prudenter sunt sequuti  
Cæsares Christiani ; quos Grallator tamen  
Walachro-Papistarū Papa, & Antichristus,  
eo nomine reprehendit; & contrā Carolum  
Magnum & Ludovicum Pium laudat , qui  
penitus abdicato vocandi negotio, ecclesia-  
sticis id in solidum concessere. ubi non ani-  
madvertit ille tenebrio, se non Grallatorem  
modo hic agere , sed vespertilionum more  
ad claram lucem cæcutire ; primò quia non  
videt, (quod historiæ testantur) pessima &  
execrabili Cæsarum & ecclesiasticorū nun-  
dinatione id factum fuisse ; & tunc demum  
vidisse mundum (quod nunquam ante) Ec-  
clesiastica scelerum portenta & prodigia,  
quæ Antichristum peperere , ut hinc certo  
experimento compertum sit; nunquam vo-  
candi licentiam ecclesiasticis concedi posse,  
quin vocandi hoc negotium statim , Simo-  
nia, & multis fraudibus corrumpant. quod  
vel ipsius Grallatoris exemplo constat ; qui  
postquam in Walachria, singulare hoc be-  
neficium ab Illust. Zeeland. Ordin. adeptus  
fuit , ut in vocatione , aliisque ecclesiasticis  
negotiis exercendis plus libertatis haberet :  
tamen inde tam Simoniacus, imperandi avi-

dus, fastuque inexplabilis factus sit, ut non  
 modo ad nundinationes & lucrum, omnes  
 illas prærogativas transferret, sed ipsis suis  
 principibus, ac jurum donatoribus con-  
 temptim scriptis factisque illuderet, ut in  
 Grallis & ante ostensum fuit. Ut jam vi-  
 deat mentiendi suum vetus vitium Gralla-  
 tor, quod me vocationis sanctitatem le-  
 gitimam sublatam velle persuadeat, quam  
 tamen divino pristinoque vigori restituere  
 propositum fuit, longe fugatis veterum no-  
 vorumque Papistarum figmentis, quibus  
 tanquam Antichristico colore & pigmen-  
 to; verum ejus usum, veramque dignita-  
 tem, Ecclesiæ Christi ereptam cupiunt.

Alterum quæsitum est, utrum Ecclesiasti-  
 ca ordinatione donatis, inde accedat spe-  
 cialis juris Sanctitas? qualis olim Levitis  
 erat ex Dei ordinatione; id cum papistis  
 somniavit Grallator; verum si oculos ape-  
 ruisset, vidisset certe in scripturis rem ali-  
 ter se habere. Vnus enim locus extat, Act.  
 13. qui contrarium evincit. ubi narratur,  
 quod ecclesia separavit, & manibus impo-  
 sitis ordinavit Paulum & Barnabam, ad  
 prædicationem inter gentes: & quid inde?  
 an Paulus illa Cheirothesia factus est Apo-  
 stolus? vel privilegio donatus, ut solis gen-  
 tibus

tibus prædicaret cum Barnaba, atque inde Specialis juris Leviticam Sanctitatem acciperet? quin imo jam ante factus erat Apostolus, & omnibus promiscuè diu prædicaverat, Judæis non solum, sed gentibus. Neque post acceptam Cheirothesiam aliis erat illicitum ut gentibus prædicarent, quibus ad prædicandum manus non erant impostæ. Quid igitur? communis juris speciale onus acceperunt, quo solemniter suscepto, ita speciatim obstringebantur, ut quomodocunque alii hac vel illa occasione isti oneri se potuerint subducere, illi tamen indefesso labore ac studio huic se totos debuerint mancipare.

Vnde nunc manifestum fit quantis imposturis olim illuserit Christianis vetus Papa, & hodie conetur papula iste Walachrus, tam ample deprædicando illas, vocationis, maxime ordinationis, & manuum impositionis, formalitates ecclesiasticas, (quales hodie sunt) quasi mirificæ sanctitatis authoritatisque essent feraces: Cum sanctitatem specialem non contulerint, sed potius in se gratulatoriæ; Benedictionis & suscepti oneris fuerint testimonia. Haud aliter ac hodie dextræ datione fausta precamur amicis; dum ad longinquum vel pe-

riculosum negotium proficiscuntur : factus Antichristi ex hoc negotio (uti in multis aliis) fecit tragicum lusus ; cujus prætextu dein pastores superbire didicerunt : ut non mirum sit, tam mirifice illos tumultuari, cum ad originis Apostolicæ simplicitatem omnia se reducere vident ; à qua moderatione tam longe recesserunt hodierni hierarchæ ; ut nunc totam vocationis & ministerii sanctitatem tolli putent, quotiens ab Antichristi typho, ad Apostolicam modestiam, coguntur resilire. hinc enim Grallatoris clamores, quibus mentiendo tumultuatur atque clamat : omnem ministerii & ministrorum dignitatem me cum fanaticis & libertinis tollere ; quod prædicatoribus hodiernis, Leviticam & Specialis juris Sanctitatem ademptam cupiam, quasi in illa non minus sita sint totius hodierni ministerii splendor atque sanctitas, quam ipsorum ministrorum dignitas : Cum ex antedictis constet, papisticum figmentum & mendacium esse, quidquid illi de Levitica illa Specialis juris Sanctitate, tam operose nugantur atque garriunt. Vidimus enim Ordinationem, quæ Cheirothesia fit, Speciale onus, non autem Leviticum privilegium contulisse Paulo atque

Bar-

Barnabæ, quod si ne illa quidem quæ ductore & moderatore Spiritu sancto facta fuit, id fecit? quid ex illa fiet? quæ hodie, humano ductu, & humanis ac perversis artibus sæpe celebratur, ut in Grallis monui, fateor multum quoque discriminis intercedere inter Paulum & Barnabam, & illos qui hodie ad prædicandi munus ordinantur: id tamen nequaquam obstat, quin verum sit quod statuo: quia certum est (modo omnia recte fiant) illos qui hodie ab Ecclesiis eliguntur cum Paulo & Barnaba, id commune habere, quod manuum impositione Ecclesiis non præficientur, nisi primitus ad docendum formati sint, electi & vocati à Deo. Sicut ipse Calvini. testatur in Comment. ad locum Act. 13. 2. & res ipsa aperte dicat in omnibus iis, qui ad sacra ministeria hodie promoventur. Quorum nullus admittitur, nisi publice, atque ipso facto ostenderit, se a Deo, ad docendum formatum, vocatum, & quasi electum esse. Quæ certe hodie omnium divinissima est vocatio, & à solis donis dependet; multisque parasangis, dignitate & sanctitate illam superat, quæ sola Ecclesiæ electione & ordinatione constat. utcunque enim speciale onus conferre possit,

veram tamen muneris prædicatorii sanctitatem conferre nequit, ut garriunt veteres & novi Papistæ. Quia (ut dixi) unice à donis pendet. Atque in eo à Levitica sanctitate multum differt, quæ potissimum in Dei Ordinatione consistebat. Verum de hoc mendacio satis, sequatur aliud.

Mend. 27 Apol. Epist. pag. 51. &c. inter Ecclesiastica negotia numerat *officium publicum judicandi de rebus sacris*. Hoc quia *speciali jure sanctum, & formaliter Ecclesiasticum* dixerat in centonibus: ego ut papisticum figmentum in Grallis quoque disjeci; & ostendi quidnam de jure Classium, Synodorum, & Ecclesiasticæ dependentiæ credendum esset ex scripturis. Ad quæ Grallator furibundi in morem, mendaciorum procellas movet, convitiorumque plaustra spargit ac in me projicit.

Ubi primum hoc notandum, quod scribit, *nusquam à se determinatum, utrum sacrilegus sit Magistratus, si Consistorio, Classibus, Synodisque pro autoritate se admisceat, aut ea impediatur*. Quod certe apertum mendacium est! scripsit enim in Centonibus part. 1. pag. 119. 120. & passim. *Res ecclesiasticas definitivo judicio definire, negotium esse formaliter Ecclesiasticum,*

*cum, solis ecclesiasticis personis divinitus concessum, & Magistratibus interdictum. Quæ negotia passim quoque asseveravit sancta esse non communi, sed speciali modo, ut olim erant Levitica officia, qua nemo peregrinus sine sacrilegio poterat attingere. Quod inculcavit ad nauseam in centonibus & novissime in Epist. pag. 48. adductis in eum finem Corachi, Daibani, & Abyrami exemplis; qui, cum prætextu Sanctitatis communis, munia speciali jure sancta invadere attentassent, Dei vindicta ceciderunt.*

Secundo non minor impostura est, quod ejusdem Epist. pag. 54. Lectori persuadet, *me cum Atheis & Libertinis nullos publicos verbi præcones, nullos scriptura interpretes vel judices agnoscere ordinarios, ex officio. Quæ totidem sunt mendacia!*

Non enim quæritur, an tales sint vel esse debeant ex Dei ordinatione? sed an illis solis hoc judicandi munus concessum sit speciali ac sancto privilegio, ut olim templaria negotia Levitis & Sacerdotibus? hoc Grallatoris est assertum; quod ego papisticum figmentum & mendacium esse dico. Quod veteres reformatores jam dudum rejecerunt, ut in Bellarmin. videre est. lib. I. de Concil. cap. 16. ubi adversus illos disputat

putat Walachro-Papistarum more. Non tam prophetiæ & scientiæ donis, quam ordinationi Ecclesiasticæ & vocationi, illam judicandi potestatem alligans. Contra apertum Apostoli statutum & morem; qui non habito Specialis ordinationis respectu,

1 Cor. 14 *spiritum prophetarum, prophetis subiectum esse docet.* Ea ratione non larvas pastoritias Ecclesiis & Ecclesiasticis judiciis solum præficiens, sed eos qui prophetiæ donis polent in Ecclesiis.

Quæ ratio tam evidens, pontificios aliquos permovit, ut ipso Grallatore Walachro minus papissarint in hoc dogmate asserendo. Ipse enim Nicolaus I. Papa in epistola quadam, cujus verba habentur in distinct. 96. Canon. Ubinam; non regibus modo sed ipsis laicis concedit locum in concilio, cum universale est, & de fide convertitur: *quia fides non Clericorum tantum sed omnium Christianorum est.* qua ratione ducti Panormitanus & Ioannes Gerson veteres Papistæ, asserunt; \* *Unius privati sententiam præponendam esse sententiæ Papæ, si ille privatus moveatur melioribus auctoritatibus testamenti veteris ac novi. Et \* quemcumque hominem doctum posse & debere toti Concilio resistere, si videat illud ex ignorantia, vel malitia peccare.* Cujus

\* Panor.  
in cap.  
signifi-  
casti de  
Elect.

\* Gerson.  
in Exam.  
Doct.  
part. 1.



Cujus ratio quoque manifesta est; cum enim Episcopi vocentur in Episcopos, & deinde ad Concilia mittantur quia doctiores; si ergo laici reperti sint illis doctiores, vel saltem æque docti, ad Ecclesiastica judicia merito admittuntur; sicut inter Apostolos usitatum fuisse constat, ex loco Paul. act. 15. ubi non tantum ad judicandum convenisse dicuntur Apostoli ac præsbyteri, sed tota Ecclesiæ multitudo; qua præsentem totum hoc judiciale negotium ita ibi actum & transactum esse narratur, ut paucis loquentibus, omnibus vero aliis tacentibus & judicantibus, (sicut à Paulo ordinatum 1 Cor. 14 fuit) omnium nomine pronunciatum fuerit judicium; & dein promulgatum, ad exteras Ecclesias ut Lucas refert. Quæ certe Apostolica judicandi simplicitas multum distat à Tyrannica illa Iurisdictione Specialis juris & sanctitatis, quam introduxit in Ecclesiam Christi, Antichristus Papa; & Walachri venantur: cujus vis in eo sita est, ut soli judicent aliis omnibus remotis, non tam quia docti; quam quod Ecclesiastica vocatione inaugurati, sint personæ publicæ; Ecclesiastica jurisdictione donati, haud aliter ac seculares judices Politicæ; ut si vel centum, vel quinquaginta Ecclesiastici amini suffra-

suffragiis vincant, & tota Ecclesiæ multitudo majoribus donis sæpe abundant, illis tamen tanquam *Authoritativis* *judicibus* se suaque teneantur submittere filiali subjectione: uti egregie cum papistis non solum balbutire, sed jam diserte loqui didicit Grallator Walachrus, ut ne hilum à veteribus papistis differat, in eo etiam papistis multo iniquior; quod hi ob infallibilitatis privilegium sibi credi velint; ille autem suæ fallibilitatis conscius; filiali tamen, & cæca obedientia sibi obediri cupiat sub excommunicationis pæna. Quæ papistica & major Tyrannis est. Scribit enim: *Hino qui dubitant de veritate Sententiæ à Synodo pronunciata, aut ob leves & probabiles rationes eam falsam esse putant, atque adeo non certo sciant eam esse talem, tenentur decreto Synodico præstare obedientiam talem quæ ordini & decoro eo in casu consentanea est. Quæ obedientia Christiana humilitatis & modestia est obsequium; quo fideles in ejusmodi casu abstinere à publica seu aperta tam professione suæ sententiæ à Synodo pronunciata. Et interim sollicitè scrutando scripturas, veritatem indagant Deumque orant, ut veritatem suam hominibus manifestet, & Synodi lapsus seu errores delegat iis, quibus Ecclesiæ cura commissæ est: ut illis agnitis,*  
*contra-*

Jor. Maj.  
 part. 1.  
 pag. 248.  
 & 249.

*contraria & sana doctrina in alio saniore Concilio stabiliatur.* Hæc sunt Grallatoris verba in quibus papismi fermentum latere, certe cæcus sit qui non videat; etsi enim in Centonibus pag. 247. à papistis recedere videtur, quod scribat, à Synodi decreto esse recedendum, *quotiescunque evidenti argumento falsa vel impia statuit*; si quis tamen hæc Grallatoris verba recte perpenderit, facile animadvertet pro forma tantum ab illo scribi, ut decipiat incautos, & papismi fermentum tegat: mox enim ubi declarat, quodnam argumentum pro evidenti sit habendum? respondet, se cum Valentia pontificio Doctore sentire; qui statuit pro evidenti argumento habendum esse, non quod privatus aliquis subito vel ex passione, sed prudentes & periti (*hoc est ecclesiastici judices ut ego interpretor, & Valentia sentit*) evidens esse judicant: hoc autem quid aliud quam quod papistæ statuunt? ab Ecclesiasticorum judicio nunquam decedendum esse quomodocunque illi judicent; nisi ipsi fateantur se falsum judicasse: adeo ut volente Grallatore omnes tandem Christi oves divina Ordinatione cum pastoribus suis perpetuo errare teneantur, utcunque fallibiles esse sciant, & se cum illis er-  
rare

rare sentiant : ne potestate divini juris (hodiernis Ecclesiasticis concessa) excommunicentur, & diabolo tradantur. Quæ Tyrannis est, Papistica deterior; cui tamen, (si vera esse credantur quæ Grallator Walachrus in Centonibus tuetur) non vulgares oves Christi solum, sed ipsi populi principes se subicere tenentur, *Divino, & Spirituali jure* : Cujus contrarium ex antedictis adeo constat, ut nullus dubitandi locus superesse queat. Quia enim ex antecedentibus constat, docendi & judicandi officium pastoribus non convenire *speciali & sancto jure*; sed laïcis quoque concessum esse; hinc nemini dubium esse potest, quin Regi id quoque competat potiori jure; cui architectonica potestate armato, tanta vis est & autoritas, ut nil sit in toto Regno quod non subiaceat illius potestati, & quod facere non possit, modo habilis sit, & absteat ab iis quæ Deus expressa lege illi interdixit; qualia olim erant Sacerdotum negotia, quæ Ufias volebat obire: extra quos casus omnia illi subjacent; etiam quæcunque ab Ecclesiæ præpositis in Ecclesiasticis conventibus peraguntur: quia enim hodie Ecclesiæ Ministris, non est Specialis juris Sanctitas; à vocatione oriens  
ut

ut olim Levitis, & ordinaria tantum dona habeant, quæ absolutam jurisdictionem & Apostolicam, Speciali jure sanctam nequeant constituere; quis non videt futile & superstitiosum figmentum esse, & stolidè à veteribus Papistis mutuatum, quod producunt Walachri illi turbones; principi politico non convenire judicium decisivum in hodiernis sacris & Ecclesiæ negotiis: quod Vigessimum Septimum capitale sit mendacium.

Statuit inter *formaliter ecclesiastica jus faciendi leges* *Mend. 28* *de rebus ad ordinem spectantibus*, Ep. pag. 59. & 61. quas tamen, anathematum fulmine puniri non vult. Ad hæc noster *Arillator*, nil nisi conficta mendacia, ut locum citem (inquit) in quo expresse contraria defendo. Sed hoc quoque multiplex mendacium est. Solito iterum fallendi more, statum pervertit, non enim quaeritur an ecclesia possit leges externi ordinis facere, ad cultus decorem? quod aperte astringitur in Grallis pag. 168. & c.

Sed an hoc jus sit specialis & divini juris? sic ut ab hac nomothetica, tanquam re formaliter ecclesiastica, debeat abstinere magistratus pius, ob carentiam vocationis ecclesiasticæ, idque sub pœna Sacrilegii.

ita hanc rem explicat Grallator, Iur. Majest. part. 1. pag. 3. Hoc ego dico esse Papisticum figmentum & mendacium: quia Magistratui pio liceat & cum Ecclesia & seorsim, de his rebus deliberare & leges statuere ac promulgare; sine ullo periculo, modò Scripturæ & Rationi convenient: extra quem casum Ecclesiasticæ leges quoque sunt rejiciendæ: Specialem autem illam legislatoriam sanctitatem Ecclesiasticorum, Scriptura sacra ignorat; sed Papa callide finxit, unde eam Grallator mutuatus est.

Rursus: utrum leges ab Ecclesiasticis ordinatæ, tanto rigore observari debeant, ut transgressores excommunicatione puniri possint? id affirmat Grallator; tamen quasi mente captus, hic negat se affirmasse, immo dicit me locum allegare in quo contrarium defendat: quod sane geminum est mendacium.

De Iur. Maj. part. 2. pag. 230. dicit apertè *in Casu contemptus & scandalis anathematismum fulmine uti posse Ecclesiam, in legibus de indifferentibus & pag. 237. leges Ecclesiasticas, ob simplicem transgressionem vindicandas non sunt anathematismum fulmine.* Unde sequitur cum contumacia adsit, id fieri posse.

Aper-

Apertissime hoc dicit;

Pag. 238. *at si contumaci contemptu, eutaxia leges proculcantur severiori Ecclesiæ censura notantur.* Hæ sunt paginae quas ipse citat, ex quibus apparet ex Grallatoris sententia, leges Ecclesiasticas, si contumax contemptus adsit, posse Ecclesiæ fulmine & gravi excommunicatione puniri; quæ assertio non modo falsa & Papistica est, sed tyrannica: quomodo enim lex de re indifferente & levi, potest fundare supplicium tam grande? id autem fiet, si contemptus tam levis rei, tam gravem poenam post se trahat: tam vertiginosus est Grallator, ut ipse sua asserta destruens, ex Parkero asserat; *ad contemptum magni momenti, requiri quoque delictum magni momenti.* Vide ibid. pag. 239. unde ipse ostendit; iniquum esse si tam atrox poena Anathematis stringatur, ob contemptum legis Ecclesiasticæ de re levi & adiaphora, ut fere idem astruat & destruat. Sequatur aliud mendacium.

Bombomachides passim *meum scriptum* Mend. 29  
*vocat famosum libellum, me famæ furem, quia*  
*ex occulto Walachrorum ministrorum famam*  
*impugnem.* Mendacium est!

Nec enim famam furatur aut lædit alijus qui id exprobrat, cujus merito reus

est, ut mox ostendam: nec famose hoc facit; qui *aperte & in os*: quod me facere ex Grallatore facile erat illi videre. Et si enim Bombomachides fateatur, se nescire quis sim, quia lateam, Grallator tamen Epist. pag. 1. & passim aperte dicit, se probe nosce quis sim, unde Epistolæ suæ dederit nomen *Grallopanus detectus*: ut hic jam sibi mutuo contradicentes habeam hos duos mendaces; si enim detectus sum & jam aperte notus quod Grallator garrit, tum mentitur Bombomachides, qui me dicit ignotum esse & famosum, quia ex latebris pugnem. Si contra latebris meis adhuc lateo, & ignotus sum Bombomachidi; tum mendax est Grallator, qui ita temere effutiit, me detectum & probe notum sibi esse, nisi linceos oculos habere credamus Grallatorem, qui probe norit & videat, quod Bombomachides ignorat nec videt: vel verus vespertilio sit Bombomachides, qui videre non possit, quod Grallator jactat se probe nosce & videre: partiantur nunc inter se duo illi Walachri, uter mentiatur; ego certe utrumque mentiri assero, & hunc, quia dicit me detectum & probe notum esse, qui ignotus sum, & illum qui me  
*famose*



famose agere dicit, quia quæ vera sunt Walachris exprobro, ex occulto, & non detecto nomine; sic enim optimorum quisque, & hodie Severinus Simplicius famosi sunt, qui tecto nomine adversarios perstringunt.

Sed jam iterum mentiat Grallator.

Clamat per totam epistolam, Authorem Mend. 30  
Grallarum sibi probe notum esse; & me esse  
quendam medicum Mittelburgensem Petrum Lansbergium; qui ex amore insanus, fraudum & scelerum compertus, ab ministro detrusus, apostata factus sim, & Blasphamus, ab ecclesia ejectus, ac denique dignus qui diabolo tradar. Fascis iterum mendaciorum!

Nil dicam nunc de Lansbergii apologia. Id tantum dico, mirum esse ardelionem illum Walachrum; qui ex tam tenui filo, tot gravia crimina suspendit: ut ejus exemplo planum fiat, uno absurdo dato multa facile consequi: statuit pro vero somnium, quod Grallarum authorem probe norit; quam tenue & fragile sit hoc filum, poterat ex ipso mimo suo Bombomachide discere: qui hic præceptore suo doctior est discipulus; ille expensis proculdubio omnibus indicibus Grallatoris, nullum invenit quod scientificum esset;

ac proin prudentior suo Præfato, suspicatur quidem; sed fatetur tamen, se ignorare authorem Grallarum: ut hic videamus, consuetam mentiendi proterviam illius ventriloqui; qui ratus, sibi cum specialis juris sanctitate vocatoria, contigisse mentiendi prærogativam autoritativam; ita audacter omnia effudit, ut maledicendi dictaturam solus possidere videatur.

Mend; 1 Nunc iterum bombat Bombomachides. Epist. 2. pag. 20. & passim clamat me esse *calumniatorem*, qui pios ministros *criminer*, & convitiis proscindam; quod tam ægre fert, ut difficulter se contineat, quin clerum, plerum, & Magistratum in me concitet.

Fætidum & Bombomachide dignum mendacium! Quis calumniatorem dicat eum? qui crimina objiciat alteri quæ vera sunt? imprimis qui hoc faciat studio boni publici: etsi enim inhumanum sit, alienos defectus detegere, tamen ab crimine liber est, qui id facit juris sui conservandi, & vindicandæ Reipub. gratia. l. 18. ff. de injur. & famos. lib. unde non injustum fuit quod facetiis perstringerem Walachrum illum cum suis subsignanis: qui cum tot maledictorum congerie in Cl. Vedelium nostrum,

nostrum, cultus, & religionis reformatæ integritatem pervertere nitebantur: cum publicæ rei manifesto detrimento, quod jam sæpe ostendi. Si enim ex jure *specialis sanctitatis* Magistratus pius non potest tangere formaliter Ecclesiastica negotia, nec *totaliter*, nec *partialiter*, ut defendit Walachrus Grallator: tum Ecclesiastici, prædicabunt quod volent; mandabunt quod lubet; punient quemvis pro arbitrio; & vocabunt tales quos sibi similes factione esse videbunt: quia enim hæc negotia sunt formaliter Ecclesiastica; nemini, ne quidem Principibus licebit hic Ecclesiasticis præscribere, vel frænum injicere; metuent enim ne cum Usia lepra percutiantur, ut garrit ille Walachrus novus Papista: inde necessario illis nascetur absolutum Dominium in *formaliter Ecclesiasticis* negotiis, & quia illa Ecclesiastica formalitas tam lata est, ut se extendat ad omnia etiam Politica negotia, hinc facile crescet audacia Ecclesiasticis; ut se per indirectum quoque immisceant omnibus mundi negotiis; unde ultimo existere necesse est, absolutum Dominium, in conscientias, bona, ac famam omnium Christianorum; quæ præviderat noster Vedelius, & monebat pios Princi-

pes : id enim in Papa , Joanne Becholtio ; & aliis aperte visum diu erat : quia autem hanc ecclesiasticam tyrannidem , cæperat quoque exercere Mittelburgi , dictis factisque Grallator ; non sine felici successu : sentiens suis ceptis obstare nostri Vedelii Libellum ; hinc tanto maledicendi ardore centones suos in illum edidit , ut nemo non videat totam convitiandi næviam ab illo exhaustam esse : mors præveniens impeditur nostrum Professore Vedelium , ne pro meritis contra vapulari ille maledictor. Unde jam fortuna dulci ebrius ; magis magisque suam Hierarchiam papisticam introducebat : & vicisset credo pervicacia , nisi Vedelii nostri cineribus parentare , & , cultus reformati patrocinium suscipere visum fuisset : id in Grallis præstiti , acerbe fateor ; sed nec infacete , nec injuste , dum à veris , aut verisimilibus nusquam decederem : id mihi persuadens ratione : nunquam satis digne rideri , & fannis conspui posse illos , qui a reformatorum principum pietate , tutela & beneficentia , honorem , pacem & mercedem nanciscuntur ; eo vesaniæ Hierarchicæ devenire audeant , ut post depositas papalis tyrannidis exuvias , de reduvia Romana iterum

rum scribere & contendere audeant.

Sed jam iterum loquatur Grallator.

Apol. Epist. pa. 78. 82. 83. quasi in rem Mend. 32  
venire volens : de Ecclesia differens ; dicit  
me sub ambiguis terminis ludere, & hoc se  
facile probare posse ; *veram ecclesiam etiam  
cum externo visibilitatis modo , esse Sanctam ,  
Sponsam & corpus Christi ; pro cuius privile-  
giis Christus sanguinem fuderit , non haram  
porcorum , & impurissimam meretricem ut  
garrit blasphemus , Arillator inquit.*

Multiplex & Grallatore infano dignum  
mendacium !

Primo veterem mentiendi morem ser-  
vat , quod me fingit , omnem ecclesiam vi-  
sibilem , censere *pro haram porcorum , & im-  
purissima meretrice* , cui neutiquam conve-  
niat hoc elogium *quod sit. Sponsa , & corpus  
Christi.* Si legisset Grall. p. 68. 69. vidisset  
me , non de ecclesia visibili agere qualis  
*Semper* , sed ut addidi qualis *Sæpe* est , cum ni-  
mirum vitiis scatet ; nec docui illa elogia  
ecclesiæ visibili , *nullo modo* , convenire , *sed  
non proprie* , immo certe cum vitiis scatet ,  
valde improprie : tantum est ut hic aliquid  
*blasphæme garriam* ( uti loquitur Grallator  
Walachrus ) ut locum annotarim ubi hoc ip-  
se in considerationibus , ad Anglos p. 7. aper-  
te de-

te defendit; immo hujus Epistol. p. 83 fate-  
 tur Ecclesiæ visibili *quoad externum visibili-  
 tatis modum*, hæc elogia non competere:  
 unde ipse nescius concedit quod negat, vi-  
 delicet; *nulli ecclesiæ visibili quæ talis*, conve-  
 nire proprie hæc elogia: nulla enim ecclesia  
 visibilis est, nisi ob visibilitatis modum ad-  
 junctum: Si posset Grallator nobis osten-  
 dere ecclesiam aliquam visibilem, quæ con-  
 staret ex puris electis, haberet aliquam  
 speciem ejus commentum: sed hanc credi-  
 mus, non videmus. Unde etiam illa elo-  
 gia nulli ecclesiæ visibili proprie dixi con-  
 venire: quod si verum est, quanto minus  
 indignandum illi erat? quod aliquibus visi-  
 bilibus Ecclesiis quæ vitiis & corruptelis  
 scatent, hæc elogia non convenire dice-  
 rem, sed differre à Catholica Ecclesia; ut  
 hara porcorum, & impura meretrix: non  
 negabit credo ecclesiam Judaicam sub qua  
 vixit Jesaïas, & alii prophetæ, fuisse veram  
 ecclesiam visibilem; habebat enim tem-  
 plum: & si illic tunc non fuisset vera ec-  
 clesia visibilis, nusquam fuisset: attamen ob  
 vitia a Propheta Jesa. 1. & aliis locis, pro  
 meretrice aperte censetur: si se intueatur  
 Grallator, facile videbit hoc non raro ac-  
 cidere, ut aliquando impurus, & impostor  
 pasto-

pastorem agat in ecclesia ; atque ita graſſetur , ut ipſe impurus ſibi ſimiles porcos & impuros ad ſacra religionis Chriſtianæ proculcanda invitet , quod ubi fit , quis dubitabit tale viſibilis eccleſiæ complexum ob vitia eſſe haræ porcorum ſimile ?

Alterum mendacium eſt : quod fingit , ſibi paſiſmum à me injuſte imponi ; à quo putat ſe n ultum diſtare , quia paſiſtæ non proprie dicunt , *viſibilem eccleſiam eſſe Sanctam & Spiritualem* ( quod Reformati quoque dicunt ) ſed illis qui *ſecundum viſibilitatis modum in eccleſia tantum ſunt* , veræ eccleſiæ elogia competere , etſi reprobi , impii , & ſceleſti ſint. Quod nos non dicimus , inquit. in quo aperte mentitur.

Bellarminus enim cum Jeſuitis dicunt , impios , reprobos & magnos peccatores , non eſſe proprie membra eccleſiæ , ſed pilos , ungues , & pravos humores , qui in corpore quidem ſint , ſed non de corpore , idque non conſtituant : ſed gravent. in quo nobiſcum ſentiunt , quod illos impios ab eccleſiæ corpore diſcriminant. Ut hic falſum affingat Jeſuitis.

Error Jeſuitarum proprie in hoc conſtitit , quod cætum illum externum viſibilem , regimine unitum , ex bonis & malis exiſten-

existentem, volunt haberi pro vera Christi ecclesia, domo, Sponsa, cui competant infallibilitatis & sanctitatis perpetua privilegia: cujus præpositi cum sint Clerici, concludunt illa magna privilegia sibi tanquam repræsentativæ ecclesiæ (utcunque malis & perversis) convenire. Unde Hierarchiam suam papistæ exstruunt & exornant.

Hoc quia de ecclesia visibili quoque conatur persuadere Grallator, dixi merito eum hic papissare; quod ecclesiæ visibilis dignitatem nimis extollit, dum grandia hæc elogia ei tribuat; quæ valde improprie conveniant. Quia enim ecclesia visibilis sic se habet sæpe, ut multos præpositos, & membra contineat qui porci potius sint quam Christi oves; sequitur hæc elogia, non propriè convenire ecclesiæ visibili, nisi velis uni & eidem mulieri propriè convenire, quod simul sit casta, pura, munda, & tamen quoque meretrix; quod ab ratione prorsus abhorret.

Tertium mendacium est, quod putat se non male dixisse de ecclesia externa visibili; quod pro externi ministerii privilegiis, & jure regiminis ejus, Christus sanguinem fuderit, ut nugatur pag. 81. Epistolæ suæ.

Tam



Tam impudens est hoc mendacium : ut in Grallis non immerito dixerim , à *Blasphemia non multum abesse hanc loquutionem* : non modo enim apud Orthodoxos reformatos, sed ne Pontificios quidem nusquam (quod sciam) reperitur : & revera absurda est. Dicit scriptura Christum fudisse sanguinem , pro Ecclesia ; sed sanguinem fudisse pro omnibus mediis quæ ordinavit & dedit, ad ædificationem corporis sui , in multa duceret absurda ; sic enim dici posset pro Juda sanguinem fudisse , quem ad tempus prædicatorem dedit, & medium ad Ecclesiam suam ædificandam. • Sic dedit aquam pro baptismo, panem & vinum, imo Calicem pro Cæna , Scripturam sacram & alia multa, pro quibus sanguinem fudisse, scripturis sacris inauditum , immo contrarium, stultum & insanum est. Sed nunc succedat mimus Bombomachides.

Laren. Epist. 2. præfat. & pag. 6. Dicit Mend. 33  
*me profanum esse risorem , qui totum ministerium conculco ; nullum in tota Zeelandia pro vero ministro agnosco , omnes enim voco Walachro-papistas inquit , Zeelandi autem cum Walachris consentiant.*

Splendidum iterum mendacium ! quis me ministerium & cultum conculcare asserat

ferat cum ratione ? cum papisticis sordibus  
 purgare nitor , romanam lepram & infecta  
 hierarchica , in ministerium reformatum  
 reduxerat Grallator , tam aperte , ut Anti-  
 christici ergastuli sordibus totus scateret :  
 quem propter adstans Bombomachides ,  
 improvide contraxit quoque illius impuri-  
 tatis seminium ; id quia remove nitor ,  
 stomachatur pueriliter ! infantium certe est  
 ista morositas , quos dum matres , illa cri-  
 nium illuvie purgant , non aliter vociferan-  
 tur quam si vitæ vim faciant. Non tam  
 miror quod hujus strigilis ictus sentiant  
 duo Walachri , quam quod mentiuntur ,  
 omnibus Zeelandis immo reformatis , cri-  
 nem a me peccati. nimis enim ridiculum est  
 per Walachro-papistas , omnes Zeelandos  
 intelligi , utcunque me fateor Zeelandiæ  
 tractuum non valde gnarum esse ; dicitur ta-  
 men uti ex variis insulis , ita quoque Classi-  
 bus constare ; quarum unam tantum ajunt  
 Walachriam esse , sub qua omnes Zeelan-  
 dos accipere , nimis amplum esset , nisi forte  
 nova Hierarchiæ partitione , in Walachria ,  
 sit Cathedralis Zeelandiæ ecclesia , cujus  
 Metropolitanus Grallator , & Vicarius ,  
 Bombomachides sint , quod nobis hæc-  
 nus non innotuit , ac ne quidem credo aliæ  
 Classes

**Classes Zeelandiæ sub Walachra se facile** comprehendendi velint; præsertim in hoc novo invento papistico, quod jam aliquotiens ostendi tam absonum esse, ut vel cum Grallatore furere, vel cum Bombomachide infantire debeant omnes Zeelandi & Reformati, si cum illis sentire velint. Sed jam Grallator mendax iterum prodeat.

Epist. pag. 48. & 86. Arillator inquit *Mend. 34*  
*totus fermento Anabaptistarum & Brounistarum incumbens, democraticum regimen querit. Negat ecclesiam representantem (quæ est pars Ecclesiæ visibilis regens) ecclesiam Christi esse, & nominari: aut ei peculiarem dignitatem, sanctitatem & potestatem præ cæteris membris competere. Junius hæc accurate determinat, quæ noster fanaticus de hac questione movet. Mendaciorum iterum acervus!*

Si legisset caput de ecclesia, & Grall. pag. 71. & 206. cum sequentibus, peperisset mendaciis: ut certe in se ostendat, quam necesse sit mendacem esse memorem.

Primo videre poterat, me nec Democratiam nec Anabaptismum sapere; qui Magistratui primas in Ecclesiæ regimine dem, ut queritur! Anabaptistæ enim Magistratum extra ecclesiam suam ponunt, id Grallator quoque facit: dicit enim politicam potestatem

testatem non esse *in*, sed *circa* ecclesiam tantum; uti sæpe annotavi: ut certe hic Grallator Anabaptistis furore similis sit, à quibus ego absum, cum Magistratum pono in ecclesia, & hodierna ecclesiastica agentem sine ullo Sacrilegio.

Alterum delirium est, quod mentitur me rectores ecclesiæ nullos statuere, nec dignitatem tribuere præ communibus membris; id si verum esset, quomodo vocationem, & pastores ac mystas agnoscerem, quomodo duplici honore dignos dicerem qui in verbo laborant; hoc tantum dico, vocationem ecclesiæ & ordinationem illis non conferre Specialis juris Sanctitatem Leviticam, sed onus; adeo ut totam ministerii & ministrorum sanctitatem in donis atque in eo sitam esse velim; ut eloquia Dei fideliter & pure loquantur, & secundum ea sancte & modeste vivant; quam sanctitatem si unice affectent ministri, fient speciali modo sancti, omnes habebunt eos in pretio, eorumque monitis & consiliis libere ac libenter se subicient. Hæc sanctitas Grallatori non placet, sed faciliorem ejus adipiscendæ viam quærit cum papistis; qua, utcumque ignorans & omnibus scientiæ virtutumque donis vacuus, fraus, belluo, impostor

impostor atque mendax sit, pro specialiter Sancto tamen haberi debeat. Et proinde cum papistis ecclesiam dividit, in regentem sive repræsentantem partem, & rectam sine repræsentatam. Utrique autem tribuunt nomen ecclesiæ, imprimis regenti parti, uti quoque facit Grallator. De hoc, quasi probaturus, ampullatur, nil tamen profert quam suum somnium.

Ego contra statuo, hanc phrasin in scripturis non reperiri; vox enim Ecclesiæ quidem dicitur, *de Ecclesia sine rectoribus*, vel de ecclesiæ corpore cum rectoribus, Actor.

15. *Sed de rectoribus sine corpore*; nusquam in scripturis hactenus aperte inveni: cujus ratio verisimilis mihi hæc est, quod rectores Ecclesiæ omnia negotia Ecclesiæ obierunt sub Apostolis, non seorsim, sed præsentē toto corpore & omnibus membris Ecclesiæ, sic ut neminem Christianum expressa lege excluderent: hoc regimen ut nimis populare, nec satis autoritativum explosit Papa, & finxit Ecclesiam, ex rectoribus sine corpore, & Laicis, quam vocat conficta voce repræsentantem; quod sumsit à politico regimine; quem imitatur Grallator. Quod si de nomine repræsentantis Ecclesiæ non multum laborem, in

re tamen nimis aperte papiffat Grallator. Papa enim non contentus est, quod ex parte ecclesiam regere facit totam ecclesiam; sed illos regentes, sanctitate dignitateque spirituali ita extollit supra alios Christianos; ut expresse illi vocentur, Sancti, Spirituales, Ecclesiastici & Clerici; alii vero Sæculares, Mundani, Carnales, & Laici: cum ipse Petrus 1. Pet. 5. nomen cleri, tribuat non rectoribus, sed toti gregi: quod tamen fastus docuit Papam solis rectoribus deferre, ut quasi Dei Sors, & populus Dei specialis omnem Christi populum dignitate anteirent.

Id quoque à Papa sumisit Grallator, qui ex prædicatoribus & rectoribus facit *speciali jure sanctos*, quibus *solis ex vocationis prerogativa*, possibile ac licitum sit, *formaliter ecclesiastica* obire, quæ aliis, maxime politicis, non liceat tangere sine Sacrilegio. Hanc fastuosam sanctitatem & præminentiam, pastorum ecclesiæ; si non tribuo prædicatoribus, ut facit Grallator; dico tamen me non magis accedere ad anarchiam, quam accesserunt sancti Apostoli, qui magna donorum spiritualium copia præditi, ita rexerunt ecclesiam tamen, ut has *specialis juris ecclesiasticas & clericales sanctitates*,

*Elitatus*, ignorarint : qui nullo ætatis, vocationis, dignitatis ac pæne sexus discrimine, ad gravissima ecclesiæ negotia omnes fideles admitterent ; tam parum pertinaces sui *specialis juris*, ut quasi modestiæ certamen edentes ; re sic postulante, regerent regerentur, præessent subessent, docerent discerent, mitterent mitterentur : hoc Apostolicum regimen, ab anarchia absuit semper & tyrannide : id displicuit Papæ, qui proin, anarchiam vitare volens, in tyrannidem devenit : pari spiritu agitatus Grallator, confusionem & contemptum ministerii se vitare velle obtendens ; in Walachria quoque tyrannidem cæperat exercere ; ut jam speciali jure ecclesiasticæ sanctitatis turgens, inciperet, prædicatoriam, Sacramentariam, vocatoriam, nomotheticam, judicariam, & imprimis censurariam sanctitatem, arbitrariam facere ac venalem ; nullius jam, ne magnatum tergo parcens, quin omnibus, ex ecclesiastico suo tribunali, vim inferret, & injuriam.

Sed Bombat iterum Bombomachides.

Laren. Epist. 2. pag. 13. exclamat, *increpet te Dominus ô scelestum os, inflammatum à Gehenna !* Mend. 33.

Quæ stix unquam acutius ? attamen quid causæ ? quod tam superbe — illa se jactat in aula Æolus — ille ? *quia scripseram inquit predicatorum hodiernos obtentu legatarie dignitatis, sumere sibi jus falsa prædicandi, & maledicta in pios Magistratus evomendi. &c.*

Quod non potest negari sine mendacio. Nescio certe, unde illæc nova simulandi religio, nunc occupavit Bombomachidem, ut quod in ore est omni populo, is solus (peregrinus in Israel) ignoret: quoties dicendum est ? Grallator Walachrus cum suis Mittelburgi clamavit se esse, Autoritativum Christi legatum, speciali jure sanctum : inde audaciam sumpsit maledicendi & imperandi Magistratui suo, & principibus fidelibus ; dicit enim eos ratione Magistraturæ, esse tantum *accidens ecclesiæ separabile ; bioticos, carnales, naturales*, dicit eos esse *viliora vel vilissima membra*, immo nihil in Ecclesia. vocat eos ex suis principiis ; *tyrannos, Simoniacos, Pappas & Antichristos politicos*, si architectonica qua pollent potestate *res Ecclesiasticas audeant obire*. Applicat in eos testimonium Jacobi. 2. quod de impiis divitibus loquitur, & quos dicit fuisse oppressores Christiano-



*stianorum* , quibus in *Ecclesia* *assurgere* , & honorem exhibere , vetat : comparat eos *Tisia Regi* , quem lepra percussit *Deus* , ac *Sacerdotes* ex templo ejecerunt ; denique cum suo *Calderwood* ; assimilat illos *Servo dolofo* , à quo monet ecclesiasticos tanquam equos *Trajani* generosos sibi caveant , neu tergo eum facile recipiant ; ne tandem equidem dorso aut frantum ore nequeant depellere ; hæc & similia in centonibus reperiri sæpe annotavi ; quibus omnibus subscripsit *Classis Walachra* ; & tanquam *Legatus* ab latere , primus *Bombomachides* : quam anile est hæc nunc ignorare ? quæ si legataria potestate potuit scribere *Grallator* , & approbare *Classis Walachra* ; quis jam nisi oculis captus , non videt ? prædicatores esse , qui jure legationis *Christi* audeant convitia in pios principes evomere ? quod *Bombomachides* tanto clamore negat.

Sed jam mentiatur iterum *Grallator*.

pag. 87. *Arillator* (inquit) negat in *Mend.* 36 cultu *Levitico* fuisse quadam moralia , & perpetui juris ac communia *Novi Testamenti Ministris* , imprimis ; præcisam separationem , ecclesiastici & politici muneris , & ministrorum qua sub *Levitis* fuit : quod *Reformati*

*omnes affirmant.* Multiplex iterum mendacium !

Primo in hoc mentitur quod statum quæsitum pervertit. Tam absuit ut *nil perpetui*, in Levitico cultu fuisse asseram; ut potius, contra Grallatorem defenderim; usum concentus Organi, & publicæ Psalmodiæ, multaque alia, ab Judæis ad nos transiisse: quod cum ipse in centonibus exploderet ( ut judaïsmum refodere ob id magistratus suos clamaret ) ostendi contrà, multa ab Levitis mutuari posse, sine nævo: sic tamen ut asseram, non esse Walachri iudicii, præcise determinare; quatenus extendi possit illa Judaïsmi mutatio; ac ubi debeat terminari: unde evincebam temerarium esse Grallatorem, qui Judaïsmi perpetuitati illic infestus, tam superbe Rhadamantizaret, Judaïsmum refodere, quotquot concentum organi, ad Psalmodiam admittant. ut illic propugnarit aperte; quod hic in me oppugnat. Pari modo hallucinatur in defendenda distinctione inter munera ecclesiastica & politica ac ministros, quæ fuit inter Levitas; quæ nunc quoque vult perpetuari. Nusquam certe in Grallis inveniet ab me defensum; non posse aut debere inter se, *distincta esse hæc munia*;

*munia*; quorum singula totum hominem requirant; quod ab Levitis nos mutuari, Judaizare, neutiquam est: & ab orthodoxis ubique defenditur: de hoc nulla quæstio est.

Sed utrum *munia cultus nostri, tanta præcitate debeant esse separata a politicis, ut olim Levitica templaria? qua speciali jure sacra & formaliter ecclesiastica*, expressa lege divina, conveniebant solis Levitis; sic ut ab aliis stirpibus, nullo prætextu, aut conniventia potuerint obiri, sine mortis periculo. Hanc *præcisam separationem Orthodoxi* non defendunt; sed Papa excogitavit, & ab illo mutuatus est Grallator; quam ostendi in Grallis esse puerilem & futilem: vel hoc solo argumento: quod omnia *hodierni Choragii negotia*, etiam sub ipso Levitarum præciso cultu fuerint, non *specialis sed communis juris*. Ut hic iterum appareat mendaciis lectorem pasci ab Grallatore. Prodeat iterum Bombomachides.

Larenus Epist. 2. pag. 13. 14. dixeram in Grallis impostores esse & committere crimen læsæ majestatis, qui hodie se Christi legatos nuncupent: tam amplum esse Christianitatis privilegium, ut ab hodiernorum sacrorum administratione nemo qui

Mend. 37

donis instructus sit, excludatur, nisi ob *ordinem & decorum*: ad quæ Bombomachides: *an non est hoc omnes fideles ministros per totum orbem, veros Christi legatos horribiliter infamare? quid audio? dic mihi inepte Magistratum parasitaster! quia omnes sumus sub Christo Reges, an unicuique, si dona habeat, licebit involare in munus Regium! sic tumultuatur Vlissingana Herodias! sed mentitur.*

Si legisset Gral. pag. 37. quam citat: vidisset me non omnibus ministris convivium facere, sed Walachro-papistis; scripsi enim, gloriantur *Apolloniani*, se Christi legatos esse: unde apparet me non omnes totius orbis, sed solos Walachros & Apollonianos legatos perstrinxisse, qui Antichristi fastu turgidi se veros Christi legatos jactant, ut qui illos audiat Christum audiat; qui illos rejiciat, Christum rejiciat; quales hodie nulli sunt, quia defectus est in vocantibus & vocatorum donis. Qui enim vocant & mittunt, tenentur habere spiritum discretionis infallibilem. Qui vero mittuntur, cognitionem veritatis omni errore destitutam. Adeo ut perpaucos præter Bombomachidem & Walachro-papistas esse autem, inter pios ministros, qui non fateantur, admodum improprie titulum

tulum Legati sibi convenire.

Alterum mendacium est. Quod me fingit, Magistratum Parasitastrum esse; quia non assentiar Legatariis ejus ineptiis: quid enim magis ridiculum? quam Principibus persuadere, quod negotia *Hodierni Choragii*, quæ vocant formaliter Ecclesiastica, tam speciali jure sanctitatis, conveniant, prædicatoribus, uti olim Levitis templaria sacrificandi negotia, quibus si audeant manum immittere, & se immiscere pii Magistratus; statim morte, aut Ufiaca plaga sint plectendi, aut Dathanis in morem, hiatu terræ absorbendi: Cornelii Brugensis gunomastigis illæ fabulæ sunt, mendaces & futes; is cum vellet mulierculas imbuere reverentia fictæ suæ disciplinæ, solebat (ut aiunt) iis ex scripturis prælegere quidquid, de virgis & corporali pœnitentia, alibi inveniretur, quæ sædo suo proposito, ita aptabat, ut multas stolidas talibus artibus, suæ concupiscentiæ manciparet: tales politicos invenit & fecit Papa: qui tanquam Hermaphroditæ, & (ut Joannes prædixit) veluti pecora se subjiciunt meretrici illi Romanæ; apud Reformatos, si idem quærat Grallator cum Bombomachide;

chide ; injurium est , nec unquam si possim id committam ut inveniat vel faciat tales ; neque hoc erit parasitari Principibus ; sed sacram & Regiam viam ostendere , quæ in sanctis scripturis præscribitur ; ex qua discant , sui officii esse , in omnia hodierni Choragii negotia inspicere , nullis abstinere , aliqua specialis juris aut sanctitatis reverentia : sed omnibus ecclesiasticorum negotiis præire , præesse , ac ita providere : ne ( quod in Walachria tentatum est ) sacrorum tractandorum ficto prætextu , sacra religionis conculcentur , & pii Politici in muliebre servitutem ab ecclesiasticis deducantur.

Unum restat explodendum , in quo se venustum putat Bombomachides. Nimirum , quia in Grallis dixeram nos omnes nunc sub Christo esse Reges & Prophetas , ac inde politicis Christianis licere ecclesiastica negotia obire : quærit an quoque putem omnibus Christianis inde licere involare in Regia munia Principum ? Si verum putat esse hunc logismum Bombomachides , errat & mentitur : quia nos omnes per Christum Reges quidem sumus , sed Spirituales , quibus expresse imperium interdixit Christus , quam differentiam si  
**Bom-**

Bombomachides in scripturis non viderat, poterat eam ab Grallatore didicisse, qui aperte clamat in Centonibus, Spirituales Reges seu ecclesiasticos non debere se immiscere seculi & Regum negotiis. Sed jam loquatur iterum Grallator.

Epist. pag. 88. 89. *quærit an officia hodierni Choragii, sub V. T. fuerint communia & omnibus concessa? affirmat adversarius noster, (inquit) ab reformatis contra defenditur.* Mend. 38  
Mendacium est!

Primo quia ex antedictis constat & passim ex Grallis, hodierni Choragii functiones sub Levitis speciali jure sanctas non fuisse.

Secundo, quia ipse Grallator fatetur de Sacramentorum administratione V. T. Theologos variare:

Tertio, quia ex novo Testamento probari nequit, Sacramentorum administrationem solis Ecclesiæ pastoribus demandatam esse. Quod asserit quidem Grallator, non probat.

Quod autem ait me mulieribus concedere baptizandi licentiam cum Papistis, solito more mentitur. Syphoram Sacrilegium commisisse nego, cum filium circumcideret, neque id reformati asserunt.

Sed

Sed jam ultimo bombat Bombomachides.

Mend.39 Laren. Ep. 2. pag. 10. exclamat, *ô os blasphemum! quam turpiter & scurriliter luxuriat in consequentiis formandis? pudet repetere, homo vere Dei reverens ita irreverenter de sacris audebit loqui?* inquit.

Ita nunc in Walachria

*Lamentis gemituque & fœmineo ululatu*

*Tecta fremunt. ——— qui sic?*

quia fictis sanctitatibus Walachris stercora illeverim! miror ne hic ipso Spiritu Sancto prudentior iterum esse velit & modestior Bombomachides! is enim Malach. 2. 3. Sacerdotibus impuris minatur, *Sparsurus sum stercus in facies vestras. Stercus Sacrorum vestrorum.* Loquitur de sacris, quæ Deus ipse instituerat; cujus circumstantias corruperant; hæc corruptela coegit Malachiam, ut stercorei ea compararet; an illi prophetæ quoque scurrilitatem imponet? ut alibi Paulo Blasphemiam? an in me scurrile erit quod talibus affimilem sanctitates fictas! consequentiarias papisticas, quibus nec substantia, nec accidens sanctitatis veræ inest? dixi in Grallis omnem veram sanctitatem religiosam terminari Dei instituto; unde sequitur sanctitate religiosa carere, quidquid ab Dei institutione recedit; quan-



quantoque longius inde receditur ; tanto magis à vera sanctitate ad profanitatem abiri : unde fere accidit illis consequentariis sanctitatum architectis, ut loco sanctitatis prophanitatem, & pro religione vera Superstitionem & Sanctitatum sordes, credulis & superstiosis obtrudant : turgebat certe Grallatori animus desiderio fingendi sacra specialis juris per consequentarias dependentias ; quem factum uti excuterem, nil consultius erat quam ut stercus illud sanctitatum ei in faciem conjicerem, & ostenderem, quod consequentaria deductione sanctitatum tandem deventurus esset, ut lutum, sordes, & stercora pro sanctis posset obtrudere: si enim hoc fundamento stetur : ob principalis rei à Deo institutæ sanctitatem, in sanctitatis consortium quoque venire, quidquid ad illam principalem rem sequitur necessario ; tum certe sancta erunt non calcei prædicatoris modo, sed lutum & stercora sine quibus ob viarum spurcitiem, impossibile sit, prædicatorem, ad prædicationem devenire : cujus spurci consequentis obtutu, si saperet Vlissinganus, potius debuisset indignari suo Grallatori, & scurrilitatem exprobrare ; ut à fingendis consequentariis sacris eum absterre-

sterreret : quod ego hoc absurdo consequentiaro unice intendi , liberrimus ab omni scurrilitate. Papæ Romani hæc ars est , quam ab diabolo suo patre mutuatur ; quod non contentus veris & a Deo constitutis sacris , consequentiaro ductu homines superstitiosos cogit tandem stercoreas spurcicies pro sacris veris accipere ; sic quia Petrus fuit Sanctus , Papa quoque ejus successor , quamvis spurcissimus , habetur pro sancto. Et quia Papa , etiam sancta fit ejus vestis , domus , conclave , clavis & quidquid ad eum pertinet : ut ne quidem veneream luem ita redoleant unquam ejus pedes , quin pro magna sanctitate consequentiaria habeant , politici Androginae & Reges , si eos cum reverentia osculentur. Quam consequentiarum sanctificationem , prævidens aliquando morio , cum cerneret regem suum pedes Papæ osculantem ; dicitur propere aufugisse , metuens , ne posteriora Papæ osculari cogeretur , suspicans ea quoque ex consequenti sibi sancta fore : ita fere superstitiosis illudit Satanas ut quotiens se à veris sanctis abduci patiuntur , ad spurcorum venerationem eos deducat , ut in Papatu visum est. Ubi non Monachorum modo stolæ , caputia , interulæ , fætida fe-

da femoralia & quid non ? pro sanctis habentur ; sed eo protrahitur consequentiaria sanctitas , ut , vulgaria virgulta , asinorum caudæ , furum canumque ossa , vulcanorum clavi , & omne genus spurcicies , pro sanctis adorentur : cui malo remedium ponere volens, Walachro illi novarum sanctitatum fabro non aptius occurrebat , quam ut spurcitiem statim objicerem , in quam tandem consequentiaro progressu se suosque esset deducturus. Sed jam ultimo quoque Grallator mentiatur.

Ep. pag. 90. *Negat noster profanus* (inquit) *ullam sanctitatem functionibus ecclesiasticis inesse , merum esse figmentum asserit , & papisticum fermentum , ecclesiæ negotiis , peculiarem quandam sanctitatem tribuere. Profano Grallatore dignum mendacium !* Mend. 40

Totis enim quæ citat capitibus de *Sanctitate & Spiritualitate* , ac tractatu singulorum Choragii membrorum, ostendi in Grallis ; sanctitatem esse in veris religionis nostræ negotiis , ratione *Authoris & finis* ; sed disparem fere in singulis ; præsertim ratione *modi* quo hodie tractantur : ita ut nec ipse ecclesiæ negotiis , nec iis qui ea hodie tractant , sit ulla *Specialis juris Sanctitas formalis* , & non tangenda ab aliis piis : qualis olim

olim erat in Levitis, & templariis negotiis, quæ præcisa lege Deus segregaverat : Hoc dixi esse papisticum commentum, eo fine excogitatum ; ut hac speciali sanctitate, clerici, se redderent immunes ab imperio mundano, & politicos absterrent à contactu suorum sacrorum : quod inventum videmus Papæ conciliaſſe imperium in ecclesiam & mundum : cujus desiderio tactus Grallator, in centonibus suis, hanc fictam sanctitatem late quoque protelaverat ; sed in Grallis admonitus, coactus est, eam tanquam Penelopes telam retexere furenti similis, nil quam mendacia inveniens quibus sua commenta suffarcinaret.

Atque hæcenus ad quadragenum numerum capitalium mendaciorum, excrevit mentiendi sæcunditas Walachra ; in infinitum excretura ni finem hic ponerem : unde nunc desinam numerare, quia sufficienter ac fatis jam detexi, utriusque Ajacis Vereani ac Uliſſingani affinitatem cum mendaciorum architecto diabolo : non tamen pari propinquitate ; sed per gradus : ut primogenitus Satanæ maneat, ac sit semper, Antichristus magnus Papa Romanus ; cujus nothus vel filius naturalis sit Grallator ; inter nepotes ultimo numeretur Bombomachides.

chides. Sed jam restat ut ineptias ac nugas Walachras ultimo proponam.

### C A P. III.

## De ineptiis Walachrorum.

**N**on est Uniformis aut compar, sed multiplex Walachrorum Theologorum inscitia: ut tædiosum fuerit, sub uno titulo Lectori omnia repræsentare: passim delirant, passim mentiuntur, passim ineptiunt; unum cum noris, omnia noris. Attamen ne molestum sit, idem quasi semper audire ad nauseam; sub diversa specie ac forma repræsentare singula visum fuit; ut deteriso tædio, primo furores & deliria, dein falsitates & mendacia, ultimo nunc futilitates, & ineptiæ prodirent.

Quarum primam non immerito statuam, Prima Ineptia.  
quod hi duo bellatores mecum concurrere volentes, de re tanquam gravissima, ridicule inter se deliberant, ut Thraſonicam ferociam ostentare plebi volentes, metum ita prodant, ut non injuria illud Turni in loquacem Draucem, aptem utrique  
\_\_\_\_\_ an tibi Mavors?

Ventosa in lingua, pedibusq; fugacibus illis,  
Semper erit.

L

Dede-

Dederat certe magnæ rei spem Bombomachides ; venturum esse Grallatorem, qui argumentis solidis, quasi gravis armaturæ dux, omnia prosterneret : tam confidens pollicitator, ut fateretur se disputare nolle, sed abrumpens suam epistolam, monet suum Archistrategum, ut maturaret suam responsionem : quasi is Sofia pugnos jam ponderaret Grallarum Authorem exdosaturus : attamen quam fallimur ! prodiit multo post ille Poliphæmus, nil quam convitiis sentinam exhaustiens : tam insanam, & falsam, ut totis capitibus vix dignè expressem : de controversiæ statu, tam timide tam strictim agentes uterque : ut licet, naso, fronte, & auribus, acerrime à me perfrecti ; de fuga magis quam pugna circumspèctent. Non est quidem Thraconicæ jactantiæ ubique inanis, dicit Ep. pag. 68. *accurate omnes anonymi objectiones dissolvere levissimum foret ;* ad rem tamen veniens pag. 11. *Nobis cum hoc scurra non est disputatione disquirendum ;* ait : cui venuste accinit tanquam cuculus Bombomachides Ep. 2. in præfatione dicens, *prorsus tuæ reverentiæ assensio, non esse cum larva decertandum, alibi quoque exclamans, hei mihi quod cum hoc antagonista copulatus sum !* quid igitur ?

Grall-

Grallator Ep. pag. 75. *petit à Bomboma.* Inep. 1.  
*chide, ut dimisso Grallarum fabro, sibi liceat,*  
*cum Philadelphia, humili modestia, & pia*  
*quiete, de his quaestionibus agere: lepide! ut*  
 nimirum Grallator, quasi pirricharius, ar-  
 tem Saltandi primo ostendet; dein vicissim  
 Bombomachides, Ascoliasmum puerilem,  
 uno pede saltitans, ludat: ac sibi mutuo  
 dein applaudant ludiones. Ni malint ter-  
 tium sibi advenire, qui tanquam brabeutes,  
 præmiis utrumque ornet. Tam ridicula  
 certe hæc fuerit Chyronomia: ut ipse Bom-  
 bomachides, præfationis loco citato, id  
*consilium improbet: non enim arbitror id serio*  
*ita fieri posse inquit.* Serio? quin potius hæc  
 legenti statim obversata est Thrafonis fa-  
 bula: ubi is in Eunuchō non aliter cum suo  
 Gnathone deliberat, de expugnanda Thai-  
 de. Cujus belli finis tandem fuit, *jā du-*  
*dum animus est in patinis.* Hic se videant  
 Walachrus uterque bellator. & sic transeat  
 nunc hæc prior facetia.

Secunda ineptia est quod Epist. pag. 13 Inep. 2.  
 & 14. discrimen facturus inter politica &  
 Ecclesiastica negotia, statuit, *poteſtatem po-*  
*liticam habere authorem, Deum regem gen-*  
*tium & omnipotentem creatorem cali & terra:*  
*Ecclesiasticam vero Christum regem & media-*  
 L 2 torem.

*tores.* quæ futilis ineptia est! quæram enim an non credat verum esse, quod ex 1. Cor. 15. in Grallis annotaram? Christum post ascensum in cælos, ut Theantropon, obtinere dominium, in toto orbe, sic ut Pater depositum imperium illi uni tradiderit, quam diu mundus stabit. Unde sequitur fictum & futile esse discrimen, quod venatur inter Politicam & Ecclesiasticam potestatem quæ hodie est: quia ex hoc Apostoli loco concedere cogitur, utramque à Christo mediatore exaltato emanare, ac proinde authore non differre, quia hodie unus & idem Christus rex est ac dominus Politicæ & Ecclesiasticæ potestatis. Sequatur alia ineptia.

Inep. 3.

Differunt hæ duæ potestates inquit. *Materia; quia politica potestas consistit Sceptro terreno, & imperio gladii: at Ecclesiastica, clavibus cali.* Mera ineptia!

Futile certe est, tam calcatam in Grallis crambem iterum apponere: paucis jam repeto. Claves Apostolicæ quibuscum Christus Petro & Apostolis solemniter dedit veram & absolutam jurisdictionem ecclesiasticam, desierunt cum Apostolis. Unde constat futile & ineptum esse differentiam querere velle, per rem, quæ non sit amplius.

Fateor



Fateor in Catechesi prædicationem hodiernam & censuram, clavium nomine indigitaris; sed improprie ac æquivocè. Neq; ququam reformatū, cum Grallatore ita insanire arbitror, ut putet eam potestatem & jurisdictionem adhuc hodie ecclesiasticis superesse, quam Christus Petro & Apostolis dedit. Solus Antichristus Papa is est, qui hoc jure ita superbiit, ut ex clavibus Petri fecerit, sceptrum & coronam triplicem; quod Grallator quoque tentare cæpit, per suas claves: non vulgaribus modo Ecclesiæ membris, sed ipsi pio magistratui cum autoritate leges præscribere volens, etiam in politicis. Unde nunc statuo claves quidem in ecclesia remansisse, sed non tales quæ materialiter differant, à materia civilis imperii. Quia politicus Magistratus, præsertim si pius sit, ad coercenda mala, non tantum utitur gladio, virgis, & flagellis, sed sæpe etiam verbis: non comminatoriis tantum, sed blandis quoque; atque ea ratione à vitiis ad virtutes abducit delinquentes.

Ep. p. 15. *Differunt forma inquit. Civilis* Inep. 4.  
*potestas est Archiæcclonica, & despotica; sub*  
*Deo; Ecclesiastica vero Diaconica sub Christo.*  
 Futilis ineptia!

Constat enim ex loco Pauli 1 Cor. 15.  
 utramque potestatem Christo exaltato im-

mediate subiacere. Deinde evidens est, Architectonicam potestatem forma quidem distare à ministeriali aut suasoria, cum architectonice exercetur; tamen non ita differre, quin is quoque qui potestatem Architectonicam possidet, quædam suasorie præcipere ac agere possit & sine imperio: quia Architectonica Suasoriam non excludit, sed includit, ut superior inferiorem.

Inep. 5. *Differunt sine inquit, finis supremus civilis potestatis est gloria Dei omnium gentium regis; Ecclesiastica potestatis finis proximus & immediatus est, gloria Christi mediatoris exaltati &c. remotus Gloria Dei est. Mera iterum futilitas!*

Cum enim politica potestas Christo exaltato immediate subordinata sit; Sequitur politicam non aliter quam Ecclesiasticam Christi Gloriam intendere debere.

Inep. 6. Ep. pag. 18. *Differunt effectus inquit: quia politica potestatis effecta sunt leges, statuta & pena civiles; at Ecclesiastica potestatis sunt, prædicatio verbi, administratio Sacramentorum, determinatio controversiarum fidei: Canones ordinis, electio & depositio ministrorum ac censura. Mera futilitas!*

Quid enim ineptius esse potest? quam eundem coccismum ita resonare, qui Grallis  
fatis

fatis est explosus; ostendi enim in Grallis atque hic iterum, hodierni cultus externa negotia, non esse speciali jure sancta, & proinde à Magistratibus piis, qui scientiæ donis instructi sint, obiri posse sine Sacrilégio; idque Synodorum decretis ac statutis ratum esse in nostro Belgio.

*Differunt objectis* inquit. *Civilis imperii objecta sunt* τὰ βιολικά *res hujus vitæ; Ecclesiastica jurisdictionis objecta sunt illa quæ ad Deum pertinent &c.* Mera quoque ineptia ac jam sæpius refutata. Circumcisio enim non erat res hujus vitæ, sed sacra & religiosa; hanc tamen non Levitis, sed Josuæ commisit Deus. Prædicatores mittere cum libro legis ad prædicandum non erat negotium civile, sed Sacrum; Pius tamen Josaphat prædicatores misit cum libro legis ut prædicarent.

Inep. 7.

*Differunt Correlatis* inquit: *Magistratus civilis correlatum est, subjectus populus una in republica. &c. Ecclesiastica potestatis correlatum est, populus unam in Ecclesiam Sacra societate, & Spiritualis communione adunatus. &c. futilis ineptia!*

Inep. 8.

Est enim Magistratus correlatum Republica, & Ecclesia in republica, quam ut Magistratus in Republica habeant, curare

tenentur, tum per se, tum per Ecclesiasticos.

Inep. 9.

*Ultimum discrimen ponit in adjunctis variis harum potestatum, quæ utrisque non possint esse communia. Unde putat Specialem diversitatem oriri; sed meras ineptias fundit.*

Scribit pag. 21. *Jurisdictionem civilem aliquando uni convenire, sed Ecclesiasticam non uni sed unitati tributam esse; mera futilitas! quis enim ignorat Christo in terris superstitæ jurisdictionem penes unum fuisse; & Joannem Apostolum in Ecclesia summam potestatem habuisse, quando is tandem omnibus Apostolis supervixit: immo si hodie talis adhuc superesset, primatum merito in ecclesia obtineret. Ut certe stolidus sit Grallator, qui summam unius jurisdictionem, tam pròcul ab ecclesia amandatam cupiat. Utcunque enim jurisdictio Ecclesiæ penes totam ecclesiam sit, Actor. 15. potest tamen præcipuus ejus vigor apud paucos vel unum residere. 1. Cor. 5. 3. 4.*

*Nec minus futile est quod ait, delicta quæ ecclesia puniit, non puniri nisi post admonitiones & in casu contumaciæ vel impenitentia, atque in hoc, modum puniendi ecclesiasticum differre à politico; Meræ nugæ! quia certum*

certum est Ecclesiasticos censores pœnites non raro punire ; si quis enim Ebrietate , Scortatione , adulterio vel alio gravi delicto peccet , etiamsi pœniteat , censura tamen & pœna Ecclesiæ affligitur : atque hic suam praxin videat Grallator , & imprimis Theodosium Cæsarem ! an non is pœnitebat ? cum lachrimis suum factum defleret ? attamen cum inter Clericos post pœnitentiam sedere vellet ( ut gloriatur Bellarminus ) Ambrosius iussit eum stare , & non desit eum vexare ; quam extorto primum hoc decreto ; quod Cæsaris Iudicia , post id tempus , irrita essent ante trigesimum diem post sententiam ab illo latam : hoc scilicet erat pœnitentem non punire ! Jam si pœnites tam acerbe tractantur , annon mentitur Grallator ? sed dicat ecclesiam non punire nisi impœnites & contumaces ? quis stuporem illius nugonis hic non miretur ?

Secundo Politici pœnites non semper puniunt ; sed lenius crimen aliquando condonant spe correctionis.

Atque hæc quidem sunt astrales differentiae quas ponit Grallator , inter ecclesiasticam & politicam potestatem ; ad quarum  
serium

serium examen me invitât , scilicet pag. 22. Epistolæ suæ, non minus ineptè ; quam si flagitet , ut in sterquilinio Iesuitico ( ex quo fere omnia depromsit ) aurum vel staten quæram : si hoc tam facile persuasit Suis Walachris , & imprimis Bombomachidi , sciat in Frisia aliter Catulos quam Sues olfacere. Nunquam tam authoritativè apud nos de his garriet , quin , ut nugas ac ineptias exhibilemus.

Inep. 1c. Id utrique Walachro vernaculum est , ut in convitia mirificè luxurient ; cujus rei indignitatem carpès, in Bombomachia, Bombomachidi objeceram ante oculos congestum convitiorum , quæ in me effutierat in prima Epistola ; ut sperarem malum illum morem in illis corrigi posse ; dederat spem in prima Epistola Larenus ; admonens suum Archomysten , ut ab convitiis abstineret : tam quoque compositus ad gravitatem orditur Grallator suam Epistolam , ut pag. 6. & 7. dicat ab sua conditione alienum esse, *convitia convitiis retaliare*, Ethnicorum & Christi , ( absit Blasphemia ) exemplum adferens , qui convitiis affectus , non vicissim convitiabatur , inquit. Et tamen , qua est impudentia , non modo Calumniarum & & falsarum blasphemiarum , in me , portenta

tenta passim effutiit, sed sola pagina quinta; componens ad cantum maledici Organi sui tibias, pleno ore in me effundit: *Orbi exhibuit hic mendax, teterrimum monstrum* (inquit) *ex inscitia, arrogantia, vanitate, virulentia, impudentia, mendacio, & maledicendi studio conflatum.* Et vix recollecto gutture, *tantum stultitia, tantum arrogantia, tantum fuci, tantum stoliditatis, tantum nequitia scurrilis, tantumque impie malitia* mihi in os objicit; ut vel mentem illi excidisse credendum sit, qui quid convitari sit ignoret; vel Christi Sacrorumque reverentiam deesse, cujus præcepto exemploque tam aperte contrarietur: quasi ad alios terrendos quidem valeant sacræ leges & piorum exempla, ad mystas nil pertineant, nisi quatenus illis integrum sit ad ostentationem abuti. Quod in duobus illi Walachris aperte videre est: ut hic quasi grande scelus, *maledicentiam* in me vituperent; in seipsis vero vel non videant, vel ut virtutem laudent: ut vel apertis verbis Grallator dicat Ep. pag. 8. *Saviit in discipulos Christus, sed pietati datur quod saviit* (quantum abest obsecro hæc phrasis à blasphemia) *sic pietas non ingenium me vehementem facit: si quid fuero stomachatus, non admodum me paritebit* inquit:

inquit : an aliquid Sancti sacrique esse credimus , illi Mystæ , qui apertissimorum mendaciorum , & convitiorgum farraginem scurrilem , insane eruclans ; se maledicere negat , immo venerando Christi exemplo , suum scelus ornat , ut se non aliter sævire dicat quam *Christus ipse sæviit* ? cui non Christi , pietatisque reverentiam excutiant , tales ventriloqui ? Id viderat Bombomachides , qui in præfatione Epist. 2. proin hanc infamiam conatur diluere. *præfagit mihi animus inquit, quod quidam existimaturi sunt, utrumque nostrum, nimis acerbè in hunc Anonymum inveclos esse, & convitia convitiis retaliasse* : Beta certe sit qui id non sapiat ! attamen quid ille ? *si quid paulo durius dictum sit inquit verbum, nobis humanitus excidit : non sunt convitia, ingens hic discrimen ! Sed quid ? reprehensiones, redargutiones, ad correctionem directæ, ait: tanto abest, ut hic modum exceßerint, ut potius culpandi sint, lenitatis & lenitudinis quod non acrius sævierint: ac ut videatur parem esse utrique Theologiam: addit, nisi sic statuamus, quomodo Theopneustos ab hoc crimine poterimus vindicare ?* ὦν ! ac mera blasphemia est quam illi curiones effutiūt, tam spurca; ut ipsi gentiles indigne tulerint, si quis ab diis peccandi licentiam fume-



sumeret ; aut moribus sibi pares Deos facerent. Ita in Amphitruone nugabatur Sofia :

Credo equidem solem dormire , atque appotum probe. non ferebat hoc Mercurius personatus Sofia , sed eum increpat *an verbero ? Deos esse tui similes putas ?* non modestius Wálachrus ille uterque ab Christo & Theopneustis, suæ maledicentiæ patrocinium quærunt ; corripuerunt illi acriter , fateor, peccantes ; sed sic ut quos & quomodo perstringerent , nunquam aberrarent : uterque ille mystagogus , indigno modo maledicunt , & indignis : quis Theopneustus obsecro docuit Grallatorem illa Spiritualia verba ? *Scurra , Spircus nebulo , rabidus rabula , scelestus ;* & similia : quem bombendo imitatur Bombomachides ( uti in Bombomachia adnotaram p. 29 ) passim colocizans ; *convitiatorum hamaxarium : lingulacum , Arillatorem , scurram , sordidulam nitedulam ,* & quod nunc — *medios intercinis ætus :* ô os scelestum ! inflammatum à Gehenna ! ô os Blasphemum ! & innumera talia : quorum phrasiologiam ex Judæorum , gentium & maledicorum Jesuitarum scriptis eos converrissè evidens est ; ut frontem nimis perfricuisse pateat illos Archimandritas , qui tam turpium eloquiorum ,  
patro-

patronos sibi sumunt Christum & Theopneustos, quos constat ab omni turpiloquio longissime abfuisse. Quibus id quoque peculiare fuit, quod non nisi notos & merentes carperent: uterque Walachus, maledicunt ignoto, & immerenti. Vlissinganus fatetur, se ignorare authorem, cui tamen tacite maledicit: Vereanus gloria-  
tur se probe nosce, sed delirat: quisquis sit; cordati vident, & ipsi credo Walachri sentiunt, (quidquid dissimulent) nimis verâ & utilia ecclesiæ me dixisse: & tamen si Walachrum utrumque hunc audias; non maledicunt, sed Christum & Theopneustos imitantur, dum profanissimæ maledicentiæ sentinam exhauriunt: quis non suspicetur, talibus vel mentem deesse, vel sacrorum reverentiam? quis non videt magni Antichristi Papæ Spiritum spirare illos Papulas? is peccando non peccare creditur; quia ecclesiæ caput est & peccatorum dispensator: unde sibi jam liberaliter dispensat, ut mentiatur, pejeret, furetur, scortetur & nequam sit per omnes casus, tamen ob Cathedram semper maneat Sanctus: à quo quantillum absunt illi Walachri? qui licet maledicorum vere columnæ sint, maledicos se censerî nolunt, ob suggestum,

stum, an pallium authoritativum? obscæ-  
na certe hæc est ineptia! Sed sequatur alia.

Larenus Ep. 2. pag. 56. & 58. *pernego  
me illi vel minimum convitium fecisse: an huic* Inep. 11.  
*homini licebit, horrendis modis sancta Christi  
instituta blasphemare, ministris convitari,  
honestissimorum virorum famam ledere, &  
nobis non licebit eum fame furem appella-  
re? cui accinit Grallator. Ep. pag. 8. si ali-  
cubi videor stomachantior, expendere decet un-  
de stomachus ille oriatur &c. saviit in discipu-  
los Christus & pietati datur quod saviit. Mera  
ineptia! persuaserant ante, Christi exemplo  
non esse maledicendum, etiam ad maledi-  
cta: de quo tam submisit balavit Grallator  
Epist. pag. antecedente; ut credas ἀνέγνω, &  
& columba simpliciore esse: sed dein-  
ceps aliam viam incedunt, & ex Walachra  
Theologia hoc statuunt; sibi licere rema-  
ledicere; quia ego maledixerim prior: fa-  
teor humana lege hoc licere! Sed nemo  
non videt eos jam Christi divinam mode-  
rationis legem & exemplum transsilire,  
de quo tam pueriliter inter se gloriabantur:  
ac ne quidem humanam talionis legem ac-  
curate servat Bombomachides; quod ita  
indignetur aures sibi & Grallatori perfri-  
ctas, quia id nosce poterat, quidquid in  
Grall-*

Grallis, male audierit ejus Archimyſtes;  
*Reſponſum non maledictum fuiſſe, quia leſe-*  
*rat prior.* ( ut habet Comicus ) is enim ab  
 Cl. noſtro Vedelio ne verbulo læſus, ac  
 ne per ſomnium illi cognitus; maledicen-  
 tiæ ſpecimen primus in illum edidit; cujus  
 honori poſthumo indigniſſime læſo, cum  
 patrocinari vellem; quid juſtius erat? quam  
 ut a me paria auferret Grallator: quod Spi-  
 noſum negotium quia anili incogitantia,  
 arripuit Bombomachides; cur nunc eju-  
 lat, ſi pro meritis quoque vapularit? quan-  
 quam in hoc quoque humanitus delirat,  
 quod putat ſe pro maledico haberi non de-  
 bere, quidquid obſcæni effutiat: modo id  
 conſtet, ſibi primo maledictum eſſe: lani-  
 ficarum & cetariarum eſt iſta Theologia;  
 quæ quotiens verbo feriantur, in dictæria  
 ſtatim ardeſcunt, nulla juſti verique in-  
 dagine: quod ſequentes ineptiæ planum  
 facient.

*Inep. 12.* Laren. pag. 9. & paſſim Grallator: pu-  
 tant ſibi injuriam fieri, quod dicam eos  
 novam religionem, & *Papatum Hierar-*  
*chicum* introducere voluiſſe in Walachria:  
 de quibus Mendacio 6. & alibi latè egi;  
 hoc loco diſputatorem agit, & me inepto  
 dilemmate urget Bombomachides.

*Quin*

*Quin tandem clare enuncia* (inquit:) *Si falsam dicis nostram religionem, cur te reformatum simulas? sinon, cur nostram religionem infamas?* at at! hoc est edossuare homines! vis clare enunciem? utcunque collibitum est; & veram & falsam, nec veram nec falsam. Mirum certe quid Jesaias respondurus fuisset huic Sophistæ! qui cap. I. & passim clamat, *populus meus me dereliquit, à Capite ad calcem nil sani habet, argentum vestrum scoria factum, & pulchra civitas meretrix facta est*: quod ille non dicebat de una insula Walachra, sed toto Israele, & Dei populo. An non merito dixerint Judæi? vel vera ecclesia sumus, cur ergo nos ita accusas? vel falsa; cur ergo nobiscum manes? talia sunt Jesuitarum lemmata, ut alibi videre est in Bellarmino; Si Papa est Antichristus, tum sedet in ecclesia, & vos debetis sub illo manere, aut estis extra ecclesiam. Si papa non est in Ecclesia (inquit) cur ergo clamatis illum esse Antichristum? futiles ineptiæ! quas alibi ut spero excutiam: nunc Vlissinganui Calanticam aptabo, ne in lævam inclinet. Dico in Belgio nostro confæderato, Zeelandia, ac ut spero in Walachria, veram religionem esse, & ab Illust<sup>r</sup>. Ordin. ac piis incolis defendi:

sed hoc quoque aperte dico, & sæpe ostendi; Grallatorem illic primo, ex Jesuitis inprovide Lectis, somniasse; *Specialis Juris Sanctitatem Ecclesiasticam*: ac inde tale voluisse excudere regimen Ecclesiæ; ex quo merus tandem papismus necessario oriretur: quem jam Mittelburgi cæperat introducere; sic ut cænæ usum, vocationes, censuras, nomotheticam, & cætera ecclesiastica formalia (ut loquitur) prorsus ab suo commodo & affectu suspenderet: tam ferox, ut tanquam Radamanthus; Ordin. Illustrib. Zeelandiæ, Magistratui Mittelburgensi, & omnibus piis, illic temere insultaret & illuderet, fictæ suæ sanctitatis jure. Hoc dico falsum esse in Religione Walachra & Papisticum fermentum; & nisi ego, Clarissimi Vedelii nostri vicem supplens, perstrinxissem Grallatorem, tota religio paulatim abiisset in papismum. unde jam videt credo Vlissinganus, in paleam diffluere cornutum suum argumentum, nec quicquam male dicere Grallatori & Walachris, quotquot cum eo in hoc sentiunt; quia verum dixi, & in Ecclesiæ ac reipublicæ commodum. An miratur me invecum esse in talem pastorem, qui jam cæperat aconitum, napellum, & ranunculo

clos Sardoos suis ovibus objicere, quorum  
esu , nescii & cum risu sardonio interiis-  
sent? & quia tam imperita Medea erat vel  
botanica illa Vlisſinganus , & aliquot Wa-  
lachri cum illo, ideone famæ furem me cla-  
mat merito , qui Walachris Zeelandis ,  
omnibusque reformatis hoc venenum o-  
stendi? ineptissima hæc ineptia est.

Sed excipit Ep. 2. pag. 11. *Papatum* Inep. 13.  
*ex horrenda idololatria & mortiferis supersti-*  
*tionibus infinitis conflatum esse, ut Christum ab-*  
*neget; qui hoc molitur ( inquit ) is Papatum*  
*introducitur, religionem tollit. hoc Apollonius &*  
*Walachri non faciunt &c. distant à papatu*  
*Hierarchico quantum calum ab inferno. Anilis*  
*iterum fabula !*

Miror certe jam ob ætatem non memi-  
nisse Vlisſinganum nutritionis; & quan-  
tum intersit inter infantem primo natum  
& adultum virum. Nolim hoc credat de  
me quod nesciam quantum distet inter  
Basiliscum jam adultum , & qui adhuc in-  
tra testam hæreat; vel inter lupum , quem  
primo enixa est lupa, ab eo qui jam senescit.  
Misellum est illud animal , quod vel uno  
pede necarit ovis; vel intra testam puer  
suffocarit. utcunque distet ab adulta fera  
iste pusillus embryo, quis tam rerum nescius

qui tamen non prævideat ; ex tali coagulo proditutum tale monstrum , nisi caveatur. Jam hic excutiat veterum Vlissinganus, & videat quam ineptè mentiatut. Fingit Papatum non esse nisi qui plenus sit, quasi homo non sit, nisi qui quadratus vir sit. Egone hoc usquam scripsi, papatum Walachrum, esse plenum & perfectum papatum ? at ego ubique scripsi esse pusillum, pusionem, & pimulum papam Walachrum: qui tanquam puer jam cæperat delectari hierarchicis crepundiis papalibus; nec tamen hoc inficior, si tales nutrices aliquot natus esset, qualem se præbet Bombomachides; qui nutricando papatui illi operam ita ignoranter contulissent; magnam spem vel periculum fuisse, ne tandem excrevisset in papam aliquem novum inter Walachros. non enim nunc contentus erat crepundiis suis ecclesiasticis, sed jam cæperat Illust. Ord. Zelandiæ contemnere & Magistratui suo Mittelburgensi præscribere, quid vel in politicis vellet ab illis fieri: cottidie de suo jure cum illis contendens & quasi bellum gerens: & quia sentiebat *pecuniam esse nervum belli*, novum illud dogma protulerat, de pecuniaria eleemosynari sanctitate; qua Marsupiale Iudæ privilegium tam pene



pene sibi vendicarat, ut non aliter, quam vocatione, jam pecuniaria illa sanctitate illic inciperet gaudere. Ut non mirer, quod ita indignetur Vlissinganus, & in me salivet, quem videt, totam nutritionis testaceam & pultaceam officinam, editis Grallis, quasi baculo discussisse. Attamen velim specillo posthac melius utatur, ut videat inter lentem & pediculum multum interesse; & tamen ex illo hunc certo, ni caveatur, proditutum. Sed alia prodeat ineptia.

Bombomachid. Ep. 2. pag. 10. multum Ine p. 14  
stomachatur, *quod censuram majorem & minorem vocem secundinas Romana meretricis, & exclamat, ô os blasphemum! censura utraque est sanctum Christi & salutare institutum.*

Nil certe opus erat ita tumultuari: nisi enim moniali Calyptra præpeditus cecutiisset, facile in Grallis p. 140. 150. 168. 169. vidisset, me censuram non exterminasse ab ecclesia: non enim disputatum fuit in Grallis, utrum disciplina aliqua esse debeat in ecclesia: ne quidem, an ille censurandi modus, qui in ecclesiis nostris receptus est, debeat retineri? sed utrum à Deo sit institutus. Ego cum multis reformatis piis & Orthodoxis, scripsi humanum esse, quia non extat in scripturis, lege vel exemplo. Amplius dixi,

& nunc Vlissingano in os dicam sine Blasphemia; nil quam Romanæ matris secundinas esse Grallatoris censuram, quam adeo Specialis juris & sanctam esse statuit, ut si illi hanc cum suis Walachris liberam nolint relinquere politici, sed contra tangere audeant vel tentent, Sacrilegi sint futuri. Ostendi enim in Grallis, hoc papisticum figmentum in Ecclesia Romana Antichristum Papam peperisse, & dein Majestatis politicæ mancipatum: quem Grallatorem in Zeelandia quoque tentasse in Grallis edidi. Sed prodeat alia ineptia.

Inep. 15. Bombomachides pag. 20. 21. Multum stomachatur, *me disciplinam tollere, quia non facio eam generalem, à qua nemo exemptus sit, ne principes; quo citat longe exemplum Theodosii, additque me ex illorum numero esse, de quibus dicitur Psal. 2. qui regimen Ecclesiæ & vincula velim rumpere; quarit etiam, an non putem illud, dic Ecclesiæ, pertingere ad Regale fastigium? an Deus sit personarum acceptior? & similia quæ ex anili fuso salivando effudit incasum.*

Nil certe opus erat tam inepte calanticam concutere; si Grallas legisset, facile inde videre illi erat, me ubique verbi divini & legum illic latarum tantam facere dignitatem,

nitatem, ut omnes illi subiectos esse velim:  
 & nemini concedendum sit, ne Papis quidem, jus de illis dispensandi: sunt enim leges Christi Jesu, summi & Unici nunc & generalis Monarchæ. Unde mirari satis nequeo, quod ex me quærat tam audacter, an Deum putem esse *καρσυνολήπτην*, quia velim principes à disciplina Ecclesiæ eximere? Quam mendax sit in hoc ista vetula mox ostendam; nunc tantum vicissim quæram, an non putent Walachri Ecclesiastæ Apolloniani, Deum esse prosopolepten, quod se ita facile Dei legibus eximant, cum constet iis maxime teneri? Christus enim in suo verbo rigide vetat sua statuta contemnerari. At mandatum Dei & Christi esse dicunt, ne quis insigni peccato publice pollutus utatur Cænæ pane. At Grallarum pag. 429. indicavi, ipsos Ecclesiæ ministros Apollonianos, instar asinorum, ita se mutuo scabere, ut vix aliquis tam impurus, pollutus, & improbatus sit, quin facile Ecclesiastica dispensatione aptus fiat, ad omnia sacra sumenda & dispensanda. Annon hinc nodus & quæstio oritur, utrum tales Mystæ vincula Christi rumpant, & ejus mandata contemnant? vel annon magnus personarum exceptor sit Christus,

quod sua sacra à Principibus contemerari nolit, quin virgæ & censuræ ecclesiasticæ se debeant subjicere; ac tam indulgens & negligens sit suorum sacrorum, ut ipsis ecclesiasticis concedat, quotiens libitum sit, & res ita ferat, ut non aliter quam pueriles nugas transilient, conculcent, & contemerent sacrosancta Christi instituta? res enim nunc, edita Lansbergii Apologia, manifesta est, nec occultari potest ulterius ab illis Walachris. Ego certe hunc nodum hætenus non potui solvere, nisi cogitem Apollonianum illud pallium ex tali panno constare, quod potestatem habeat illudendi non hominibus modo sed ipsi Christo. Sed hæc expendenda relinquam Vlissinganui, dum spiritualitatis filum salivando perget longius deducere. Ad politicos nunc venio, & censurariam disciplinam, quam Bombomachides me scribit rejicere.

Scribit pag. 28. in Catechesi nostra *statutam esse majorem & minorem censuram, & nominatim, ab eadem usu arcendos esse quotquot scandalum prabeant, donec resipuerint & emendationem profuerint: quod cum eversum eam (inquit) sequitur me non unam Ecclesiam Mittelburgensem, sed omnes reformatas ecclesias tyrannidis accusare; & eorum hostem esse.*

Longo

Hæc

Hæc mera falsugo est, quam uterque Neprunia proles certatim exspumant; Sed si rugosam frontem exporrexisset illa Vlissinganus peperisset tot fætidis bombis, quos hic explodit.

Primo, quod audacter asseveret nre omnibus reformatis ecclesiis bellum indicere, quia negem, censuram minorem esse divinum institutum. Si enim reformatorum hostes sunt, qui illam non admittunt nec pro divino instituto habent; tum non Erastus aliquis solus, sed Bucerus, Bullingerus, Zwinglius, Musculus, Simlerus, Gualterus, & Clarissimi quique Helveticarum Ecclesiarum reformatores ac Doctores, pro reformationis hostibus sunt habendi. Id enim patet ex illorum scriptis & litteris quas citavi Gral. p. 171. &c. illum censurandi modum potius improbatum quam receptum ab illis esse: ut certe impudens ineptia sit, quod Vlissinganus, mihi convitium facere volens, & locum inter reformatos denegans, ex reformatorum albo delere cogatur tot insignes reformatores; quorum laboribus & studiis id possidet, ut ipse nunc inter mystas reformatos numerus sit.

Fateor à Palatinis fuisse Illust. Ordin. confederatos institutum majoris minorisq; censuræ; sed nō eo fine, ac modo, ut Romane mere

meretricis profluvia in hoc resorberent ; quæ certe bello armisque hætenus detestati sunt: sumpserunt enim ut res adiaphoras , sic ut Helveticis aliisque ecclesiis nec odium nec bellum indixerint, qui hoc censurandi more non uterentur: neq; existimarent , hoc disciplinæ & censurandi institutum , esse sacrosanctum & *divini juris* , sed *arbitrarium* , sic ut non ignorent , sibi potestatem esse , id vel partialiter , vel in totum immutandi ; si nequitia & confusiones ecclesiasticorum ( quales sunt Walachræ ) cogant illum Ordinem rejicere, vel ita invertere , ut fallendi & malefaciendi ausa præcidatur Apollonio , & similibus ministris : uti in majori censura , vocatione , & aliis ecclesiæ negotiis quæque provinciarum ac urbium , sua excepta peculiariora servant.

Grallator contra ac Bombomachides ; hoc censorio scepro , gladio , ac virga ita exultant ; ut mihi omnibusque Helveticis ecclesiis putent bellum indicendum tanquam non reformatis , si illam minoris majorisque censuræ legem audeamus improbare, vel pro adiaphora habere, ac mutabili: cujus arbitrium jaceat sub Illustr. Ord. & principum delectu , tanquam de modo qui non jam divini, sed humani juris sit. Est enim

Wala-

Walachrum commentum, censurandi illum modum non *adiaphorum* nec humani, sed *divini juris esse* : ac ministris speciali & non tangenda Sanctitate convenire solis : sic ut politicis Ufiacam plagam minentur si hic manum admoveere, aut aliquid præter Ecclesiasticorum nutum audeant : quasi cum hermaphroditis rem habere se credant; qui censurariam hanc virgam ipsis in manum dederint : ea lege, ut dein debeant, uti fæminæ, pati, si vel Romanus, vel Walachrus *παῖδων*, *βασιλεὺς*, *virgifer*, *Rex*, eorum tergo in hæreat ; per fas per nefas : quis enim tales censores ferat, ( inquit Gualterus ) qui hoc censurandi privilegio putent sibi liberum esse, a pertis suis aliorumque vitiis patrocinari, & cuius bono & pio molestiam creare ? quod aperte facit Papa : & jam usus ostendit Walachros dictis, scriptis, factisque imitatos esse, ut non immerito illis exprobrarim, quod Romanæ meretricis profluvio delectarentur.

Unde jam apparet, frustrà Vlissinganum tam multa balbutire de suo, *dic Ecclesie* : quasi Personarum acceptor futurus sit statim Deus, si non liceat illi cum suo Archimysta, pro arbitrio, principum delicta corripere.

Non

Non sunt tam effrenes hodie pii politici, ut nolint divinis suisque legibus subiecti esse (ut Ecclesiastici censores:) quin si adversus eas delinquant se corripì patiantur & admoneri. Sed si virtutes sint quas carpant Walachri, si ob bene, iuste & prudenter facta & statuta, publice tumultuentur & populum concitent; an id divino jure pati tenentur principes? quærat Semiviros & superstitiosos spadones tales Grallator sub Romana meretrice, quos longa servitus muliebri hoc imperium pati coegit: apud reformatos, & imprimis confederatos nostros Belgas, jam 80. annis non inventi sunt, nisi qui ferrum necemque potius intenterint illi scorto, quam ut hæc ab illo paterentur; nedum ut Vlissinganus aut Vereanus, garrulæ & antichristicæ meretrices, id hodie ab illis obtineant.

Quid si etiam aperte delinquant principes, & corripì debeant; an perinde erit quo more fiat correctio? an licebit mucidis illis Sacrificulis impune sua scelera dispensare? & statim jus Dei violabitur, si non liceat illis censoribus in delinquentes principes suo libitu debacchari? Prudentiam hic requiri fatetur Bombomachides; sed quam vult sumendam esse ab Ambrosii censura



fura in Theodosium: quæ certe vis & mera imprudentia fuit! Nisi papismi typho titillaretur, proponeret sibi exemplum Nathanis; quem si opponas Ambrosio, merito refrikerit Walachrorum, papistarumq; censurarius fervor. Hic prætor secularis ante, subito Episcopatus insulas acceperat favore Theodosii; is vetus propheta, Theopneustus, & ab longo tractandorum sacrorum gnarus: hic unius urbis Mediolanensis Antistes; ille toti Ecclesiæ, & universo Israeli, doctor a Deo propositus: hic Cæsarem censurabat, qui humanis & ordinariis tantum dotibus pollens, in errorem humanitus poterat prolabi; ille Regem, qui propheta, Theopneustus, & eminentissimis donis instructus, errorem facilius declinasset: hic in delictum atrorū ineiderat, sed cui excusando aliquis aderat color, quia læsæ majestatis reos, Thessalonicenses profligaverat; illius delictum inexcusabile erat, ex adulterio, homicidio, & variis sceleribus in fidelem subditum contextum: hic compellatus, statim doloris & penitentiæ multa signa edidit; ille penitentiæ nulla indicia dederat priusquam compellatur: hic censurandi modum legemque tantum sumebat ab usu ecclesiæ; ille censurandi mandatum modumq; habebat immediate

diatè à Deo : hic in censurando erat infallibilis : ille fallibili & humano impetu ferebatur : & tamen hic regiam majestatem re-veritus , tam prudenter objecit delictum Davidi , ut venusto apologo prius se dam-naret rex quam damnaretur : at ille delicti conscium , ac jam dolentem Cæsarem , ta-men publice criminis arguit : hic confiten-tem statim solatus , nec sacris interdixisse legitur : ille contra pœnitentem , pro im-perio ab cœna sacrisque abstinuit , & sede-re volentem stare coegit ; non desinens vexare , donec sua manu decretum fecisset ; ante trigessimum diem posthac ratas non fore sententias Cæsaris. Ut mera immode-stitia fuerit Ambrosii factum in Theodo-sium ; præ modestia Nathanis in Regem Davidem : unde non injuria cum Gualtero aliisque id factum Ambrosii reprehenditur , quasi Antichristici fastus præludium fuerit ; nec usquam magis deprædicatur quam ab Jesuitis & Papæ satellitibus ? qui sentiunt suo Papæ scalas erectas esse illa Ambrosii censura , quibus dein omnes principum ver-tices transcendit : ut ipsi Bombomachidi non aptius occurrerit patrociniū suæ cen-surariæ ; quam ut malæ causæ , malus pa-tronus fieret Lipsius Apostata , de quo olim dictum :

*Lipsius*

*Lipsius inconstans scripsit de inconstantia :* hunc non dissimilem sibi , quia defenforem adripuit ; ac me jubet aures arrigere pag. 26. quasi ad Justī arbitri dictaturam Vlis-  
siganus ; discutiam obiter quidquid uter-  
que inter se glocitant , dum putant Papæ  
fastui dispar fuisse Ambrosii factum : pri-  
mo

*Quia non Romanus sed Mediolanensis Epis-  
copus fuit Ambrosius.* quid tum ? annon po-  
tuit suo fastu ostendere Romano Episcopo  
quomodo contemnendus sit Cæsar ? quo-  
modo Antichristicum fastigium esset ob-  
tinendum ? quod in hoc ponit Scriptura, ut  
se efferat supra summos Monarchas: id fecit  
hoc suo exemplo Ambrosius, etsi Papa non  
dum fuit; id fecit Joannes Constantinopoli-  
tanus Episcopus, Antichristi prodromus: ut  
vel ex Walachro isto Papula didiceris, quid  
sit Papam agere , & principes contemne-  
re. Sed inquit Lipsius , *Suo exemplo docuit,  
cuique pastori sua relinquere , quod repugnat  
Antichristi tyrannidi.* Quasi vero qui sua  
tractet, ea tractando tyrannus esse nequeat.  
ex hoc enim facto postea fecerunt Papæ  
hoc collectum ; Si tantum licuit in Cæsa-  
rem Urbis , quid non licet Papæ Orbis  
Episcopo ?

*Sed*

*Sed Ambrosius non liberavit Subditos à juramento , & alium Cæsarem surrogavit , quod Papa proprium est, inquit ;*

Quasi vero Leonem non natura sed ætas faciat : non rugit, non laniat pusillus leo ; attamen Leo est , & si adolescat id facere comperitur : ita ungues dentesque Antichrísticos ostentavit quidem Ambrosius sua censura , sed non laniavit adhuc Cæsares. hoc reservatum est Anastasio , & imprimis Hillebrando : qui pleni & adulti Leones Antichristici fuere. Ut jam serio moneam illos Walachros , ut ex modestia Nathanis potius discant principes revereri etiam inter censurandum ; quam ex Ambrosiï imprudentia stultè & cum periculo in eos ferocire.

Bombomachides mirifice crepat pag. 19. & 20. & clamat atroces Calumnias esse , quod dicam Apollonianos ministros omnium conscientis , bonis , & vite insultare velle. Age, inquit , quem unquam bonis exuerunt ? quem vita privarunt ? hoc est pios Ministros velut fures & latrones traducere.

Quasi jam nesciat Vlißinganus id quod scit ! Grallator inquam ( quoties dicendum erit ? ) Papalem hierarchiam conatus est inducere Mittelburgi. . Papa ( ut ipse fate-  
tur )

tur) incarcerat, torquet, condemnat, patibulo, gladio, & vivicomburio tollit innoxios homines: at hoc Apolloniani non faciunt, inquit. Quis infantiam non miretur in vetulis? quasi jam cogitet, juvenem leunculum, primo natum, leonem non esse, quia necdum jugit, laniat, ac vorat. Si hoc non facit, non natura sed ætas in culpa est. Ita certe ante sexcentimum annum illi Romani Leones cæperunt suos ungues experiri & dentes, in principes: sed generosi Cæsares, gladio armati, coegerunt eos intra cavæam manere. post annum 600 & imprimis millesimo post Apocalypsin Joannis, cæperunt aperte ferocire ac laniare omnes principes; ut jam constet, ne ipsum Papam semper illa fecisse, quæ Bombomachides recenset. Fateor, Papam habere suos cærceres & tortores; sed tamen quia vult prorsus Spiritualis carnifex audire fere illas apertas carnificinas exercet indirecte per politicos. Paulatim enim adsuefecit illos Androgynas pollicem suum osculari; unde, si is mandet, ad carnificinam statim præsto sunt; ut nimis notum sit, papam corporales nullas carnificinas exercere (est enim rotus spiritualis) sed facit hoc præcipue indirecte, per carnales politicos. Jam velim

N

sternu-

sternutet Vlissinganus, ut vertigine excussa, suum Grallatorem videat attente: *Is bonis, vita neminem privavit, inquit; quid tum! necdum erat adultus Papa, & per impotentiam non potuit: fortuna, non animus illi ad hoc defuit: quotquot enim Antichristi feritatem spirant non simul produnt genium, sed dum in aeternum deteriorascunt: nisi calanticam oculis obtenderet Vlissinganus hoc facile videret in Apollonio. Is censuraria & concionali clave primo gregariis tubera incussit: mox audacior, Clar. nostro Vedelio vim intulit: inde Illustr. Ordin. Zeelandiae cepit contemnere; dein Magistratui suo Mittelburgensi insultare: quid mirum si tandem nil fere meditatus sit, quam quomodo censura majori & minori quemvis publicanum & ethnicum faceret? quod si dein, vel palam ab suggestu declamaret, vel occulte domatim dispergeret; annon hac via quemvis pro arbitrio, & malis affectibus, fama & honore privavit, quæ cum vita pari passu ambulant? non dubito quin ipse Grallator rideat Classis Walachræ imprudentiam; quod non animadverso papatu hierarchico, (quem manifeste intendebat, ut ex eo privatim gauderet) tam facile suis*

com-

commentis subscripserint : ut bis ridenda sit Vlissinganus, quæ toties admonita, & nominatim perfricta, nunquam desinit antiquam cantilenam cantare.

Sed nimis longa hæc ineptia desinat : oriatur alia ! p. 13. & 50. Bombomachides Inep. 17 multum rixatur de titulo *legati* & putat Walachris injuriam fieri, cum rideo legatarias illorum ineptias. Ad quæ respondens, primo negat se jactasse quod legatus Christi sit : *quid ego ?* ( inquit ) *dixi tantum in genere ministros fideles, esse legatos Christi : Papa ! quanti est sapere ? raro accedo ad illos Walachros quin abeam doctior : credideram hætenus ex dicto de omni, quod de specie tota dicitur idem de singulis individuis quoque vere dici. At Philosophia Walachra hoc non amplius verum est ; ut qui dicat illic, omnem hominem ratione pollere ; tamen dubitare quoque possit, Walachrum mysten etsi homo sit, ratione carere : vel si in genere dicas, omnem fidelem ministrum esse legatum Christi, dubitandum tamen sit, an Larenus, verbi gratia, legatus Christi sit ? hoc dubium nemo Walachrorum sat scio solvet, nisi id concedat de se Bombomachides, ut dubitetur an quoque fidelis minister sit ? quod sat scio nolit. Mira certe*

Philosophia Walachra est ; quæ docet , à specie ad individua non recte concludi : at contra ab uno aut paucis individuis , ad totam speciem recte colligi. Scripti in Grallis indefinite , reformatos reperiri , qui novum papatum spirent , & introducere conentur : addideram passim me hoc intelligere de Walachris reformatis , non quidem omnibus , sed de cohorte Walachra , & subsignans octo vel decem ; specialius de Bombomachide , specialissime de Verano Rullo Grallatore. Hæc licet ad nauseam ubiq; specificem & individuem, Bombomachides tamen , cleri & multitudinis amans, ex his specialibus semper colligit ad generalia : ut, dum se stultitiæ & novitatis accersi videat cum suo Grallatore , semper clamet , omnes Walachros, omnes Zeelandos , omnes Belgas, imo omnes reformatos à me novitatis accusari ; quasi tam stolidus alicubi pãstor sit , cui dicatur, duas aut tres oves scabie infectas esse inter gregem , & is statim clamitet, me dicere, totum gregem, immo omnes Zeelandiæ & Belgii & totius orbis oves scabiosas esse: τὸ πᾶν ἰλαγχῶ ἰασις , pharmaco illic opus sit non argumento ; ut jam videas genium ! ubi vult, tam generalis est Vlissinganus, ut ab individuo concludat ad



ad speciem, ad genus, imo ad omnia genera: ubi non vult, tam specialis est, ut ab ipsa specie ad individua concludere nolit. vere alibi comicus, *novi morem mulierum, cum velis nolunt; cum nolis cupiunt ultro*. Sequatur alia ineptia.

Inep. 18

Pag. 48. 49. Vlissinganus rem orditur iterum ab ovo, ac probans, se *Legatum Christi esse*, asserit vocationem suam esse divinam; ac mihi iterum fide punica impingit, quod scripseram, *vocationem hodiernam esse mere vel tantum humanam*: quod ex Grallarum pag. 252. potuisset advertere Bombomachides; uti indicaram in Bombomachia p. 25. sed beta magis insipidus, urget suum commentum: probat enim, me loco citato dixisse, vocationem hodiernam esse *tantum humanam*: unde exclamat; *dic mihi inepte vitiligator, quid intersit inter tantum humanam & mere humanam esse: illud tu dixisti, hoc ego dico*. Helleboro certe nunquam efficias, ut spumam omnem excutiant marina animalia, ac recte videant! quis merito indignabitur, si dicam, Bombomachidem mere visibilem ac sensibilem esse, sed ratione corporis? certe si vidisset colum suam, vel ex hac didicisset ineptiam; de qua dicam vere, quod mere & tantum mo-

bilis sit, sed ratione rotæ, radiorum, fusi, & fili; quæ semper in linificio moventur; attamen dicam quoque vere, tantum immobilem esse vel quiescere, sed ratione axis vel basis, quæ non movetur sed quiescit. Hoc in vocatione videre quoque est: quæ prout a Deo instituta, divina est, & finem habet sacrum. hæc cum ego in vocatione hodierna esse dixerim, annon lipitudine & ophthalmia laborat Vlissinganus, quod persuadere conetur, me nil divini in vocatione hodierna admittere? attamen hoc quoque vere dixi, *tantum & mera humanam esse hodiernam vocationem*, sed ratione modi quo hodie celebratur: ut jam videre possit nil inter se pugnare hæc duo, mere humanam, & non humanam esse, sed diverso respectu. Inter Apostolos olim modus vocandi erat divinus: etsi enim tunc utebantur precibus, sorte, suffragiis & aliis humanis mediis, tamen Apostolorum Theopneusis, sinceritas, dona discretionis & extraordinaria Spiritus Sancti assistentia Act. 13. Act. 20. addebant illorum & ecclesiæ vocationibus insignem divinitatis & sanctitatis modum: de quo Jesuitæ hodie quoque gloriantur: sed usus quotidie ostendit, ipsa electione Papæ nil esse corruptius

ruptius & fraudulentius: unde apparet Papissare Bombomachidem, quod hodie instar vetulæ garriat, hodiernum & imprimis Apollonianum vocandi modum esse divinum, quia non humanus modo, sed corruptus & vitiosus fere est: ut non raro ab spe connubii, vel politici muneris; ab venditione ædium vel agelli, à promisso abaci, vel librarii aut pecuniarii præmii, immo convivalium lautitiarum, appendantur vocationes ministrorum, quæ certe, nimis terrena & humana est divinitas; ut non possim satis mirari, quod excussa calantica, priusquam hæc scriberet Vlissinganus, non prius circumspexerit, Mittelburgi aut alibi quid rerum gereretur: ac si forte pro antiquo candore has vocatorias divinitates, in se non reperiret; si tamen leprosum Grallatoris palliolum audenter sublevasset, non dubito quin eas illic inventurus fuisset pleno pondere: Sed alia ineptia prodeat.

Bombomachides Ep. 2. pag. 51. pergit defendere suam vocationem divinam esse. Inep. 19.  
Et repetit argumentum ex intima Theologia Apollonii & Jesuitarum petitem, quod sæpe disjeci, ex locis Eph. 4. & Actorum. 20. ubi dicitur, quod Christus *dedit pastores*,

*& Spiritus Sanctus posuit Episcopos Ecclesia.*  
Unde modum hodiernæ vocationis divinum ostendere nituntur. Sed mere papisticæ ineptiæ sunt.

Fateor, tempore Apostolorum pastores ecclesiæ speciali modo à Deo datos & à Spiritu Sancto constitutos fuisse: tum ob donâ spiritualia quibus tunc pollebant, tum etiam ob illustrem & divinam vocationem qua erant vocati: sed quid hoc ad Walachros? quos Spiritualibus donis sæpe inopes, humano ac corrupto fere modo vocari constat, ut in Grallis ostendi.

Respondet Bombomachides pag. 51. & 52. illam dationem pastorum, de qua Paulus loquitur Act. 20. & Eph. 4. semper in Ecclesia durare: quia inquit *vel illud dedit* ita intelligendum est, ut significet quoque *dat dabitque* semper ad finem mundi. Facetus inrerpres! qui ex præteritis possit facere præsentia, futura & semper duratura. Quam vellet verum illum dicere Grallator! is enim vendens suas Sanctitates, præsertim vocatorias, aliquando sensit quid sit illud *dedit*, cum accepit aliquid: quam beatum se existimaret, si illud dedit esset quoque, *dat, & dabit*

**& dabit semp̄r** : tum semper acciperet. Sed mitto hanc facetiam.

Dico, nugatorem esse Bombomachidem, quod per præteritum *dedit* hic velit intelligi debere *dat & dabit* semper. Certum est illum has nugas cum suo Grallatore didicisse ex Jesuitis, & in hoc papistis favere, atque hanc lepram ab illis contraxisse, quam egregie ex ipsis Apostoli verbis expurgat Cameron. Ostendit primo, illud *⁊ dedit* in præterito non autem in futuro accipiendum esse; quia hoc dato sequeretur ex Pauli verbis, Deum non tantum dedisse, sed etiam semper daturum esse Apostolos & Prophetas: Secundo inquit, verba illa Pauli, *donec omnes evadamus in virum perfectum*: de fine seculi non sunt accipienda; quia nulla hic fit mentio finis seculorum &c. ut papistæ volunt.

Sed inquit Bombomachides, *Cameron nequaquam negat Christum ad finem seculi Ecclesie sue daturum esse fideles Ministros*. Respondeo, aniliter nugari Bombomachidem, quia id non tantum negat Cameron, sed ostendit, ad aliquot annorum centurias ecclesiam conservatam & propagatam fuisse in papatu, per infideles pastores qui oves suas

suas duxerunt ad pascua, quibus inerat quidem unde pascuerentur, sed tamen multum quoque veneni. Ut ille loquitur.

Unde nunc dico, Christum semper quidem Ecclesiam suam propagare per pastores, sed non semper per legatos. Quia aliud est pastorem agere in Ecclesia, aliud legatum Dei. Quod ex ipso Camerone quoque discat. *Nam, inquit, ut homo homini Lupus est, ita nil prohibet hominem homini pastorem esse. neque enim illi soli medici sunt qui solemnibus quadam pompa proventi sunt ad id maneris, sed medici saepenumero sunt qui rem tenent, & à rei pompa quam maxime sunt alieni, quales sunt deplorata & perdita Rep. boni eives, qui tamen non sedent ad gubernacula Reip. sustinent tamen, ut possunt, ruentem domum, & pro virili parte student eximere naufragio quasdam tabulas, adeoque eos qui tabulis insident.*

Unde nunc videat Bombomachides argumenti futilitatem quod proponit pag. 51. hoc est. argumentum meum, inquit. *Christus dedit ecclesiae suae pastores &c. hoc autem durabit ad finem mundi usque. ergo legitimi & fideles qui nunc sunt pastores, dantur à Christo, & vocatio illorum est divina: & ipsi sunt Legati Christi.*

Respon-

Respondeo, dationem de qua Paulus loquitur non esse ordinariam & vulgarem; sed illustrem & extraordinariam, qualis tunc facta fuit, cum (ut apostolus loquitur) Christus in altum ascendit, & dona dedit hominibus, & alios quidem Apostolos, &c. quam perpetuo in Ecclesia duraturam esse neque Paulus docet, & per Experientiam refellitur. Quia illa donorum datio non perseverat, quod si haecenus in se ipso non potuit sentire Bombomachides, saltem nunc ex Calvino discat: *Ex hoc Pauli loco* Cal. in  
Com.  
1 Cor. 13  
32. *cojicere licet ( inquit, ) quam praeclara bonorum spiritualium copia & varietate illa ecclesia floruerit. Erant Prophetarum collegia, ut labor esset in distribuendis vicibus: erat donorum diversitas tanta ut aliquid redundaret. Nunc videmus nostram tenuitatem, imo inopiam: Sed iusta scilicet pena hac ingratitude nostrae rependitur. neque enim exhaustae sunt divitiae Dei, imminuta ejus benignitas: sed nos neque digni quibus largiatur, neque liberalitatis ejus capaces &c.*

Unde nunc statuo, falsum esse Bombomachidis confectarium, ergo legitimi & fideles qui nunc sunt pastores dantur à Christo. Quia utcumque Christi ecclesia hodie propagetur per pastores, non tamen per tales  
quia

qui à Christo dati sint illustri illo & divino modo, qui tamen requiritur, ut vocatio sit *divina*, non tantum ratione *authoris* & *finis*, sed etiam ratione *modi*. Qui cum hodiernis pastoribus desit, dico vocationem illorum esse quidem *divinam* ratione *Authoris Dei*, & respectu finis, ut in Galilis monui; sed *mere humanam*, quoad modum, quo hodie fit, *humanum & corruptum*. & proinde hodiernos pastores non esse legatos Dei, quod Bombomachidi erat probandum, ne in posterum rideamus legatarias illas ineptias, quas tantopere affectant Apolloniani ministri. Sed satis de hac ineptia: prodeat alia.

Inep. 20 Bombomach. pag. 14. Valde putat lædi Walachros ministros, quia voco eos *mercenarios*. unde exclamat: *en quam egregio honore afficiat pios ministros! qui omnes huic homini sunt Magistratum mercenarii.*

Dodrantalus Philosophus, videtur ignorare, mercenarium ex genere relatorum esse: relata autem sunt simul natura: Si enim verum est, teste Paulo, ministris etiam probis deberi mercedem (dignus enim est operarius mercede sua, inquit) tum sequitur, pios ministros esse quoque mer-



mercenarios. Opponuntur enim, ut relatio & terminus, merces & mercenarius, sive is qui mercedem accipit: jam necesse quoque est, ut mercenarius aliquis mercedem accipiat; unde necessario sequitur, quod mercenarius quoque sit illius, qui mercedem illi dat, vel cujus mercedem accipit. Hic velim iterum sternutet Bombomachides, ut videat, an non sint Illust. Ordines & pii politici, qui ministris dant hodie mercedem. Fateor, Grallatoris mitram, & Bombomachidis calanticam vehementer concuti; dum indignantur, se Authoritativos Christi legatos Walachros, debere victitare mercede politicorum; imprimis dum cogitant, quam felix sit Papa & Romanenses clerici; qui longa rapina, instar hircinorum, ita exsuxerunt Christianos; ut contemptis suis dominis, non jam amplius sint mercenarii, sed Usurarii & Collybistæ; qui potius omnes principes & Christianos fecerunt suos mercenarios & jumenta. utcunque hac Metamorphosi valde deletentur Walachri illi; tamen venter creat illis has ærumnas; ut mercedem debeant accipere à politicis; unde necessarium quoque est eos esse *Magistratum*  
merce-

*Mercenarios* quidquid indignentur. Non ignoro, pios ministros manere in cælo amplio- rem mercedem, unde quoque Christi mercenarii sunt: sed hac sola mercede nolint contenti esse illi Walachri: tunc enim deberent gratis & sine Ordinum stipendio prædicare, ne Ordinum mercenarii essent: quod sat scio esset culinare, vel marsupiale paradoxum admodum detestabile Walachris. Bombomachides exclamat: *fures perjurios esse, & detestabilissimos animarum latrones ministros, si Magistratum mercenarii sint*: Sed vide acumen! definit mercenarium solum esse *qui sola lucri spe non simulex amore labores domino suo accommodet*. Qua definitione ridicula nemo mercenarius, nisi qui nebulo sit.

Paulus Eph. '6. 7. servos & mercenarios instruens de officio, longe aliter loquitur: jubet eos *Servire dominis cum simplicitate cordis, toto animo, in charitate tanquam domino*: ita serviverat Labano Jacob Patriarcha; cujus mercenarius fuerat: dicitur enim quod Laban ejus mercedem aliquoties inverterat. Fateor quoque reperiri tales mercenarios, de quibus Joan. 10. Christus queritur, *qui fures sint & Lupi*; sed hoc dicto noluit Christus, omnes tales esse, qui

qui mercedem accipiunt, hoc est, quicunque mercenarii sunt; ut hic rursus nimis generalis sit Bombomachides, qui à specie ad genus inepte concludat; quasi omnes reformati ministri debeant esse tam impuri & avari mercenarii, quia forte inter Walachros unus & alter ita reperiantur: Tam avidus enim dicitur esse hujus mercedis temporalis Grallator, ut si vel tantillum honorarii illi decedat, non aliter tumultetur quam vitæ si vim ferat; perquam similis Romanæ illi meretrici quæ manus habet oculatas, & nil credit quam quod videt: unde nunc videat ineptiam suam Bombomachides qui tantopere indignetur, ob nomen mercenarii, quod putat inhonestum esse, cum tamen mercede à qua hoc nomen dicitur, neutiquam velit carere. Sed aliud prodeat quod rideamus.

Pag. 13. &c. Magnam Calumniam esse Inep. 21. dicit Vlissinganus, quod alibi suspicatus sim, principale fundamentum spiritualitatis Apollonianæ esse in *crumena*, ubi Judæ quoque erat; ac sic se habere Walachros illos Papistas; quasi ærarium sibi facere velint, contra politicos, ad quæ exclamat: *si ipse diabolus ex abyssu prodiret, an horribilius posset calumniari?*

Quis

Quis non miretur, marinas torpedines hic tam acute sentire ! solus certe Grallator effecerit, ut quisque sic mecum suspicetur. is non contentus ordinaria mercede, tanquam Collybistes, usurarias fecerat Mittelburgi, omnes suas sanctitates ; & Judæ non dissimilis, lucrum venabatur ex re quolibet ; quod vel solo Eleemosynarii commento ostendebat, quo, mira contentione, litigans cum politicis de jure accipiendi & distribuendi Eleemosynas, longo etiam scripto rem edens, nihil aliud videtur intendisse, quam ut pecuniariæ illius Sanctitatis esset possessor & arbiter, extruso Magistratu tanquam profano, & qui *extra ecclesiam* sit ut asserebat. Quis non videt, hanc sanctitatem esse similem illi quam Judas obtendebat contra unguentum Mariæ, dum ex illius parsimonia studebat ærarium suum ditare centum Florenis nostræ monetæ, (ut supputant vulgo) dum ille Walachrus non disputarit de dominio centum Florenorum, sed sexagies centum, hoc est, mille librarum Flandricarum, quas mihi dictum est illa collecta Middelburgensi tunc confectas esse. Id si suo sacro jure potuisset obtinere Grallator, ut aliquotiens suæ ecclesiæ imposuisset talem cen-

censum, annon illic cito vidisses in Walachria iterum *Romanos rerum dominos gentemque togatam*? Non fuit Judas solus talis pecuniarius artifex; sed Papa Romanus omnium profanitatum architectus (ut indicaram) hac Eleemosynari sanctitate ita quoque lufit, ut hujus specioso obtentu immensas opes convasarit, tanta impudentia, ut multis locis ipse Platina rapacitatem carpat Romanæ illius harpyjæ; ex qua id extitit, ut non modo in immensum ditatum sit Petri patrimonium; sed non semel accidit, ut in milites effuderit, quoties suis verbis disciplinariis, & censurarii fulminis lamiis non satis terrentur Principes. Hos mores cum longo rerum usu pernoscem ipsa autopsia; quid facilius erat quam id quoque suspicari de Walachro illo Papula, qui non papalis regiminis fastum modo ubique æmulabatur; sed imprimis illic opum & pecuniarum jus quoque quærebat, ubi miro successu Papæ (præter omnium opinionem) ante aurei montes excreverant: ut jam futilis sit indignatio Bombomachidis, quæ puerili hoc fundamento nititur, quod putet politicos, & nos imprimis Frisios, ignorare, quid sit etiam parvo ære inescare homines. Sed nova prodeat ineptia!

O

Passim

Inep. 21.

Passim clamat Bombomachides, uti ministrorum Walachrorum honorem depectam, ita Magistratui me nimis supparasitari. Ep. 2. pag. 12. inquit, nos *Blasphemia accusans Grallarum authorem, quod Magistratui tribuat architectonicam potestatem in formaliter ecclesiasticis, & absolutum in ecclesiam dominatum.* & pag. 42. addit, *formaliter ecclesiastica, specialis juris (qua repetit Apolloniano more) talia esse, ut si ad hac Magistratus, qua Magistratus, manus extendat absque speciali vocatione, peccarit ut Usias & c.*

Salivam prius exterferis linificis, quam maledicentiam! toties admonita Vlissinganus non definit blasphemiam vocare quod ipsa Orthodoxia est. Quis obsecro speciali jure sacra fecit illa ecclesiae negotia, quæ sub Levitis communis juris fuerent? nemo certe Apostolorum! aut tabulæ proferantur! doceat Bombomachides scriptum esse, vel timeat illud væ, scripturæ quicquam adjicientibus destinatum. Singula in Grallis speciatim excusseram; ad quæ Vlissinganus uno anhelitu; ego dico *illum late cum ratione insaniisse*: inquit. Hoc est ratiocinari! scilicet uti Anticyris solebant! Si formaliter ecclesiastica sunt homodierni cultus negotia, & Usiæ crimen committunt

mittunt quotquot politicorum ea tangunt ;  
 cur tot pii politici ea tetigerunt in Vet.  
 Testamento , sine pœna Usiæ ? cottidie in  
 ecclesiasticis leges ponunt Magistratus :  
 vocationes dirigit & quoque per se facit  
 cum ecclesiasticis , censuræ majoris arbi-  
 trium à suo judicio & arbitrio suspendit ;  
 deniq; multa formaliter Ecclesiastica tota-  
 liter vel partialiter perficit. Quam mirum  
 est, neminem politicorum, dum Usiæ pec-  
 catum committunt , in Usiæ lepram inci-  
 dere ? nisi nugentur Walachri suo more ,  
 hoc vocationis vicem implere in politicis ,  
 quod ecclesiastici eos per condescenden-  
 tiam ad hæc negotia admittant inviti ac  
 cum animi dolore : Haud aliter ac si olim  
 Levitæ politicos admisissent ad sua Sacri-  
 ficia , quod illi nunquam tentarunt , nec  
 passi sunt. In hoc hodiernis ministris fi-  
 deliores in defendendis suis sacris , si modo  
 vera sunt quæ Apolloniani Walachri nu-  
 gantur , hodierni Choragii negotia externa  
 speciali jure sancta esse , ut olim erant Le-  
 vitica & templaria negotia politicis inter-  
 dicta.

Sed repetit suum argumentum ab absur-  
 do Bombomachides ; quod in Bomboma-  
 chia rejeceram.

*Si Magistratus pollet divinitus Architectonica potestate in formaliter Ecclesiasticis, num esset supra omnem Ecclesiasticam censuram constitutus. inquit. Quid ita? quia posset pro libitu concionari; Sacramenta administrare, ministros vocare & deponere, etiam invia ecclesia:*

Haud aliter ineptit de Architectonicæ potestatis jure & officio, quam nuper de mercenarii acceptione. hunc ita describebat, ut neminem mercenarium agnosceret, quin pro Sycophanta esset habendus, ut ab se mercenarii titulum propelleret: ita hic nullam Architectonicam potestatem agnoscit, nisi quæ impia sit & omnes leges humanas & divinas pervertat. Certe hanc rem ex suo ingenio, & ecclesiasticorum more metitur Bombomachides, quibus solenne est, omnia cultus & religionis sacra pervertere quoties absolutam potestatem habent in cultus negotiis; quod videre est in papatu. absolutam in sacris potestatem possidet profligato gladio politico. sed quid inde? annon omnium factorum inversio & corruptela religionis existit? rarissime comperitur id accidisse, quod ecclesiastici, rerum summam libere possederint in ecclesia, quin omnia fere corruperint superstitioni-



tionibus ac novis commentis: uti vel in Walachro illo Papula videre fuit; qui non re, sed spe & opinione tantum Mittelburgi imperans, quantum illic barbarum & novitatum cuderat in ecclesia? horum conscius Bombomachides, audacter id quoque asseverat, futurum de politicis; si ecclesiasticæ censuræ non subsint (ut ipsi solent) tum facile omnia perturbaturos. sed centies contrarium evenisse ostendi potest: ac tunc ferre floruisse cultum Dei & religionem, cum pii politici tanquam nutritii cultus negotiis se admiscuerunt. hoc non experientia modo evincit, sed ratio quoque demonstrat: politici enim architectonicam potestatem possidentes, eam in Ecclesiasticis negotiis non exercent pro voluntate & arbitrio; sed bonis Ecclesiasticorum consiliis se facile induci patiuntur, ut quod æquum est statuunt & autoritate sua confirmant: Ecclesiastici contra, quales sunt Apolloniani Walachri, utcunque Architectonicę potestatis inanes, absolute tamen semper regnandi avidi sunt, & relicta sacrorum cura, vel (si illis visum sit) perversa tota religione, per fas per nefas dominatum absolutum semper venantur, primum in Ecclesiam, deinde in mundum; ut in Antichristo Papa non solum sed in Gal-

latore usus docuit : ut certum sit , cultum sacrum perire , nisi adsit Theopneusis , ut sub Apostolis ; vel persecutio & crux , vel tandem politica & Architectonica potestas , quæ fastum Ecclesiasticorum compescat.

Sed instat Bombomachides ; *quid si leges non revereatur politicus , sed cum Theodosio manus sanguine inquinet ? hoc hoc erat demonstrandum , inquit , tum illud , dic Ecclesia , nullius esse usus respectu Magistratus.*

Miser Theodosius , etsi papalis fastus transtrum fuit , tamen apud Walachros sanguinarius audit !

Sed nihil opus erat Vlissinganum ita stomachari , quia novit , quod Ecclesiastici inter se illud , *dic Ecclesia* , tam contemptim transsiliunt , dum se mutuo ab delictis excusant , ut de eo sæpe ne cogitent quidem. quia tamen veterum papistarum morem in hoc sequens , ita exclamat de suo *dic Ecclesia* contra politicos , ut eos pro libitu censurare possit ; quæram primo : quænam sit ista Ecclesia quam Christus illic vult principes censurare ? Papa dicit se esse , sed nugator est ; Walachro-papistæ dicunt , prædicatores esse , & Ecclesiam repræsentativam : Sed ego nunquam legi in scriptura ,

tura, nec legit credo Bombomachides, præpositis ecclesiæ nomen ecclesiæ magis tribui quam Episcopo.

Quopactò igitur regi persuadebit hoc, dic Ecclesiæ, autoritativo & speciali privilegio ecclesiasticis convenire, ut Rex in timore Dei se illis subjiciat? Multa enim dicenti & nihil probanti de jure non nascitur privilegium, ut latius in Grallis ostendi pag. 162. 163. ad quæ Bombomachidem remitto.

Secundo, cum Christus dicit, sit tibi tanquam ethnicus & publicanus, quæram rursus ex Bombomachide, quomodo Rex, secundum expressam doctrinam scripturæ, habebitur à fratre pro publicano & Ethnico? Dicit credo non communicabit cum illo; atqui hoc scriptura nusquam fratri læso præcipit, sed expresse mandat singulis qui sunt in Ecclesia. 1 Cor. 5. 11. 12. *ne si quis cum frater nominetur, sit scortator, aut avarus, aut idololatra, aut convitiator, aut ebriosus, aut rapax: cum ejusmodi ne edant, quidem.* Unde liquet hoc esse pro ethnico & publicano habere secundum scripturam, à privato alicujus consortio se subducere ut pudeat, neque illius conversatione contaminemur: quod cum in regibus non ha-

beat locum, sequitur, illud Christi *dic Ecclesia* ad Reges hoc loco non dirigi, sed tantum ad privatorum fratrum jurgia & offensiones, ut textus indicat. Ex particulari autem privatorum lege & præcepto generalem regulam facere velle, quæ sine exceptione ad reges & principes se extendat, tam frivolum est, ut nil ineptius fieri possit.

Scriptum est in lege Num. 19. *vir qui adulterium commiserit cum uxore proximi sui, moriendo morietur adulter & adultera*; generalis lex est: neque tamen in principe vel Rege habet locum, ob specialia privilegia quæ regibus concessit Deus. Unde hoc Bombomachidi demonstrandum est, illud Christi, *dic Ecclesia, & sit tibi tanquam Etb-nicus & publicanus*, de Regibus quoque Christum statuisse.

Nam quæram porro: Quomodo pastor faciet principem publicanum? an eum fugiet vel ejus consortio abstinebit, an persuadebit populo, ut omnes principem fugiant & ejus consortium vitent, uti olim de publicanis fiebat? hoc certe esset seditiosum & impium! Respondebunt Walachri, abstinebit à Cæna; & cogemus eum sedere inter pueros, vel stare inter Catechume-

chumenos, & sic eum publice subsannabimus; ut Ambrosius olim bene & pie fecit. Sed ostendi aliquoties hunc modum censuræ minoris, vel faciendi publicanum, in scripturis non reperiri & Apostolorum praxin ei repugnare; unde non injuria imprudentiam & Ambrosii audaciam ac superbiam taxavi, quod in hoc censurandi modo exercendo contra Cæsarem, tam ferox fuerit; ut cum periculo suæ & totius Ecclesiæ salutis, eum noluerit omittere. si usquam habuisset divinum præscriptum in scripturis, hoc modo censurandi in Cæsarem utendum necessario esse, fuisset generosum factum pro Christi lege etiam mortem oppetere; at quia hæc lex nusquam extat; mera imprudentia fuit, cum summo principe, de lege humana servanda, tam acriter contendere: ut jam dicam Walachros nescire, quomodo hodie utentur suo *dic Ecclesiæ & sit tibi tanquam publicanus in censura minori (ut loquuntur) contra Principes.*

Quæram ultimo quomodo, principem facient Ethnicum hodie? nam hunc modum quoque nusquam definit scriptura. Apostoli refractarios tradebant Satanæ & puniebant miraculose: hæc omnia jam impossibilia,

lia sunt. Ecclesia post Apostolos multos ritus excogitavit; sed non habent divinam authoritatem; unde jam patet non constare Walachris, quomodo utentur suo dic Ecclesiæ in majori censura contra principes. an principi publice sacra interdicerent? quid si nolit parere? an agmine facto in illum irruent, vel e templo ejicient? nil proficient, quia princeps vi vincet, nisi populum declamando in illum irritent, aut per indirectum studeant ei principatum aut vitam eripere; & hæc omnia seditiosa sunt, & Papæ tyrannidem sapiunt. Ex quibus jam patet, frustra ita vociferari Vlissinganum de suo, dic Ecclesiæ, utendo, ad compescendos rebelles & sanguinarios principes: Unde dico totam correctionis vim contra principes hodie consistere in admonitione, obtestatione, precibus, & lachrymis, à privatis fratribus, vel ab Ecclesiæ propositis illi oblatis, vel aperte, vel recte & prudenter, ut Nathan fecit. Cum certum sit ex scripturis, non præpositis modo sed privatis quoque fratribus id juris esse, qui sub ecclesiæ nomine denotantur: ut in Grallis late ostendi. Sed aliam ineptiam audi-

Inep. 22. diamus.

Pag. 43. 45. perstat in antiquo delirio  
Bom-

Bombomachides, quod Blasphemus sim;  
& Gnatho, quia dicam Magistratus esse  
*Deos quoque in animas.*

Quam Blasphemiam dixeram Paulo, non mihi, impingi, quia Paulus Rom. 13. dicit *omnem animam subjectam esse Magistratui ob conscientiam*: non mirum est Vlissinganum hoc non videre, quæ in multis cæcût; si tamen oculos habet, faxo videat. Magistratus qua Magistratus Deus est in terris. Psal. 82. unde evidenter sequitur; Magistratum Deum esse in omnes, & cum illi omnes non tantum sint corpora sed animæ; consequens est ut non corpora tantum sed animas subjecerit; & alio consequenti, non Deos tantum in corpora sed in animam quoque esse Paulo dicente; ut jam videat Bombomachides Paulum ejusdem blasphemix mecum esse reum; si recte exclamavit. Sed excipit Paulum per *animam* intelligere *hominem*. Quid hoc ad rem? nisi enimingat hominem inanimem, sequetur quoque Magistratum esse Deum in animam; quia homo non corpus modo habet sed *animam*. si posset aliqua ratione ostendere Bombomachides, per *animam* intelligi *Corpus* sine anima à Paulo, crederem illum non delirare; nunc autem quia evidens est,

est, Paulum ad summum per animam hic intelligere hominem (ut fatetur) id est corpus cum anima; quis non videt helleboro opus esse Vlissinganui? quæ clamat, Paulum intelligere corpus non animam, nisi illi Walachri sint pura corpora sine anima: utcunque habeat, certe Paulus non metuit hoc Bombomachidis Blasphemum, cum volens dicere Magistratum esse Deum in *hominem*, potius dixit esse Deum in Animam quam in Corpus: quia ut Blasphemiam vitaret, potius debuisset dicere omnia corpora, non animas, Magistratui tanquam dis subjecta esse debere: non enim qualemcunque subjectionem Paulus denotat, sed illam quæ Magistratibus debetur tanquam dis, & in eminenti potestate constitutis. Sed sequatur nova ineptia.

Inep. 22

Pag. 15. Rixatur iterum de compedibus ferreis, & gladio *incipite*, de quibus agitur Psal. 149. quorum jus & potestatem contendit convenire solis præpositis ecclesiæ, non Regibus & Principibus: putat enim figurate tantum non litteraliter accipiendas esse compedes & gladium; in quo eruendo tam curiosus fuit, ut ipsorum Rabbinorum commenta & tricas pervestigarit;



garit ; haud minus inutili opera , quam notæ Atticas Gellii scrutatus, ut in me Arillatoris nomen inveniret. Locus Psalmi, quomodocunque intellectus , inepte trahitur ad jus speciale censurarium Walachropapisticum stabiliendum ; quasi credere debeant Christiani , vel litteraliter , vel figurate ministros solos tanquam Spirituales lictores & carnifices in republica oberrare debere cum compedibus ferreis , & veluti Tyrones gladio alligari , quo vel directe vel indirecte Apolloniano more possunt cujusvis Bonis , famæ , & vitæ vim inferre. hoc non Psalter , nec aliquis Theopneustus somniavit , sed Papa commentus est , & Grallator imitatur.

Aut enim litteraliter accipit , *compedes & gladium* David , aut *figurate* : Si litteraliter ; tum hæc non pertinent ad prædicatores ; sed conveniunt solis Principibus , ut ego exposui ; nisi cum Papa sumant jus gladii per indirectum , quod tyrannicum est & impium. si figurate ; tum ne sic quidem speciali jure sacro conveniunt prædicatoribus : quia toto Psalmo apparet , Davidem hæc non tribuere solis Levitis aut clericis , sed , ut loquitur , toti Israël , filiis Zionis , populo & benigne acceptis :  
hoc

hoc est, omnibus fidelibus & Christianis, prorsus dissentiens à Walachra theologia, sed conveniens cum Paulina Eph. 6. qui gladium, clypeum, galeam & totam armaturam Spiritualem dat & commendat, non solis prædicatoribus & clericis, sed omnibus fidelibus & piis: ac proin ipsis quoque principibus; nisi eos extra ecclesiam & Dei populum exterminet Walachrus Anabaptista.

Sed pergat denuo ineptire!

Inep. 23. Pag. 54. Dicit me Gnathonem esse Magistratuum, quia adulatorie scribam, *eos solos esse κατήχους & retentores Antichristi*. hic mirifice ampullatur.

Ridiculum caput! cui nunquam calanticam ita erigas, quin pendula semper impediat recte videre. nisi ineptiret vidisset me verum dixisse. Respexi ad locum Pauli. 2 Thes. 2. ubi Paulus divinissima Prophetia prædixit, unicum remoram Antichristi & κατήχου, fore Cæsarem & imperium politicum: quo ablato, ππ tunc statim, summum fastum occuparet Antichristus Magnus. Quod in Bonifacio visum est circa annum 600. qui prostrato Mauritio Cæsare, cum tribus filiis Augustis, dictus factusque est statim caput Ecclesiæ, id est, infantilis  
Anti-

Antichristus; & clarius in Hillebrando, qui circa annum 1080, subjugato Cæsare Henrico 4. factus est adultus & quadratus Antichristus magnus: ut certe experientia ipsa comprobata sit veritas divinissimæ prophetiæ Paulinæ de sola Antichristi remora. Non inficior alios fuisse, qui fastui Papæ omni tempore restiterunt; sed hi omnes non potuerunt eum impedire soli. Prostrato autem Cæsare & summo imperio politico, frustra renitentibus aliis remoris, Papa factus est plenus Antichristus, summo imperio in Ecclesia & politia accepto, & sumto jure utriusque gladii. Neque hoc obstat (ut Vlissinganus nugatur) quod illi Cæsares fuerint plerumque impii: etsi enim nil quam de sua Majestate tuenda essent solliciti; tamen quam diu generosos illos Spiritus servabant ut neminem vellet supra se pati, non potuit cum pleno fastu apparere Antichristus: sed simulac metu vel superstitione territus Cæsar, se subjecit laciniis Ecclesiasticis, & tanquam lymphaticus amasius omni virilitate ab ecclesiasticis exsectus, se substravit meretricibus Romanis, & passus est se ab iis permingi, tunc Papa statim factus est Antichristus magnus: quia se extulit supra omnes

nes Monarchas, quod quasi pathognomonicum signum Antichristi ponitur à Paulo. Quæ nunc verbo dico, in tractatu meo de Antichristo magno ( si vivo ) plenius disserturus. Nec metuo me cum bono Deo id facturum feliciter ( quidquid ominetur Vlissingana Druis pag. 46. ) nisi infortunium feram, ut non inter viros, sed calanticatas *ἐλαύσι πῖπλῃς* verfer, quibus contemptis, quoque sufficiet sapientibus satis dixisse. Id in Magno Antichristo tam verum fuit, ut nunquam fere parvi Antichristi dein excreverint, quin ab subigendo Magistratu politico semper rem auspicati sint: quod in Monasteriensi Papa Becholtio visum est, & nuperrime in Walachria, ubi Vereanus papula Grallator, Ecclesiasticum & papale imperium scripto meditatus pueriliter, statim cæperat Ordin. Zeelandiæ, & Magistratus Mittelburgensis potestati illudere; certo certius tenens (quod Bombomachides videtur ignorare) omnes imperii sui remoras inter Ecclesiasticos fraticellos se facile superare posse, si politicam potestatem, & solam gladii remoram sibi substerneret: ut jam quivis videat, solos principes politicos esse proprias antichristorum Ecclesiasticorum remoras.

Pag.

Pag. 29. &c. Excusat se quod Magistratum in me concitare velle dixeram eum, in *Bombomachia*, ut caca obedientia puniret Grallarum auctorem, de quo nesciebat ipse præmio an pæna dignus sit? de quibus mirifice ineptit! Inep. 24.

Primo negat factum: & clamat se Magistratum non in me concitasse: sed quid? scripsit tantum, ô si ita fiat! ut Magistratus tales famæ fures, pestilentissimos (me intelligit) plectat! quis jam non miretur subtilitatem Bombomachidis! quem si premas, inter bombum & crepitum cogas discrimen ostendere: ego hæc non plus differre arbitror, quam si anum dicas quæ garriat vel vetulam, quæ tantum differunt secundum dici, non secundum esse.

Non minus ineptit cum negat se cæcam obedientiam postulasse à Magistratu, ut puniret crimen quod non Magistratus modo sed ipse Bombomachides adhuc nesciebat, erimenne an virtus esset: fatebatur enim se non legisse Grallas, ne quidem illius magni convitii meminerat, quo Grallator pios politicos injuriose vocabat Papas vel Antichristos: abstinerebat ipse ab argumētis sed Grallatori id commendabat, quem cum videret,

P

non

non uti disputatorem , sed ut bolinthus  
 prodire : annon cæca obedientia fuisset : si  
 Magistratus tali monitori paruisset , in pu-  
 niendo Grallarum authore, in quo videbat  
 virtutem non crimen esse ? p. 31. monet  
 me *ut vertiginosos quæram qui nesciant an cri-*  
*men sit, viros honestos Walachros Mystas, per-*  
*stringere* : fateor non inquirendo etiam me  
 invenisse vertiginosos Apollonianos Wala-  
 chros ; qui putent pro vere piis Mystis ha-  
 bendos esse , qui vel ex inscitia , vel mali-  
 tia , novum papatum hierarchicum conati  
 sint in Ecclesiam inducere ; quod jam osten-  
 di luce meridiana clarius multis in locis ,  
 ut non multum metuendum mihi sit , ne  
 vere pios Mystas diæteriis indignè per-  
 strinxisse videar ; cum nec falsis nec inde-  
 coris jocis , sed digne & pro merito , car-  
 pam illorum nævos , sacrorumque profana-  
 tiones ; non sine publici boni tutela : unde  
 nil opus est calanticam ita quaterere Vlissin-  
 ganum , & mitram pæne excutere Verean-  
 num , dum provocat Deum vindicem in  
 politicos Apollon. pag. ultima , quia Gral-  
 larum authorem non puniant , sed prote-  
 gant suo applausu. Demetrianæ est illa ob-  
 testatio , quam prudentes politici , longo  
 usu

usu dedidicerunt contemnere ! indignum certe fuerit , si Vereanus & Vlissinganus loquaces noscent , quot & qui magnatum & piorum politicorum , præmium collatum optent Grallarum authori , quia turpem & calamitosum papatum Walachrum in herba suffocarit Grallarum editione. Sed nova oriatur ineptia !

Pag. 39. Vehementer indignatur quod Inep. 23.  
illam nævum Walachrum ut fabulam rettulerim , *de absumpto illic & alibi vino cena* ; ad quod anili ferocia crepans , cornuto argumento , cornicatur in hunc morem :

*Si verum scivisti rumorem ( inquit ) male inter fabulas rejecisti ; Si falsum , contra conscientiam egisti : Si ambiguum , pessime fecisti , quod rumorem incertum publicum feceris .* Papæ ! jugularat hominem ! quis non Neptuniam prolem hic agnoscat ex hoc tridente ? sed aqueus est & spumeus , unde facile dilabatur. Ego contra sic dicam :

Si verus est rumor , bene feci quod eum rettuli : Si falsus , tum bene feci quod inter fabulas rejeci. Si dubius , verisimilis tamen , tum non male feci quod eum rettuli ut incertum , verisimilem tamen , ut Walachros illos Sanctos & spirituales Cen-

res, officii admonerem, & docerem cautos esse. certe qui salivantem Vlissinganum videat, confirmabitur magis, aliquid monstri illic extitisse; præsertim cū ipse jã adscribat:

*Si tale monstrum fuit, ego ejus parens non fui.* ut non tam factum neget, quam indulgentiam Heli excuset; quia parens illius non fuerit: in quo aperte etiam ineptit, si ex Apollonii centonibus judicari velit: is enim præter naturales patres; fingit omnes prædicatores esse patres Spirituales, & jus virgæ habere in Christianos; more Papali. Quod si verum sit, dico ad Bombomachidem quoque illam culpam dimanasse, quod oscitantiam funestam Heli hic imitatus sit, dum in rem tam portentosam non inquisiverit, vel animadverterit, jure Patris spiritualis: nisi in hoc versetur patria potestas Walachra, ut pios & bonos sibi exosos, tanquam virgiferi reges vexent; malos vero & publice scandalosos vel ignorent, vel publice tueantur gladio suo Spirituali, quod in Grallis monui: cujus rei Petrus Lansbergius in Grallatore tam illustre documentum exhibuit in Apologia tertia Mittelburgi edita, ut in pleno amicorum confessu mirati sint, hic tam feliciter rescivisse me, quid monstri alerent Walachri injuriosis centonibus



nibus editis in Vedelium nostrum. nimirum  
 ut quasi novi papatus seminium spargerent  
 per provincias Unitas de mira & speciali  
 sanctitate ecclesiasticorum; unde necessario  
 oriretur politicæ potestatis contemptus &  
 ministrorum ecclesiæ ἀνυποτάξις : ut Mystæ  
 omnes Papæ in morem sine arbitro, & vin-  
 dice peccarent : quod sæpe præmonui in-  
 tendere Grallatorem cum aliquot suis Wa-  
 lachris ; & de ecclesiasticis Censoribus in  
 genere ominatus fuerat noster Vedelius,  
 Walachrorum nescius ; quem proinde ( ut  
 nunc usus docet ) Walachri Spiritualium  
 suarum nequitiarum conscii & grandia spi-  
 rantes, perstrinxere indignis modis; adorna-  
 to Grallatore, qui liberius illi malediceret:  
 nobis vero pietatisque amantibus manebit  
 nunc exemplum in Grallatore, Walachræ  
 sanctitatis specialis juris ( quod sæpe mo-  
 nui ) iniquitatis mysterium in eo consistere,  
 ut sub sacræ ecclesiasticæ censuræ velo, quo-  
 rumvis honori, bonis ac vitæ illudant, sibi  
 verò contra, peccandi, & quidvis malefa-  
 ciendi impunitatem procurent : id certe in  
 Grallatore nunc comprobatur Walachra Spi-  
 ritualitas ; ut qui mendacii, obtreptionis,  
 blasphemiarum, odii, infamiarum, fraudis omnium-  
 que maleficiorum publice convictus & com-

pertus sit, & pæne Christiani nomine indignus; defendatur tamen, ac si insons nulliusque mali conscius esset: haud ignorantes quasi ex cryptis prosilire undique veterum ejus nequitiarum, & injuriarum indices ac vindices: quibus litterarum Indicarum Grallatoris, spurca scurrilitas ab me nunc accessisset; si exemplar Amstelodamo promissum fuisset ad manum. Unde jam vident mecum boni mystæ & magnates; quid futurum tandem sit de talibus religionis sacrorumque custodibus; quales se jactant Walachri: videlicet, ut oppressis per vim & contumeliam vere piis, & ab ecclesia fugatis: tandem ecclesiæ nostræ nil sint quam hypocritarum & malorum hominum concursus, ubi fraudum & nequitiarum inventor & excultor sit Grallator Walachrus mystes, pastor & sacrorum antystes: qui suo exemplo & monitis, doceat omnes suas oves, infami & indigno more, simulare ac fraudum omne genus exercere. Quid hoc esset aliud quam religionem prorsus exterminare? & hominibus persuadere Lucretianum in morem, ut dicant cum impiis Psal. 14. non est religio, non est Deus: hæc in Grallis

mo-

monui præfagus, nunc exemplum ostendo in Walachro Grallatore: ex quo videant Magistratus pii tempus esse ut sacrorum religionisque custodiam sibi quoque sumant; perituræ, ni Apollonianis censoribus has partes eripiant, vel saltem in totum non committant. Sed sequatur nunc alia ineptia.

Laren. pag. 38. Carpit in me scurrilitatem, & *putat me nimis turpibus phrasibus usum esse*, in quo, cum illo passim gloriatur Grallator. Sed mere ineptiunt. Inep. 26.

Responderam in Bombomachia non esse semper scurrilitatem, si quis obscenis vel facetis verbis utatur ad carpenda turpia & ridicula; quod probaram exemplo Eliæ, & Marixii; uti nunc addo Malachiæ. ubi Deus ipse nævos sacrorum vocat stercus festorum: Respondet me non esse conferendum Eliæ. fateor; sed talis equidem fuit Helias, cujus exemplo tuto nobis liceat uti ad carpandos religionis corruptores hodie.

Sed excipit: *Heliam in Baalitas; Marixium in Papistas merito invecos esse: me autem in veram religionem, & ministros fideles incurrere:*

Veram religionem certe & pios ministros in Walachria esse speramus : sed qui Apollonianam novam Hierarchiam & papisticas Sanctitates Specialis juris , pro vera religione & sanctitate æstimet ; ac pro orthodoxis & fidis ministris habeat , qui eam cum contumelia defendant , is papatum pro vera religione censuerit ; & veros pastores facile dixerit , qui lupinam pellem auriumtenus sibi aptarint : non est virtus modo revocare , quos jam in fovea aut exitii crepidine videas : sed eos quoque , quos error recens à via traxit , & longius ni moneantur diduxerit. Quis non miretur Vlissinganum , à colo vel fuso fumfisse audaciam, Clariss. Marnixii facetiis, imprimendi censurarium stigma ? ita insipidum est quidquid Walachris Archimagiris non sapit. Certe si veterem papatum, non injustis fannis perstrinxit Marnixius, quia ineptus & ridiculus papatus erat ; non sunt indecori quoque nedum scurriles joci , quos edidi in Apollonianam fictam sanctitatem : quia & hæc papatus est, & ad papatum veterem recta digreditur. De his late respondi ante hac Walachris asinis, dum' inter mendacia hanc calumniam discussi, sed quia de eadem re aliquoties uterque cornicantur , idem  
nunc

nunc repeto; præsertim cum novissimo rap-  
fodo, ( adversus D. Petrum Lansbergium  
edito ) audaçter concionetur Vereanus fal-  
farius p. 17. me in contemptum cænæ asse-  
ruisse, quod *pistor, famulus, ac corbis, sacra  
sint, quia sacrum cænæ panem tangant*; & ut  
prædicationi Dei verbi illudam, me statue-  
re, *Calhedram, pallium, immo adherentes for-  
des, & stercore sacra fieri, ob sanctitatem prædi-  
catoris*; quis veritatis vim in illis Walachris  
mendacibus non videat? antehac eruditiss  
audebant illudere, & quasi Delphici Apol-  
linis oracula magnatibus fundebant, ad tria-  
rios nunc res devenit; inter vetulas salivant  
& ex colo fusoque concionantur; quid il-  
linc expectes præter mendaces ineptias? qui  
latinitatis periti Grallas legerunt, vident  
me prorsus contrarium docere; nimirum  
non licere hominibus commodi honoris-  
que causa vere sacrorum sanctitatem per  
consequentias & dependentias, protrahere  
pro voluntate & arbitrio: & quid mali  
ex hac licentia ortum sit, ostendi in Pa-  
pistis; ubi sacramentum cænæ non tantum  
pro sacro & sancto habetur, sed locus,  
altare, velum, Calix, Ciborium & alia  
quæ superstitiosi venerantur; non præ-  
dicatio solum sed prædicatores quoque;  
in

in quorum sanctitate non subsistens superstitione, effecit, ut togas, caputia, interulas, immo fœmoralia pæne Monachorum, vernerentur stulti viri & fœminæ; imprimis in Papa hoc videre est, qui cum sanctitatum omnium apud illos culmen sit: quis non videt consequentia hac licentia, Romæ natas esse innumeras sanctitatum nugas? ut jam domus, conclave; cathedra, cidaris, corona, gladius, vestis, crepidæ, imo muli, asinæ ac veneres fere Papæ, omnes spirituales & sacræ sint: hanc lepram quia in novo illo papista Walachro aperte invenire: ut consequentia, ac dependentia sacra, quoque venaretur; unde ecclesiastico suo choragio primo, dein sibi sanctitatis jus conciliaret, & vitiis suis tandem patrocinaretur; sumsi in exemplum hæc duo, quæ in cultu nostro, sanctitate & usu apertissime eminent, *Cænā* & *Prædicationem*; & ostendi si consequentiis ac dependentiis agere licitum sit quidquid Grallatori libitum fuerit; necessario ad illa obscena & turpia devenitura esse (ut apud papistas) facerrima religionis nostræ negotia: non probans illa (quod mentiuntur Walachri) sed improbens ac dete-

detestans papisticum dogma Grallatoris ;  
 quo recepto , in Ecclesias nostras tandem  
 consequutura sint , tot superstitiosa & ne-  
 fanda quæ apud papistas videmus , & risu  
 non minus quam rationibus disjecit Cl.  
 Marnixius in Apiario suo: jocandi exemplo  
 sumto ab Helia , Malachia , & aliis , à qui-  
 bus ego quoque mutuatus sum. Quod fa-  
 ctum cum in illis nemo merito reprehēdat ,  
 relinquendi igitur sunt illi Walachri curcu-  
 liones suis ineptiis , quorum ne plena qui-  
 dem centuria unum Marnixium expresse-  
 rit, cujus umbra post mortem plus valeat exter-  
 rendis Papis , quam centum Apolloniana  
 corpora : mihi semper placuere illius viri  
 joco-seria , non minus severe faceta , quam  
 graviter ludicra ; quibus ( si unquam alius )  
 lethale vulnus inflixit , fictis & superstitio-  
 sis papistarum sanctitatibus. Credat nunc  
 qui volet, Walachris vespertilionibus; ego  
 ejus vestigiis insistens novis illis papistis in-  
 dicavi , quorsum evasuri tandem essent ,  
 suis sanctitatum novis inventis & commen-  
 tis ; nimirum quod nunc effectus compro-  
 bat in Apollonio , ut tantæ dignitatis fiat  
*Auithoritativum pallium* , & specialis juris  
 sanctitas prædicatoria ; ut si odii, obrecta-  
 tionis,

tionis, falsitatis, blasphemiae, fraudum, sacrorumque omnium contemptus convinatur, comperiaturque, publico ecclesiae scandalo, tamen plus valeat hæc sanctitatis larva quam omnes sacrosanctæ Christi leges, omnis juris æquitatisq; contemptus, totiusque ecclesiae ac religionis reformatæ, contemneratio: quod malum si grassetur; non extabit alibi tam turpis spurcicies, quæ nõ huic turpi religionis corruptelæ longe sit postponenda. Sed finē nunc ponam ineptiis, & faxo ut vicissim ineptiant, & venusto coccismo inter se consonent, uterq; Walachrus cuculus.

Inep. 27

Grallator ubique par Bombomachidi; se excusat, quasi conscientiae integer nemini libens convivium faciat, aut quidquam nisi bene conscius, alicui maledicat: sed non minus ineptit in hoc, quam si, fuliginem carbonarius, aut lutum ab se sus remove vellet: duobus exemplis id nunc ostendo, Uno, D. Petri Lansbergii, de quo editis illius viri Apologiis nunc constat: altero D. Erasti, cui ut tanquam profanus & veteri hæretico merito maledicere videatur, ridiculum commentum obtrudit Jesuitarum more Epist. pag. 43. *sibi scilicet a reverendis collegis senibus narratum esse, qui id à superioris ævi ministris senioribus acceperant; Erastum illum*



*illum à Cena suspensum esse ob suspicionem Arriana perfidia, & ebrietatis scandali.* Quis non videt illum Walachrum mendacem hoc commentum excogitasse, vel à mendacibus collegis (à quibus forte mentiendi hanc Mechanicam didicit) accepisse? Clarissimorum virorum Gualteri, Bullingeri, & aliorum testimonio id facile ostenditur, quos constat Erasto, coëthaneos & familiares fuisse; ut non modo contra Bezam aliosque ejus doctrinam, vitam, & mores defenderint: sed ne quidem aliquid tale, à Beza aliisque ejus adversariis, unquam prolatum sit contra Erastum; cujus criminis sola suspicio, tam insignes viros ab Erasti patrocinio absterruisset: ut hic ineptiam rursus prodatur Grallator, dum mentiendi artifex, tamen non cogitat, quam oporteat mendacem esse memorem & circumspectum.

Sed jam Bombomachides ineptiat.

Ep. 2. p. 32. 33. Multum iterum salivat, Incp. 28. quod dixerim, Walachris hoc vulgare esse, ut privatorum fratrum, aliorumque delicta libenter carpant, sed sua carpi non patiantur; ad quæ exclamat: *egone hoc unquam negavi? ostende locum!*

Quam optandum sit aliquid nunc accedere Vlissinganui, de memorandi virtute

Gral-

Grallatoris ! qui inde ab Eraſti & Bezæ ſæculo, omnia per traditionem memoriter tenet : huic nunc mentem dicas excidiſſe, dum jam ignorat ea quæ ante triduum pene ſcripta ab illis ſunt : tot certe locis ampullatur de neceſſitate, divinitate, & uſu diſciplinariæ cenſuræ eccleſiaſticæ, dum putat, porcis, canibus, & corvis, omnia plena fore in eccleſia, niſi cenſura tanquam virga graſſetur ; ut vix locum invenire poſſim huic operi, ſi omnes locos annotaſſim : quidquid tamen de ſalutari illo cenſuræ remedio garriat ; id ſemper phraſi papistica accipiendum eſt ; ut cenſuralis virgæ non alius uſus ſit, quam ut myſtes hac feriat, non feriatur : eſſet enim illi paradoxum, ſi aliquis quam prædicator, armatus eſſet virga, gladio, & compedi- bus ; quibus tanquam ſpeciali jure ſacris, cum careat populus, & imprimis Magiſtratus ob carnalitatem, quis dubitet, extra cenſuralis virgæ ictum eſſe prædicatores : quis enim eos feriret ? an populus ? at is caret hac virga propter vilitatem ; an Magiſtratus ? is quoque ea deſtituitur ob profanitatem : ergo nil ſuper eſt quam ut mutuo ſe flagellent, virgiferi reges Wa-  
lachri :

lachri : Isthmum fodias potius , quam hoc absurdum extorqueas : exemplo sit Walachrus Grallator ; etsi enim errores , maledicta , ac malefacta in lucem producta sint , sic ut nemo nisi cæcus non videat : quantum illic hominum litigant ! quasi annona cara sit in Walachria , certamen litigandi & maledicendi edunt Spirituales censores , & clerum plerumque , Archontas , lapides , imo superos inferosque testantur de accepta injuria : adeo ut si ullius criminis arguas , non censuralis digiti modo pressura , sed vel halitus videatur esse intolerabilis illis fericariis Walachris.

Jam ineptiat iterum Grallator.

Epist. pag. 91. indignatur quod illi Inep. 29. exprobrarim in scriptis Jesuitarum plus quam sacris Scripturis versatum , inde in papatus Hierarchici commenta prolapsum esse , ad quæ Thraſonico vultu , *nescit iste homo quæ sint mea studia* inquit ; *gloriaturque se more martyris aliorumque in Jesuitis ut hospitem versatum , & se una concione horaria , plura S. Scripturæ loca proferre , quam in totis Grallis appareant . ineptia mera !*

Quis credat Martyri similem Grallatorem in Jesuitarum scriptis hospitem tantum

tum fuisse? qui in castra eorum transiit tam crebro & infelicitè, ut explorator esse volens, tandem factus sit transfuga, Clar. Martyr papistarum scripta ita legit cum sacris scripturis; ut in papatu cum honore versans ab eo dein aufugerit; non transfuga, sed explorator & strenuus Papæ debellator dein factus.

Jaçtat de S. Scripturæ creberrima in declamationibus allegatione; quid illius verum sit, penes auritos testes judicium esto: mihi nunquam valde in pretio fuit ille mos, à quo forte Vereanus sibi fastum sumit, nullo delectu, capita versusque sacri operis ex concordantiarum catalogo indicare; ut quasi arithmeticus logistes, numeros meminisse se gloriatur, si verba teneret. Qui Christi Apostolorumque conciones quotquot extant in N. T. diligenter volvat, videbit, eos hanc *πολυπραγμασύνην*, neglexisse; ut nec versum, nec caput, ac plerumque ne librum vel authorem nisi raro exprimerent; hoc solo contenti, quod vel verba scripturæ sacrae præcise, vel quoad sensum auditoribus proponerent: inter modernos reformatos, ad populi auram, & fastum paulatim omnia magis magisque com-

componuntur à prædicatoribus, dum vident rudi plebeculæ, mirandum esse & laudandum, quod capitum versuumque numeros sine delectu, & numero, sæpe citet prædicator & numeret: non improbo, nedum ut damnem; quidquid ædificandæ ecclesiæ rite excogitare possit usus: sed ne quid nimis! ne dum Dei negotium agere jussus Mystes, & Christianorum ædificationi servire, suo honori & captandæ auræ populari præcise incumbat: non est artis nedum probitatis statim, scripturæ capita, versus, ac verba quoque confuse promerere; ab hac probitate se ipse mendacissimus diabolus extrudi nolit, qui scripturæ sacræ detortis allegationibus, Christum ipsum tentando, vexasse legitur Mat. 4. quis hæreticorum catalogo statim deleri se postulet? quia scripturæ sacræ libros, capita, versus & verba multa personet, tanquam dodonæum æs? Memini alicubi in Liber-  
tinis, Quintino, aliisque non invenuste taxare Calvinum, quod scripturæ sacræ locis, & verbis copiose uterentur ad rudem plebem primo capiendam; & tamen notat eos tam id absurde & confuse facere solitos, ut non magis quam *stercus caprilum*

Q

*lum* ( ut loquitur ) cohærent , quæ dicerent . Sed de hac ineptia satis . prodeat iterum Bombomachides .

Laren . Epist . p . 57 . inter ineptiarum ac convitiorum farraginem , hoc ultimo mirifice exaggerat , tanquam *non tolerandam superbiam : quod de fideli Dei servo Apollonio dicam ; præcipuum ejus intentum esse : non salutem animarum , sed victum , honorem mundanum , & vindicta cupidinem ; quasi ne micam veri Dei timoris habeam , quod de occultis cordis ejus audeam pronunciare qua soli Deo putet esse committenda : anilis iterum ineptia !*

Si possem credere , tantum mundani salis esse , sub anili calantica , quantum sub papali mitra , autumarem simulationem hæc dictasse Bombomachidi ; nunc quasi redinfantiæ tribuam quod perpetuo se , non me carpat calumniando . Si colum Vlissinganam consulas ; intolerandam superbiam committit , & quasi *καρδιόγυστον* Deo eripit , qui de occultis cordis alicujus judicat : id si tam verum est quam clamat Vlissinganus , tum nemo non videt hic , intolerandam superbiam Walachrorum Mystrarum ! quorum mechanicam esse constat , de conscientiiis ignotorum & bonorum rhadamantizare . unde se ipsum

ipsum hic audiat Bombomachides. fatetur se non nosce qui sim, attamen aperte clamat; me *scurram, libertinum, reformatæ religionis hostem*, imo *Blasphæmum ætheum* esse: an non de corde & animo alicujus judicat, qui aliquem fide carere clamat: corde enim creditur ad justitiam: ut certe cor meum fidei vacuum esse censeat Vlissinganus. Si salivando filum diducere esset ratiocinari, nusquam academias celebriores compereris, quam in vetularum linificiis: Si hæc necdum intelligit; audiat Grallatorem suum! qui sic de me judicat, Ep. p. 90. *quod reluctante conscientia, & proprio judicio condemnatus sim.* & p. 71. Sic de me exclamat: *quas furias in illo tot scelerum conscio pectore savire remur? quas intentari faces? quos stimulos impingi? &c.* Hoc est scilicet occulta cordis Deo committere! quis non videt illos Walachros instar Cimbolorum tinnire quod nesciunt? ab exlege illo Papa mutuati sunt *γυρομάντις*, quod mechanicæ huic adsuaverint: nimirum ut terreant mulierculas & simplices homines, de *claudendo calo*, *aperiendo inferno*, de *diaboli & furiarum facibus*, de *Sardonio risu*, de *animi moderatione*, de *fuga maledicentia*, de *non judicandis cordibus* & simili-bus, venuste fabulantur; quibus ipsi non plus quam

quam figmentis credant. Simulac enim ad rem ventum est, & fors tulerit; nemo apertius omnes has leges contemnit; ut quidquid in alio damnant, quisque illorum indignissime, commiserit. Antichristi est ille Spiritus! qui tanquam privilegio hoc gaudet, ut omnes possit judicare, at nemo illi impune dixerit, quid facis?

Sed jam porro dicam non bene. sternutasse Vlissinganum, priusquam hoc paradoxum effutiret, *non posse ullo modo de occultis cordis judicari*: si id prudenter & ex apertis signis fiat, non magis peccabitur, quam si juxta Christi legem ex fructibus judices quæ intus virtus arboris sit: audiat Psalterem Bombomachides! Psal. 14. *impii* (inquit) *loquuntur in corde, non est Deus*: quid hoc? an cordium scrutatorem se facit & Deum? nil minus! sed ex publica impietate quam ostentabant, colligebat intus cor quoque esse impium: jam hic videat Bombomachides multiplicem ineptiam; clamat de cordium occultis judicari non posse, quod scriptura sacra & ratio negat: me vociferatur in corde impium esse, quem videt veræ religionis patronum & amicum, dum nonnisi Walachras corrup-  
telas,



telas , & novi papatus bdelugmata pro  
meritis perstringo : se suumque Grallato-  
rem putat integerrimi cordis esse ; & pium  
Mystem ; quem jam multoties vidit , pa-  
pissimum hierarchicum cudisse , & suis sa-  
cris ita lusisse , ut nil quam fastum , &  
commodum hujus seculi , inde venari vi-  
deretur. Non dubito quin simplicitatem  
Vlissinganam tacite secum rideat Verean-  
nus , quam videat tantopere contendere ,  
de re nimis jam nota. Sed ineptiat iterum  
Grallator.

Is certe melius sibi conscius quis sit. Inep. 31.  
Episto. pag. 2. 3. implorat patrocini-  
um Collegarum , & imprimis Classicorum , in-  
solita humilitate postulans , ut se in hac  
causa non deserant ; *are illo teneri dicit Wa-*  
*lachros , & hoc se publice manifestare ut mun-*  
*dus videat , quomodo hoc debitum persolvant :*  
sentiebat se multorum maledictorum , &  
malefactorum reum esse , ad quæ occul-  
tanda videbat nil convenientius in præsens ,  
quam ut omnes Classicos , in suum patro-  
cinium raperet : in Bombomachide anilem  
inscitiam ex simplicitate facile videas ; is  
rem non bene expendens defectu Judicii ,  
animi tamen ( ut spero ) integer , clamat se

Q 3

non

non Walachris modo, sed Zeelandis, immo omnibus reformatis *ἡμετέροις* & conculcandam esse: Grallator non immemor propositi, & quam dissentiat ab omnibus fere reformatis; ab simplicitate & teneritate Collegarum & Classicorum, expectat unicum patrociniū; quibus persuadere nititur ex syngraphæ jure, obstrictos esse omnes, ut erroribus & maleficiis antè non bene agnitis, tamen patrocinentur.

Mihi hæc legenti statim obversata est Æsopi fabula, de vulpe quadam callida; quæ ob rapacitatem laqueo suspensa, evaserat tamen, sed abscissa cauda; cujus dedecore tristes, ac volens se ab hoc pudore liberare, narrat eam accessisse ad alias vulpes, & sedentem (ut fædam ani nuditatem teget) multis differuisse, in collegio vulpium, quam nec utile, nec decorum esset, eas caudam tam magnam gestare, quippe quæ oneri esset, & dedecori, quam nunquam ita possint custodire, quin luto, sordibus, & infectis onustam post se traherent: cujus orationis finis erat, ut caudam sibi omnes præciderent: sed cautior quædam vulpes, contra differens, persuasit reliquis, ut servata quisque sibi cauda, nuditatem fædam excau-

excaudi illi vulpi relinquerent cum ludibrio. Non aliter Grallator Vereanus sentiens, ob inconsideratum fastum sibi abscissam Hierarchiæ caudam, qua antehac nimis superbierat; conatur persuadere suis Classicis; ut tanquam excaudes simiæ, honore orthodoxiæ nudatæ; dein pergant secum turpiter sine cauda oberrare: si ab me consilium petant Classici Walachri; suaferim ut quisque servato sibi honore relinquant illum suæ nuditati; ut qui ante deceptis & spretis collegis, ob novi papatus audaciam, caudam dedecoris amiserit, solus quoque nudus nunc, & sine cauda oberret. Quis finem inveniret ineptiis Walachris recensendis? unde nunc desinam numerare hac faceta ineptia, si pauca de Latinitate Apolloniana adjecero.

*Coercivus* putat esse contractum pro *coercitivus*: si liberum fuerit novo huic Grammatico, pro libitu contrahere, cur non scribit quoque *bombivus*, contractum pro *bombitivus*. vel *posivus* pro *positivus*? urbem tenui *tibicine fulgiri*, dixit Juvenalis non male; quia Tibicinis custodia fulsit urbes, sed *orationem debili tibicine fulsire*, qui imperite disputat; *vel laxis soccis frigidam suffundere*;

Q 4

nusquam

nusquam lectum memini, nisi ubi cothurnis incedere volens superbus disputator, puerili more gralletur.

*Vox impertinuntur*, passive usurpata est à priscis; quod Grallator ignorabat Grallas scribens, & ipse quoque Bombomachides cum suscepto Grallatoris patrocinio locum proferebat, in quo neutra, & deponenti significatione accipitur; quod tam accuratum criticum non decebat: præsertim qui nosce poterat, raro ob ambiguitatem, passiva voce accipi, verbum, quod deponenti significatione in usu est, atque id notandum potius, quam imitandum: sed nolim in minutiis frustra pertinax esse (ut cavillatur Bombomachides p. 60.) modo absit Barbaries: *Ubi plura nitent in carmine non ego paucis offendar maculis: quas aut incuria fudit. &c.* sepe rebus magnis intenti doctiores, ad verba minus attenderint; quid hoc pro Grallatore? qui censurariis nugis ita incubuit, ut effutiret illud Grammatica censura dignum, pudor igitur ille salutaris de peccato qui à peccato retrahit &c. *finem & effectum esse excommunicationis certum est.* de jur. majest. part. 2. pag. 24. si illa attentio viros doctos decet; male faciunt pædagogi quod  
virois

virgis cedant pueros, dum lufibus intenti, fimiles folæcifmos admittunt. Nimis multa nunc fateor dixi de *Ineptiis*, *Mendaciis*, & *furore* Grallatoris. ac Bombomachidis, nil refponfurus, nifi infignium virorum & eruditorum familiaritas, amicitia hoc dediffet, ut taceri nollem, quod in Wala-chris merito rideri poffet: quanquam certe indecorus femper mihi fit rifus, qui non Ecclefia ac reipublica bonis inferviat. Nimis funeftum fuerit, hoc tempore, papalem hierarchiam tyrannicam, omniumque errorum & fuperftitionum fontem, & imprimis politicae poteftatis ac Majeltatis contemptricem, noftris ecclefiis advenire; ut papatui propius accedamus, dum papi-ftæ ob liberius commercium, nobis accedant propius: Abfit! ut politica poteftas architectonica, ecclefiafticis fafcibus & virgis fubjiciatur, præter divinum, Chriftianum, ac gentile jus. Hæc Antichrifti rabies fuit, ut ex primis quafi Ecclefia fecundinis; fuperftitionis culeum aptarint ecclefiaftici pelliones; cui paulatim in volverunt non laicos modo fed fuperftitiofos politicos & magnates, ut non aliter quam olim deteftandis paricidis accidiffe apud Roma-

Romanos narrat Cícero ; hi quoque ita huic Culeo inclusi , nec ignis , nec aeris , nec aquæ aut terræ , liberum habebant usum sine clericorum arbitrio ; unde jam tritum est misellis illis sub Papa , ut nec terræ , nec cæli usu liberè fruantur nisi quantum togatis fucis , libeat permittere , ac quasi per Siphonem , respirent ; tantillo aeris , qui fædo bdelugmatum spiritualium fæto pestilens , perpetua vertigine eos cogat suæ servituti indormire : desciderat olim culeum illum Lutherus , & Dynastas libertati à se restitutos monstrato libertatis jure , illam perniciem fugere docuerat ; quem deinde imitati sunt multi ex primis reformatoribus , donec tandem novatores quidam veterum satur , ex papistarum secundinis , & Romanæ meretricis lanificio , telam occepere de novo , raro subtemine ; ex qua saccum conficere conatus est Grallator suis centonibus , cui veterem in morem iterum includeret politicos : jamque id perfecerat in Walachria dolus & persuasio ; ut non saccum modo ingressi , in eo starent illic politici , sed jam in genua fere subsederant quidam dynastæ , instantibus Grallatore , cum suis ; uti specialis juris sanctitati , id